

سَلَامٌ عَلَيْكَ يَا
صِدِّيقُ



نور

دیاں کرناں

اظہر محمود

نور نبی دیاں کرناں
صلی اللہ علیہ وسلم

اظہر محمود

ایوانِ سیرت

نور نبی ﷺ دیاں کرنال

لکھاری	اظہر محمود
پروف خوانی	راجا اختر محمود
کمپوزنگ	نعت کمپوزنگ سنٹر
ڈیزائننگ	مدنی گرا کلس، لاہور
چھاپہ خانہ	نیو فائن پرنٹنگ پریس، لاہور
چھپائی دی نگرانی	اسجد اقبال اسجد
پہلی واری	ایکٹی رمضان، سن چودہ سو ویمہ /
	ست جنوری، سن دو ہزار
تعداد	اک ہزار
قیمت	۱۰۰ روپے

ناشر

ایوان سیرت

اظہر منزل۔ نیو شمال مار کالونی۔ ملتان روڈ۔ لاہور

فون: ۷۳۶۳۶۸۴

رُشنائی

۵	نور نبی ﷺ دیاں اک لکھ چوتھی ہزار کرنال
۶	اسیس بوروں دور دور آل
۹	غربی دی دھوڑ
۱۳	نور دی چیر پھاڑ
۱۵	نور نبی ﷺ دیاں کرنال و تون میٹیاں اکھال
۱۹	نبتاں دی روشنی اگے ڈکے
۲۱	منیاں پر منیاں روشنیاں تے پردے
۲۳	نور نبی ﷺ نال نور جبریل دانا کرا
۳۰	نور نبی ﷺ دیاں کرنال پہلاں کنھال تے پیاں
۳۲	نور نبی ﷺ دیاں کرنال عربوں باہر
۳۵	کرنال دی قید
۳۷	جنگ دیاں ہنیریاں وچ کرنال دی لو
۳۹	نور نبی ﷺ دیاں کرنال تون منہ چھپاؤنا
۴۲	روشنی دیاں منبعیاں نال ساڈی محبت
۴۴	نور دی اک کرن نال محبت، باقیاں نال دشمنی
۴۹	نور نبی ﷺ دے نال تے جھگڑے
۵۸	نور نبی ﷺ دیاں کرنال
۵۸	چنگے اخلاق
۶۲	ماپیاں نال سلوک

بِسْمِ اللّٰهِ الرَّحْمٰنِ الرَّحِیْمِ

نور نبی ﷺ دیاں اک لکھ چوٹی ہزار کرناں

اپنے محبوب ﷺ نوں ایس دنیا تے گھل کے، ساڈے خالق مالک نے ساڈے اُتے احسان فرمایا۔ رب کریم اپنی اصل وچ خالق، مالک، رازق، رب اے۔ جو چاہے کرے، جد چاہے کرے تے جہراں چاہے کرے۔ اوہنے اپنے محبوب ﷺ نوں نبی تے رسول بنایا اے۔ سرکار ﷺ اپنی اصل وچ نبی تے رسول نیں۔ ایس دنیا وچ جتے وی انبیاء تے رُسل (علیہم السلام) آئے نیں، سارے اسی حضور ﷺ دے صدقے آئے۔ اوہناں نوں نبوت رسالت لہجی اسی سرکار ﷺ پاروں اے۔

”یاد کرو اوہ ویلا“ جد اللہ نے نبیاں کولوں وعدہ لیا سی کہ جے تہانوں کتاب اُتے حکمت دتی گئی۔ فیر تہاڈے کول اوہ رسول (ﷺ) آئے جو اوس کتاب اُتے حکمت دی تصدیق فرماون جیہڑی تہانوں عطا کیتی گئی اے۔ تے تیس اوہناں تے ایمان لیاؤ نا، اُتے اوہناں دی مدد کرنا۔ رب نے پچھیا: تیس اقرار کروے او، اُتے ایس وعدے نوں نبھاؤ گے۔ اوہناں کہیا: اسیں مٹنے آں۔ اللہ نے فرمایا۔ لوفیر، اک دوجے تے گواہ بن جاؤ، تے میں وی ایس گواہی وچ

تہاڈے نال آں۔ (آل عمران- ۸۱:۳)

اللہ پاک دے ایس فرمان وچوں اک تے ایہ گل پئی ہو گئی کہ اصلی نبی

سلام پھیلاؤ نا

مسلمان دی جان، مال تے عزت آبرو

گواہنڈیاں نال سلوک

اپنے نوں اُپے نوں ویکھو تے نیویں ول نگاہ دوڑاؤ

دولت مندی کیہ اے؟

سقاوت

نہ بخیلی، نہ اسراف

تجارت

سچ بولنا، اُتے جھوٹ توں بچنا

غیبت کرنا

غصے اُتے قابو

عہدے دی خواہش کرنا

دو بوثیاں والا

وکھاوے لئی کیتے گئے چنگے کم

ناحق قتل

عاجزی اختیار کرنا

ماخذ

۶۵

۶۹

۷۱

۷۴

۷۶

۷۸

۸۲

۸۴

۸۶

۸۹

۹۰

۹۲

۹۳

۹۴

۹۵

۹۷

۱۰۱-۱۰۴

تے رسول حضور پاک ﷺ ای نہیں۔ نبیاں نے آپ ﷺ اُتے ایمان لیاؤں داتے آپ ﷺ دی مدد کرن دا وعدہ کیتاتے اوہناں نوں نبوت عطا فرمائی گئی۔ مطلب ایہ کہ ساریاں نوں نبوت حضور ﷺ دے صدقے ای ملی۔ دوجی گل ایہ سامنے آگئی کہ نبیاں دیاں ساریاں رونقناں حضور پاک ﷺ دے تشریف لیاؤں نال ای سن۔ آپ سرکار ﷺ توں بعدوں کوئی نبی آئی نہیں سی سکدا۔ سگوں ساریاں نبیاں کولوں وعدہ لیا جا چکیا سی کہ جے تہاؤں ہندیاں حضور ﷺ آگئے تے تہاں اپنی نبوت چھڈ دینی اے، حضور ﷺ تے ایمان لے اوٹاں اے، اُتے آپ ﷺ دی مدد کرنی اے۔ ایہ من مناون توں مگروں ای تے نبوت وںڈیاں گیاں۔ اک لکھ چوٹی ہزار پیغمبر (علیہم السلام) دی نور نبی ﷺ دیاں کرناں نیں۔

نبیاں دے نبی، رسولان دے رسول، رب کریم دے محبوب حضور محمد رسول اللہ ﷺ ایس دنیا اُتے تشریف لے آئے۔ تے لوکائی وچوں اوہ لوکی خوش بخت نکلے، جنہاں آپ سرکار ﷺ نوں من لیا، آپ سرکار ﷺ تے ایمان لے آئے، تے ایس طرح سدھے راہے پئے گئے۔

اسیں نوروں دُور دُور آں

پر جے ایمان لیاؤں تے من لین والی گل گھنڈیوں اُتے اُتے ای رہوے، دلوں بجانوں من تیکر نہ اُڑے۔ زبان تے دل اکو جیسے نہ ہوں، کمں تے کرن دے حوالے نال، دور گی نظریں آوے۔ تے ایمان کتھے رہیا۔

اسیں آکھن نوں پئے آکھیہ کہ سانوں حضور پاک ﷺ نے دیا

اے، جے رب راؤ ای اے۔ اسل اوہدی ای عبادت کرنی اے، تے اوہدے کولوں ای مدد ملگنی اے۔ پر، اپنیاں تاہنگھاں، اُنگھاں نوں رب بنا کیے، عبادت وکھاوے لئی پئے کریے، تے مدد منگن لئی، اپنی ذات لئی ایدھر اوہر تھ پئے اُڑیے، تے قوم ملک خاطر وی کافر مکاں لگے جھولی ڈالی رکھے۔ فیر گلاں تے عمل دکھو دکھرے ای ہووے ناں! ایہداناں ای منافقت اے۔

ساڈی خوش بختی جُندی، جے اسیں ایہ کمں توں بعد، کہ اللہ پاک کولوں ساڈے اعمال لکے چُپے نہیں، ایہ من وی لیندے کہ رب سارا کجھ ویہندا اے پیا۔ اگر واقعی ساڈا ایمان ایہ ہووے کہ اللہ تعالیٰ ساڈیاں عملاں دا نگران اے، اوہ سانوں رُڈیاں پھردیاں، جھوٹ بولدیاں، دھوکے بازی کردیاں، لڑدیاں جھگڑدیاں، ہر کم کردیاں ویکھ رہیا اے، فیر سانوں حضور پاک ﷺ دی ایس گل تے وی یقین ہووے کہ قیامت اوئی اے، حساب کتاب ہونا اے،۔۔۔ تے اسیں کوئی بھیزا کم کر کس طرح سکے آں۔ ساڈے وچ جنیاں برائیاں ہے نیں، ایسے لئی نیں کہ اسیں منہ راہوں تے اللہ پاک اُتے، اوہدیاں سفتاں اُتے، نالے حضور ﷺ دیاں دسیاں ہور ساریاں گلاں اُتے ایمان لیاؤں دیاں گلاں کرنے آں، ڈھڈوں ایہناں تے یقین نہیں رکھدے۔ ایہ ایمان لیاؤں داتے من لینا کس طرح ہویا۔

اللہ پاک نے اپنے سوہنے ﷺ نوں گھل کے ساڈے تے احسان فرمایا سی۔ (آل عمران - ۳: ۱۶۳) پر اسیں ایس احسان نوں من دی اہمیت ای نہیں سمجھی۔ رب کریم نے آپ سرکار ﷺ اُتے قرآن مجید نازل فرمایا۔ قرآن پاک انسانی زندگی لئی اک مکمل ضابطہ اے۔ حضور پاک ﷺ دی

سنت مبارک، آپ ﷺ دیاں مبارک عادتیں، آپ ﷺ دے موتیاں ورگے اکھان ساڈی رہنمائی لئی سن۔ اسان قرآن تے سنت موجب اپنیاں زندگیاں گزارنیاں سن۔ اللہ کریم نے فرمایا سی، اللہ دے رسول ﷺ دی پاک حیاتی تہاڈے لئی نمونہ اے (الأحزاب- ۲۱:۳۳)

اسان کیہ کیتا؟ کجھاں نے اللہ تے اوہدے رسول ﷺ دے فرمان ول توجہ دین دی ای تکلیف نہ کیتی۔ جیہڑے لہج کل ایہناں حکماں توں واقعی رکھدے نیں، اوہناں ایہ طریقہ اختیار کیتا ہویا اے کہ جیہڑی گل جتنی گوجنگی لگدی اے، اوہدے تے عمل کر لیندے نیں، باقی چھڈ دیندے نیں۔ کجھ ہور سیانے پئے نیں، اوہ جس طرح اپنی زندگی گزارنا چاہندے نیں، اوہدے اجواز قرآن یا حدیث وچوں لہمن دی کردے نیں۔ بھلا ایہ کیہ گل ہوئی۔ جنھاں رب تے اوہدے سوہنے رسول ﷺ دے حکم موجب چلنا سی، اوہ قرآن حدیث وچوں اپنی مرضی دیاں گلاں ڈھونڈن لگ پئے۔ اللہ پاک نے تے فرمایا سی: ”ایمان والیو! اسلام وچ پورے دے پورے داخل ہو جاؤ“ (البقرہ ۲: ۲۰۸)۔ اسیں چنگے ایمان والے آں، جتناں دل کرے، یا جس ویلے لوڑ پئے، اسلام وچ وڑ بندے آں، اتے جیہڑیاں گلاں ساڈے ”نفسِ کمارہ“ لئی اوکھیاں دسدیاں نیں، اوہناں توں دور ای دور رہندے آں۔ ایہ اللہ تے اوہدے رسول ﷺ دی مرضی دا اسلام تے نہیں، ایہ تے ساڈی اپنی مرضی دا اسلام ہویا نا!

حضور پاک ﷺ دی حیاتی توں ساڈے لئی نمونہ قرار دتا گیا سی۔ اسان آپ ﷺ دی پاک حیاتی دی تقلید کرنی سی، اخلاق دیاں اوہناں نمونیاں توں اپناؤنا سی۔ جنھاں توں ویکھ کے تے دنیا اسلام لیائی۔ نور نبی

ﷺ دیاں کرناں نال اپنی حیاتی دے ساریاں ساہواں نوں نور و نور کرناں سی۔ ایس طرح، دشمنیاں لڑائیاں توں پاک صاف معاشرہ قائم کرنا سی جہدے وچ مجتہد ای مجتہد ہوں، لوکی اک دوجے دے دکھ سکھ دے ساتھی بنن، تے اسلامی بھائی چارہ دنیا وچ مثال بن جائے۔ پر اسان ایس راہ توں ہٹن پچن خاطر کئی کم وکھائے۔

اک کم تے ایہ ہویا پئی حضور پاک ﷺ دی سیرت پاک دے واقعیات اندر اختلاف ای اختلاف وکھال دتے۔ کئی گلاں ایہیہاں واڑیاں تے چلائیاں گئیاں جنھاں توں ثابت ای نہیں کیتا جا سکدا۔ کجھ ایسیاں باتاں آپ سرکار ﷺ نال منسوب کردتیاں گئیاں جیہڑیاں کسے عام بندے کولوں وی چنگیاں نہ لگن۔ کجھ لوکاں، نویاں کاڈھاں کڈھن دے شوق اندر، کجھ نے اپنے اندر دی خرابی پاروں، کیاں نے اپنے مسلک مذہب دی وڈوں ثابت کرن تے دوجیاں دے موقف نوں کمزور وکھاؤن خاطر، اتے کجھ طاقتاں نے اسلام دی اخیرلی شکل نوں دنیا تیکر اپڑاؤن والی ہستی دے مقام نوں نقصان پہنچاؤن دی نیت نال، سیرت پاک وچ کئی گلاں واڑیاں، کئی بخشاں چلائیاں۔

غریبی دی دھوڑ

حضور پاک ﷺ دی پیدائش نال ای آپ ﷺ دی غریبی دا ذکر شروع کردتا جاندا اے۔ **مسلم شریف** تے **اسدالغابہ** وچ اے کہ حضرت عبداللہؓ ولوں حضور ﷺ نوں بیچ اونٹ، بکریاں دا اک اجڑے اک کینرلی۔ **ابن قتیبہ** اک غلام وی دسدے نیں۔ (کتاب المعارف۔

ص ۱۳۵) ابوالاعلیٰ مودودی کہندے ہیں، 'اک روایت موجب اک اونٹھ تے اک کنیز ای سی (سیرت سرورِ عالم - جلد دوم - ص ۹۵) گل کرو! جیہڑے حضرت عبداللہؐ تجارت پیشہ سن۔ تجارت لئی ای گئے ہوئے سن۔ ہور مکاں توں مڑ کے مدینہ پاک پڑے، او تھوں کھجوریں لے کے اونا سامنے۔ او تھے بیمار ہوئے، فوت ہو گئے۔ کوئی دے تے سہی کہ اوہناں دا تجارت داسارا سلمان کون لے گیا؟

ایسے گل نوں اگے ودھا کے، حلیمہ سعدیہؓ نال لگا دیا گیا کہ اوہنوں پیسے والیاں دا کوئی گھر نہ لبھا، تے مجبوراً حضور پاک ﷺ نوں لے چلی۔ حالانکہ حضرت عبداللہؐ دے فوت ہو جان توں بعد وی، حضرت عبدالملکؓ تے موجود سن۔ کچھ دن پہلوں ای ابرہہ اوہناں دے سویا زیادہ اونٹھ پھڑکے لے گیا سی۔ (معارج النبوت - جلد اول - ص ۷۲)۔ اوہناں اوہ اونٹھ واپس لیا کے کول نہ رکھے، اللہ دی راہ وچ فتنہ کر دتے۔ اوہناں حضور ﷺ دی پیدائش تے لئی چوڑی دعوت کیتی۔ حضرت حلیمہؓ نوں بڑا کچھ دتا۔ نالے بتے سارے اونٹھ تے ۲۸ تالے سونا صدقہ کیتا سامنے۔ (مدارج النبوت - جلد دوم - ص ۳۶ / المواہب اللدنیہ - جلد اول - ص ۱۶۶) پر ایہ سب کچھ بھل کے، ساڈے سیرت نگار ڈٹے ہوئے نیں کہ حضور ﷺ نوں غریب ای کہنا ایں۔

حضور ﷺ دی غریبی نوں حیاتی دے اخیر تیکر اُپڑایا گیا اے۔ ایہدے وچ کمائی صرف اوہ دکھائی جاندی اے جیہڑی حضرت خدیجہؓ دے سلمان دی تجارت توں "مزدوری" دے طور تے ملی۔ لکھیا جاندا اے کہ غیر حضرت خدیجہؓ نال ویاہ ہو گیا تے اوہدے مال نال کم چلن لگ پیا۔ جد نبوت دا اعلان کیتا،

منن والے ہدیے لے کے اون لگ پئے۔ مدینہ پاک جا کے کافراں نال لڑائیاں شروع ہوئیاں تے غنیمت دامل لبھنا شروع ہو گیا۔

دسوا! ایہ حضور پاک ﷺ دی حیاتی پاک دسی جا رہی ہے۔ کدی بیوی دامل کھان والا کسے جگہ عزت پا سکدا اے؟ کدے، کسے غریب کول وی لوکی امانتیں رکھدے نیں! جتھے سارے ای تجارت پیشہ رہندے ہون، او تھے کسے غریب کھٹو (نحوذ باللہ) نوں وی سرائکھاں تے بٹھایا جاندا اے؟ میری باجی

شہناز کوثر نے اپنی کتاب حضور ﷺ کی معاشی زندگی وچ دلیلاں نال ثابت کیتا اے کہ حضرت عبداللہؐ دا تجارتی سلمان تے پیسہ، پہلوں حضرت عبدالملکؓ فیر حضرت ابوطالبؓ نے تجارت وچ لائی رکھیا۔ وڈے ہو کے حضور ﷺ نے خود ایہ کم سنبھالیا۔ شہناز کوثر نے شام دے کئی سفریں توں اؤ یمن، جرش، بحرین، حبشہ، بعاثہ، نجد، نیران، فلسطین، عمان، دبا، مصر وغیرہ دے حضور ﷺ دے تجارتی سفریں دا، حوالیاں نال، ذکر کیتا اے۔ نالے ثابت کیتا اے کہ حضرت خدیجہؓ تے کئی اور، حضور ﷺ دے تجارتی شریک سن۔ ایس کتاب وچ قرار دیا گیا کہ حضور ﷺ دے ارشاد موجب (سنن ابو داؤد - کتاب النکاح - / مسلم شریف - کتاب الحج)۔ تنبیہیں دا خرچہ خاوند دے ذمے اے تے تنبیہیں دا خاوند تے خرچ کرنا صدقہ اے۔ صدقہ جیہڑا حضور ﷺ تے آپ ﷺ دی آل واسطے جائز ای نیں۔ (بخاری - کتاب الصدقہ)

سچ ایہ اے کہ عرب دے رواج موجب کدے حضور ﷺ اپنا تے مکے دیاں دو جیاں و سنیکال دامل لے کے دو جیاں شہراں، منڈیاں یا مکاں وچ

ص ۱۳۵) ابوالاعلیٰ مودودی کہندے ہیں، 'اک روایت موجب اک اونٹھ تے اک کنیز ای سی (سیرت سرورِ عالم - جلد دوم - ص ۹۵) گل کرو! جیہڑے حضرت عبداللہؐ تجارت پیشہ سن۔ تجارت لئی ای گئے ہوئے سن۔ ہور مکاں توں مڑ کے مدینے پاک اپڑے، او تھوں کھجوریں لے کے اونا سامنے۔ او تھے بیمار ہوئے، فوت ہو گئے۔ کوئی دے تے سہی کہ اوہناں دا تجارت دا سارا سامان کون لے گیا؟

ایسے گل نوں اگے ودھا کے، حلیمہ سعدیہؓ نال لگا دتا گیا کہ اوہنوں پیسے والیاں دا کوئی گھر نہ لبھا، تے مجبوراً حضور پاک ﷺ نوں لے چلی۔ حالانکہ حضرت عبداللہؐ دے فوت ہو جان توں بعد وی، حضرت عبدالملکؓ تے موجود سن۔ کچھ دن پہلوں ای ابہرہ اوہناں دے سویا زیادہ اونٹھ پھڑکے لے گیا سی۔ (معارج النبوت - جلد اول - ص ۷۷)۔ اوہناں اوہ اونٹھ واپس لیا کے کول نہ رکھے، اللہ دی راہ وچ فزع کر دتے۔ اوہناں حضور ﷺ دی پیدائش تے لئی چوڑی دعوت کیتی۔ حضرت حلیمہؓ نوں بڑا کچھ دتا۔ نالے بستے سارے اونٹھ تے ۲۸ تالے سونا صدقہ کیتا سامنے۔ (مدارج النبوت - جلد دوم - ص ۳۶) / المواہب اللنیہ - جلد اول - ص ۱۶۶) پر ایہ سب کچھ بھل کے، ساڈے سیرت نگار ڈٹے ہوئے ہیں کہ حضور ﷺ نوں غریب ای کہنا ایں۔

حضور ﷺ دی غریبی نوں حیاتی دے اخیر تیکر اپڑایا گیا اے۔ ایہدے وچ کمائی صرف اوہ دکھائی جاندی اے جیہڑی حضرت خدیجہؓ دے سامان دی تجارت توں "مزدوری" دے طور تے ملی۔ لکھیا جاندا اے کہ خیر حضرت خدیجہؓ نال ویہا ہو گیا تے اوہدے مال نال کم چلن لگ پیا۔ جد نبوت دا اعلان کیتا،

من والے ہدیے لے کے اون لگ پئے۔ مدینے پاک جا کے کافراں نال لڑائیاں شروع ہوئیاں تے غنیمت دا مال لبھنا شروع ہو گیا۔

دسوا! ایہ حضور پاک ﷺ دی حیاتی پاک دسی جا رہی جے۔ کدی بیوی دا مال کھان والا کسے جگہ عزت پا سکدا اے؟ کدے، کسے غریب کول وی لوکی امانتاں رکھدے نیں! جتھے سارے ای تجارت پیشہ رہندے ہوں، او تھے کسے غریب کھنڈو (نعوذ باللہ) نوں وی سراکھاں تے بٹھایا جاندا اے؟ میری باہی

شہناز کوثر نے اپنی کتاب حضور ﷺ کی معاشی زندگی وچ دلیلاں نال ثابت کیتا اے کہ حضرت عبداللہؐ دا تجارتی سامان تے پیسہ، پہلوں حضرت عبدالملکؓ فیر حضرت ابوطالبؓ نے تجارت وچ لائی رکھیا۔ وڈے ہو کے حضور ﷺ نے خود ایہ کم سنبھالیا۔ شہناز کوثر نے شام دے کئی سفران توں اڈمین، جرش، بحرین، حبشہ، بعاشہ، نجد، نبران، فلسطین، عمان، دبا، مصر وغیرہ دے حضور ﷺ دے تجارتی سفران دا حوالیاں نال، ذکر کیتا اے۔ نالے ثابت کیتا اے کہ حضرت خدیجہؓ تے کئی اور، حضور ﷺ دے تجارتی شریک سن۔ ایس کتاب وچ قرار دتا گیا کہ حضور ﷺ دے ارشاد موجب (سنن ابو داؤد - کتاب النکاح - / مسلم شریف - کتاب الحج)۔ رتیوں دا خرچہ خاوند دے ڈٹے اے تے رتیوں دا خاوند تے خرچ کرنا صدقہ اے۔ صدقہ جیہڑا حضور ﷺ تے آپ ﷺ دی آل واسطے جائز ای نہیں۔ (بخاری - کتاب الصدقہ)

سچ ایہ اے کہ عرب دے رواج موجب کدے حضور ﷺ اپنا تے مکے دیاں دو جیاں و سینکلاں دا مال لے کے دو جیاں شہراں، منڈیاں یا مکاں وچ

گھروچ چلھا نہیں سی بلدا، یادو کھجوراں تے گزارا کیتا جاندا سی، ایہ فقر حضور ﷺ نے آپ اختیار کیتا ہویا سی۔ ایہد سبب غربی نہیں سی۔

نور دی چیر پھاڑ

اسیں حضور پاک ﷺ بارے ایس بحث دے خلاف آں کہ آپ ﷺ نور سن کہ بشر۔ آپ ﷺ بے شک بشر سن کہ بندیاں دی رہنمائی لئی کوئی فرشتہ تے نہیں سی گھلیا جا سکدا۔ آپ ﷺ انسانی شکل وچ ای تشریف لیائے، اتے قدم قدم تے لوکائی نوں زندگی گزارن داؤل سکھایا۔ پر آپ سرکار ﷺ نوں نبوت دا نور وی عطا کیتا گیا سی۔ آپ ﷺ نوں محبوبیت دا نور وی بخشیا گیا سی۔ آپ ﷺ دی پاک حیاتی نور سی۔ آپ ﷺ دے دھیان پتر وی نور سن۔ تے آپ ﷺ دیاں دو دھیان (حضرت ام کلثوم رضی اللہ عنہا اور حضرت رقیہ رضی اللہ عنہا) جنہاں دے نکاح وچ آئیاں، اوہ دو نوریاں والے (ذوالنورین) بنے۔

اج نہیں، اسیں کدے وی نور بشر دے جھگڑے، جھیرے وچ نہیں پئے۔ پر اج اسماں ”شق صدر“ بارے گل کرنی اے۔ سورۃ الم نشرح دی شرح وچ ابن کثیر تے کچھ ہور مفسر ”انشرح صدر“ (سینہ کھولن) نوں ”اشفاق قلب“ (دل دی چیر پھاڑ) قرار دیندے نیں (تفسیر ابن کثیر۔ اردو ترجمہ۔ جلد پنجم۔ ص ۵۹۰) شاہ عبدالعزیز دہلوی لکھدے نیں کہ ایہ چیر پھاڑ چار واری ہوئی۔ پہلی واری تہاں، بے دل وچوں منڈیاں کھنڈیاں والیاں برائیاں کڈھ دتیاں جان۔ دوجی واری ایس لئی کہ جوانی وچ جھیرے کم

تجارت لئی جانڈے سن۔ تے تے ارد گرد جیہڑیاں چیزاں ستیاں بندیاں سن، اوہ باہر، تے باہروں جو شے سستی بھدی سی، اوہ تے یا دوجیاں شہراں مکاں وچ وچن لئی لے جانڈے سن۔ کدے دوجے لوکی اپنا تے حضور پاک ﷺ دا سلمان تجارت لئی لے جانڈے، تے لے اونڈے سن۔

حضرت خدیجہ رضی اللہ عنہا دا مال وی حضور ﷺ ”مزدوری“ تے نہیں سن لے گئے بلکہ دوجیاں تاجراں دی طرح ایہناں دا سلمان وی حضور ﷺ وچن خریدن لئی لے گئے سن۔ حضرت خدیجہؓ تو او، حضرت زبیرؓ، حضرت ابوطالبؓ، حضرت ابوبکر صدیقؓ، حضرت سائبؓ بن ابی سائبؓ، حضرت خزیمہؓ، حضرت حکیم بن حزامؓ، حضرت عباسؓ، قیس بن سائبؓ، نوآس بن سمانؓ، ہشام بن عمرو عامریؓ، عبداللہ بن سائبؓ، ابوسفیان بن حرب تے عبداللہ بن ابی اسحاقؓ وی حضور پاک ﷺ دی تجارتی سانجھ سی۔ اوہ حضور ﷺ دا تے حضور ﷺ اوہناں دا سلمان باہر وچن خریدن لئی لے جانڈے سن (سیرت پاک۔ گیارہ سال سے چالیس سال تک۔ ص ۱۵۸-۱۶۹ / حضور ﷺ کی معاشی زندگی

ص ۵۰-۶۸)

نبوت دے اعلان توں مگروں تے مدینے پاک جا کے، حضور ﷺ دے تبلیغی کم اپنے ودھ گئے کہ فیر آپ سرکار ﷺ خود تجارتی سفر اے تے تشریف نہیں سن لے جانڈے۔ دوجے لوکی آپ ﷺ دا سلمان وی لے جانڈے، نالے و پچدے خرید دے سن۔ سرکار ﷺ اپنی ساری آمدنی غریباں، مسکیناں وچ ونڈ کے، آپ ﷺ سوں رہندے سن۔ جیہڑا کئی دہاڑے

رب تعالیٰ دی مرضی دے خلاف ہو سکدے نیں، اوہناں نال پیار نہ رہن وِتا جائے۔ تیجی واری ایس کر کے، پئی دل وِجی دی جھال جھل سکے، تے چوتھی واری ایس خاطر کہ ملکوت تے لاہوت دے جہانن نوں ویکھن جوگا ہو جائے (الطور المجموعہ - ص ۳۸، ۳۹)

اتے جیہڑا چار واری چیر پھاڑ دا عمل ہویا اے، ایہ بچپن وِچ، جوانی وِیلے، وِجی دے نازل ہون توں پہلوں، اُتے معراج شریف دی تیاری لئی بیان کیتا جاندا اے۔ **محمد حسین بیگل** دا کہنا اے کہ شریٰ صدر دی روایت توں نال تے مستشرقین دی تسلی ہندی اے، نہ ای کجھ مسلمان اینوں مَن دے نیں (حیات محمد ﷺ - ص ۱۲۳) شبلی نعمانی، قاضی محمد سلیمان سلمان منصور پوری تے جعفر سبحانی ایس چیر پھاڑ دا ذکر ای نہیں کردے۔

(سیرت النبی ﷺ - جلد اول / رحمت للعالمین ﷺ - جلد اول - ص ۳۱ / فروغِ ابدیت - ص ۱۰۷-۱۱۲) سر سید احمد خاں ایہدے خلاف لکھدے نیں (سیرت محمدی

ﷺ - ص ۲۹۳-۲۹۸)

صوفی، سینے دے آپریشن تے دل نوں باہر کڈھ کے، دھو دھا کے، فیر تروپے لا دین دے قائل نہیں۔ اوہ اینوں تمثیل دے انگ وِچ ویکھدے نیں (جبرۃ اللہ البالغہ - جلد ۲ - ص ۲۰۶ - **شاہ ولی اللہ دہلوی**)۔ **عبدالعزیز دباغ** وی کسے اوزار نال وڈھ ٹک کرن، خون وِگن تے سلائی کرن دی بجائے، اینوں رب کریم دا فعل دسدے نیں (خزینہ معارف - ص ۳۳۳) عزیز احمد عزیز قاضی نے وی ایہ عمل قدسی طاقتاں تے

نوری توانائیاں نال ہتھیالے (حکمۃ القرآن - مجلد دوم - ص ۱۱۲) سید سلیمان ندوی ساریاں روایتاں تے اڈواڈ بحث کردے نیں، تے اخیر ایہ کہندے نیں کہ مبارک سینے دا آلائشاں توں پاک صاف ہونا اک واری تے کوئی مَن وی لے، گھڑی گھڑی ایس ”سر جری“ دی کیہ لوڑ پے جاندی سی۔ (سیرت النبی ﷺ - جلد سوم - ص ۲۶۹)

سچ تے ایہ اے کہ پہلے کسے نبی دا سینہ کسے قسم دی آلائش، آلودگی، شیطانی اثر وِچ بھریا ہویا نہیں سی، تے نبیاں دے نبی، نبیاں رسولاں دے امام تے سر تاج، حضور پاک ﷺ واری ایہ حال کیوں دسیا جا رہیا اے کہ کجھ سالانہ گمروں فیر ایس وڈھ ٹک وی لوڑ پے جاندی سی، جے سرکار ﷺ دے مقام مرتبے والیاں سیکڑے حدیثاں پچیاں نے، تے فیر شریٰ صدر والی گل، ضم نہیں ہندی۔

حضور پاک ﷺ اپنی اصل وِچ نور نہ وی ہون، تے ایہ بشری نہیں سن، جے ساریاں نبیاں رسولاں توں ودھیک صفائی، ستھرائی ضروری سمجھی گئی ہووے۔

نور نبی ﷺ دیاں رکنن و لوں میٹیاں اکھاں

پتا نہیں کیوں، اسیں اوس ہستی نوں، جنھوں رب کریم نے اپنی اصل وِچ نبی تے رسول بنا کے گھلیا سی، جنھاں دے صدقے دوجے سارے نبیاں نوں نبوت عطا کیتی گئی، اوہناں بارے لکھدیاں ہویاں اوہناں دے مرتبے دا احساس نہیں کردے۔ اُتے، سیرت لکھدیاں ہویاں آپ سرکار ﷺ دے مقام

نوں گھاٹوں دیاں باتاں چھوہ لیندے آں۔ بھلوں، اوہ حقیقت اصلیت نوں کرنیاں ای دور ہوں۔

ایس واقعے دا تھوڑا جیہا ذکر پہلوں آ پکینا اے کہ حضور پاک ﷺ حضرت خدیجہؓ دامل، تجارت لئی شام لے کے گئے سن۔ اک تے سیرت نگار اینوں مزدوری اتے کم کرنا کہندے نیں۔ ابن سعدؒ نے لکھیا کہ حضرت ابوطالب نے حضور ﷺ نوں کہیا کہ خدیجہ اپنے تجارتی قافلیاں نال تہاڑی قوم دے کجھ لوکاں نوں گھلدی اے، تئیں جا کے اپنے آپ نوں ایس کم لئی پیش کرو (طبقات ابن سعد - جلد اول - ص ۲۰۰) شیخ محمد رضا مصری دی ایہو ای گل دہرائدے نیں (محمد رسول اللہ ﷺ - ص ۶۲) کجھ لوکی ایہ لکھدے نیں کہ حضور ﷺ دی لمانت دیانت دی شہرت جد خدیجہ تیکہ اُڑی بیہرہی عرب دی مشہور تے وڈی تاجر سن تے اوہناں آپ حضور ﷺ نوں سُنیا گھلیا کہ میری تجارت دی اپنے تھ وچ لو (الرحیق المختوم - ص ۱۰ / تاریخ احمدی ﷺ - ص ۱۰ / سیرت المصطفیٰ ﷺ از محمد ادریس کاندھلوی - جلد اول - ص ۹۹، ۱۰۰ / نبی کریم ﷺ کی معاشی زندگی - از ڈاکٹر نور محمد غفاری - ص ۸۱، ۸۲)

ابن سعد لکھدے نیں کہ بعدوں، حضرت خدیجہ نے نفیسہ نوں نکاح واسطے حضور ﷺ ول بھیجا (طبقات ابن سعد - حصہ اول - ص ۲۰۲) ابو الاعلیٰ مودودی کہندے نیں، میسرہ نے حضرت خدیجہؓ نوں حضور ﷺ بارے دسیا سی (سیرت سرورِ عالم ﷺ - جلد

دوم - ص ۱۳، ۱۴) اینہاں ساریاں باتاں وچوں کوئی گل ثابت کیتی جارہی اے کہ حضرت خدیجہؓ عرب دی مشہور تاجر سن تے بڑی امیر سن۔ حضور ﷺ بڑے غریب سن۔ حضور ﷺ دی لمانت دیانت دیاں خبراں سن سن کے اوہناں تجارت دا سلمان دے کے آپ ﷺ نوں شام ول گھلیا۔ تجارت وچ بڑا نفع ہویا، غلام نے حضور ﷺ دے رہن سہن، دُستوں، لین دین، اخلاق، وغیرہ بارے حضرت خدیجہؓ نوں دسیا تے اوہناں ویاہ دی گل ٹوری۔

شبلی نعمانی نے خدیجہؓ اتے حضور ﷺ دی دوری نوں کجھ نیڑے کرن دی عجیب کوشش کیتی اے۔ لکھدے نیں کہ حضرت خدیجہ اک معزز خاتون سن۔ اوہناں دانب پنجویں پشت وچ حضور ﷺ دے خاندان نال مل جاند اے۔ (سیرت النبی ﷺ - جلد اول - "تزویج خدیجہ") مطلب ایہ کہ دُوروں نیڑوں دُوباں نوں رشتہ دار ای سمجھو۔ حالاں جے، ایہ عرب دی امیر ترین خاتون، تے عرب دے غریب ترین بندے دی گل ہے ای نہیں۔ پختاں دی رشتہ داری وی لوکاں نوں حقیقت توں دور رکھن دی کوشش اے۔

اصل ایہ اے کہ حضور پاک ﷺ دی پیاری چھپی حضرت صفیہؓ حضرت خدیجہؓ دی سگی بھابی نیں۔ خدیجہؓ دے بحرا عوام صفیہؓ دے خاوند نیں۔ خدیجہؓ دے ہتھریے حکیم بن حزامؓ حضور ﷺ توتیرہ سال وڈے سن، پر حضور ﷺ دے یار بلی سن۔ مودودی نے مسند احمد دی روایت بیان کیتی اے کہ حکیم بن حزام نے کہیا، جاہلیت دے زمانے وچ ذی مینوں حضور ﷺ نال ساریاں توں دودھ محبت سی (امس الغابہ - جلد

سوم۔ ص ۵۵ / حیات صحابہ کے درخشاں پہلو - ص ۱۳۵ /

سیرت سرور عالم ﷺ - جلد دوم - ص ۱۲۲

روضۃ الاحباب وچ اے کہ خزیمہ حضرت خدیجہ دے رشتہ دار
سن۔ اکتے حضور ﷺ دے دوست سن۔ اُسدا لغابہ وچ اے کہ ایہ
حضرت خدیجہ دے سرالی رشتہ دار سن (سید جمال حسینی دی
”روضۃ الاحباب دا اردو ترجمہ بعنوان ”رسالت مآب ﷺ“ - ص ۹۴ /
اسد الغابہ - جلد سوم - ص ۱۵۹)

حضرت خدیجہ رضی اللہ عنہا حضرت صفیہ ننان بھرجائی۔ صفیہ حضور ﷺ
دی پیاری چھٹی۔ حضرت حمزہ خدیجہ دی بھرجائی دے بھرا تے حضور ﷺ
دے چاچا، دودھ شریک بھراتے یار بلی۔ حکیم بن حزام خدیجہ دے بھرا دے پتر
تے حضور ﷺ دے دوست۔ خزیمہ خدیجہ دے قریبی رشتہ دار تے
حضور ﷺ دے دوست۔ نالے ایہ خبر وی کہ حضور ﷺ اور
حضرت صفیہؓ اکو گھر وچ پلے دودھے (حضور ﷺ کی رشتہ دار
خواتین - ص ۵۹)۔

ایہ سارے رشتے ابن اسحاق، ابو الفدا، ابن سعد توں لے کے
اج تیک دے سیرت نگاراں نوں کیوں نظر نہیں آئے۔ ایہ قریبی رشتے تے
کئے دی وستی، جیہڑی لاہور، کراچی، جیٹا وڈا شہر نہیں سی جدے اک محلے دے
بندے نوں، دوجے علاقے دے بندے دا پتا ای نہیں جہندا تے غیر حضور
ﷺ نوں تجارت دا سامان دے کے شام گھلن لئی اپنی پوڑی کیوں پائی
گئی، نالے ویاہ لئی کنیز نفیسہ نوں وچولی کیوں بنایا گیا۔ کوئی بندہ سوچے تے سہی کہ

نور نبی ﷺ دیاں کرناں اگے کپڑے تانیاں، یا دھوڑا ڈائیاں یا اکھیاں میٹیاں
کدوں تیکر کم چلے گا۔ کسے نہ کسے بندے نے سچائیاں دی رشتائی سامنے لے ای
اونی اے۔

نسبتاں دی روشنی اگے ڈکے

حضرت عبدالمطلبؓ دی وفات توں بعد، حضور پاک ﷺ دی
سرپرستی، نگرانی تے خدمت حضرت ابوطالبؓ نے کیتی۔ جس ویلے حضور
ﷺ اوہناں کول سن، اوہناں دنال دا ذکر کردیاں ساڈے سیرت نگار حضرت
ابوطالبؓ نوں ”قلیل المال“ تے ”کثیر العیال“ کہندے نیں۔ کہ اوہ غریب وی
سن، تے پروار وی وڈا سارے (رسولِ عربی ﷺ از عمر ابوالنصر -
ص ۱۲، رسولِ اکرم ﷺ کی سیاسی زندگی - ڈاکٹر محمد حمید اللہ - ص
۴۰، محبوبِ خدا ﷺ - چودھری افضل حق - ص ۲۵ / نبی کریم
ﷺ کی معاشی زندگی - ڈاکٹر نور محمد غفاری - ص ۶۹) حد
ایہ اے کہ شیعہ مصنف اولادِ حیدر فوق بلگرامی وی ایہو ای کہہ
رہے نیں کہ حضرت ابوطالب دے بچے بہت سارے سن (اسوۃ الرسول
ﷺ - جلد دوم - ص ۳۷)

ہن گل اگے ودھنی شروع ہوئی۔ مولانا اشرف علی تھانوی نے
لکھیا، روٹی پوری نہیں سی ہندی (حبیبِ خدا ﷺ - ص ۵۷ -
”نشر الطیب فی ذکر النبی الحبیب ﷺ“ ایس نال توں
دی چھٹی اے)۔ احمد زین دحلان، ابوالاعلیٰ مودودی، ڈاکٹر محمد

حمید اللہ نے ہور اگے مار کیتی کہ حضرت ابوطالب دے بچے اپنے سن کہ حضرت فاطمہ بنت اسد سالن پکا کے ویڑے وچ رکھ دیندی سن، سارے جاتک روٹی نوں چڑ جائدے سن، صرف حضور ﷺ ایس ہنگامے وچ شریک نہیں سن ہوندے (سیرت دحلانیہ۔ ص ۲۳۴، ۲۳۵ / سیرت سرور عالم ﷺ۔ جلد دوم۔ ص ۱۰۱ / رسول اکرم ﷺ کی سیاسی زندگی۔ ص ۴۴) عبدالرحمان ابن جوزی نے احمد زین دحلان نے ایہ وی لکھ دیا کہ ابوطالب دی اولاد اپنی سی کہ مایاں نوں اوہناں دیاں گڈاں دھون تے تک پونجن دا ویل نہیں سی گدا (الوفا باحوال المصطفیٰ ﷺ۔ ص ۱۹۷ / سیرت دحلانیہ۔ ص ۲۳۵) ابراہیم میر سیالکوٹی نے انج ایہ کہانی توڑ چاڑھ دتی کہ روٹی پوری نہیں سی ہوندی، ایس لئی ابوطالب نے بچے دوجیاں نوں ونڈ دتے (سیرت المصطفیٰ ﷺ۔ ص ۱۸۳)۔

ایڈے وڈے وڈے بندے ایہ سب کچھ لکھی جا رہے نیں، تے گل کوئی ہے نہیں۔ سچ ایہ اے کہ حضرت ابوطالب دے سارے چھ بچے سن۔ طالب، عقیل، جعفر، علی، چار منڈے، تے اُمّ ہانی تے جمانہ، دو گڑیاں۔ (رحمت للعالمین ﷺ۔ قاضی محمد سلیمان سلمان منصور پوری۔ جلد دوم۔ ص ۷۵) عرب وچ تے جمدے صرف چھ بچے ہون، اوہناں لوکی رچھیاں دیندے رہندے سن۔ حضرت عبدالملک دیاں چھ بیویاں تے ۲۱ بچے سن (رحمت للعالمین ﷺ۔ جلد دوم۔ ص ۷۱) حضرت علی المرتضیٰ دیاں ۱۷ دھیاں تے ۲۱ پتر سن (اسلامی انسائیکلو پیڈیا۔ ص ۳۹) پر

اوہناں نوں کوئی ”کثیر العیال“ نہیں کہند۔

ہور لطیفہ ایہ ہے کہ حضرت علیؑ حضور ﷺ توں ۲۹ سال، جعفر طیار ۱۹ سال تے عقیل ۹ سال چھوٹے سن۔ اوس ویلے حضور ﷺ دی عمر مبارک آٹھ سال سی۔ ایس لئی ایہ تئوں جتے ای نہیں سن۔ صرف طالب سن۔ یا جے ایہ من لیے کہ اُمّ ہانی تے جمانہ طالب توں وڈیاں سن تے فیروزی صرف تن بچے ہوئے نا: **ستارہ فائز حسنہ** اے کہ اوس ویلے لکے طالب ای سن (رسول ﷺ نمبر۔ جلد اول۔ ص ۲۰۵)

اک یا ودھ توں ودھ، تن بچیاں والے نوں ”کثیر العیال“ لکھ کے، فیر ایہدے تے ہور رنگ برنگیاں تصویراں بنانا کے وڈے مستور کہلان والیاں نوں کوئی چٹھن والا نہیں۔ اللہ ای خیر کرے۔

’فیاں پرفیاں روشنیاں تے پردے‘

حضور پاک ﷺ دی پیدائش بارے چار تاریخاں مشہور سن۔ دوجی، آٹھویں، دسویں تے بارہویں ربیع الاول۔ مفتی محمد شفیع لکھدے نیں کہ مشہور قول بارہویں تاریخ والے۔ ایہناں تیکر کہ ابن البرقار نے ایہدے تے اجماع نقل کر دتا۔ کمال ابن اثیر نے وی ایہو ای کہیا اے۔ (سیرت خاتم الانبیاء ﷺ۔ ص ۱۸)

ایہ تے حدیث توں ثابت اے کہ حضور ﷺ ربیع الاول شریف وچ پیدا ہوئے، اوس دن پیروار سی۔ ربیع الاول بارے جو چار قول ملدے سن، اوہناں وچوں بارہویں نوں سارے من دے سن۔ پر ’محمود پاشا

فلکی نے لکھ دیا کہ حساب نال پیر ۱۳ ویں نوں بن دا ای نہیں ۹ ویں نوں بن دا اے۔ ماہنامہ ”نعت“ لاہور نے اپنے خاص نمبر ”میلاد النبی ﷺ“ حصہ اول“ (اکتوبر ۱۹۸۸) واسطے **سید محمد سلطان شاہ** (بن ماشا اللہ پی ایچ ڈی کر کے ”ڈاکٹر“ وی ہو گئے نیں) توں مقالہ ”یوم ولادت رسول خدا ﷺ“ لکھوایا جیہڑا بعدوں وادھیاں سمیت علیحدہ کتاب ”**یوم ولادت مصطفیٰ ﷺ**“ دی شکل وچ وی چھپا۔ ایہدے توڈا میری باجی **شہناز کوثر** نے اپنی کتاب ”**حیات طیبہ میں پیر کے دن کی اہمیت**“ تے ”حضور ﷺ کا بچپن“ (ص ۱۱-۱۷) (۳۲۷-۳۵۲) اتے میرے اباجی **راجارشد محمود** نے اپنی کتاب ”**نزول وحی**“ (ص ۱۸-۲۱) دی ایس موضوع تے بڑی بحث کیتی اے۔

البدایہ والنہایہ (ص ۲۶۰) **بلوغ الامانی** شرح الفتح الربانی (ص ۱۸۹) تے **السیرۃ النبویہ** از ابن کثیر (ص ۱۹۹) دے علاوہ **ابن ہشام** **ابن جوزی** **ابن حجر عسقلانی** **طبری** **یوسف بن اسماعیل نبھانی** سارے ایہو ای کہندے نیں کہ سرکار ﷺ دی ولادت پاک پیر والے دن رجب الاول دی بارہویں نوں ہوئی (حیات طیبہ میں پیر کے دن کی اہمیت۔ ص ۱۶) تقویم تے فلکیات دے ماہر **ضیاء الدین لاہوری** نے لکھیا کہ قمری مہینیاں دے دو الگ الگ نظام موجود سن، اک قمری جو بارہ مہینیاں دا ہنداسی، دو جا قمری شمسی کیلنڈر (luni-solar)۔ ایس دوجے وچ آج تے قمری مہینے ای ورتے جاندے سن، پر خاص خاص سالان وچ تیرھویں مہینے دا وادھا وی کردتا جانداسی۔ ایہنوں لوند دا مہینا یا کیسہ کہندے نیں۔ پر ایہ گل آج تیکر کچی نہیں

ہوئی کہ سن ۱۰ ہجری توں پہلوں کیہڑے سال کیسہ ہوئے۔ بعض کہندے نیں کہ کوئی طریقہ ضابطہ مقرر نہیں سی۔ حج دے موقعے تے کچھ ذمے دار بابے بہرہ کے فیصلہ کر لیندے سن۔ **ابن حبیب** **ابن اسحاق** **مسعودی** **ابوالفدا البیرونی** **مقریزی** **محمد الجبرکسی** تے **حاجی خلیفہ** مختلف صورتاں دسدے نیں۔ (جوہر تقویم۔ ص ۲۵۷-۲۵۹/۲۶۱-۲۶۳)

اک ہور حقیقت ایہ اے کہ کئی کیلنڈر تے مدنی کیلنڈر وچ وی فرق سی۔ اُتے سیرت دی کسے قمری تاریخ نال ایہ وضاحت نہیں ملدی کہ مدنی کیلنڈر دی گل اے یا کئی کیلنڈر دی۔ اک ماہر تقویم **اسحاق النبی علوی** نے دوہاں کیلنڈراں دے سن ۶، ۷، ۸، ۹، ۱۰ ہجری دے فرق بیان کر کے لکھیا اے کہ ایہدے توں سیرت کے واقعاں دی توقیتی تشریح ممکن ای نہیں (نقوش۔ **رسول ﷺ نمبر**۔ جلد ۲۔ ص ۷۵۔ مضمون ”سیرت نبوی ﷺ“ توقیت کی روشنی میں)۔

قرآن پاک وچ لوند اے۔ ”بے شک مہینیاں دی گنتی اللہ نے بارہ مہینے رکھی اے اللہ دی کتاب وچ“ جس ویلے اوہنے آسمان تے زمین بنائے۔ ایہناں وچوں چار حرمت والے نیں۔ اوہناں دا مہینہ پچھتے ہٹانا کفر وچ ودھن توں سوا کچھ نہیں (التوبہ۔ ۳۶:۹-۳۷) ایہدا مطلب ایہ اے کہ کافر اپنی مرضی نال مہینیاں نوں آگے پچھتے کر لیندے سن۔ **تفسیر الحسنات** (جلد دوم۔ ص ۸۱۲) تے **تفسیر نور العرفان** (ص ۹۸۳) وچ اے کہ عرب دے کافر رجب ذیقعدہ ذوالحجہ تے محرم دی حرمت نوں رجب مَن دے سن کہ جس ویلے

مرضی ہندی سی، محرم نون صفریا کے ہور مینے نون کوئی ہور مینا کہ کے اپنا کم
چلا لیندے سن۔ **تفسیر خازن** (جلد اول) تے **تفہیم القرآن** (جلد
دوم۔ ص ۱۹۲) وچ لکھیا اے کہ عرب نئی واسطے سال دے تیرہ یا چودہ مینے وی
بنا لیندے سن۔ **اسحاق النبی علوی** لکھدے نیں کہ اج تیکر ایہ طے
نہیں ہويا کہ سن اک ہجری توں دس ہجری تیکر نئی دامینا کیہڑیاں سالاں وچ
ودھایا گیا۔ (ص ۱۱۳)

تے فیر، محمود آندی (محمود پاشا فلکی) نے کیہڑا حساب لا
لیا، تے کس طرح ایہ لکھ وٹا کہ حساب نال پیر ۹ ربیع الاول نوں بن دا اے ۱۳ نوں
نہیں۔ فیر، **شبلی نعمانی** تے اج دیاں دو جیاں سیرت نگاراں نے بغیر
سوچوں گھبیوں محمود پاشا فلکی دے مونڈھے تے رکھ کے بندوق چلا وئی۔ مقصد
صرف ایہ اے کہ جیریاں گلاں نیاں پر نیاں نیں، اوہناں تے لوکل دا ایمان پکا
نہ رہن دیے، تے اُمت وچ تفرقہ ودھے۔ بھالویں ایہ نویں گل بے اصل تے
بے دلیل وی ہووے۔

نور نبی ﷺ نال نور جبریلؑ دا ٹاکرا

بخاری (کتاب الوجی۔ حدیث نمبر ۳) مسلم (کتاب الایمان۔ باب
بدء الوجی الی رسول اللہ ﷺ۔ پہلی حدیث) **مشکوٰۃ المصابیح**
(کتاب الفتن۔ باب المبعث و بدء الوجی۔ حدیث نمبر ۵ / ۵۵۹۱) موجب
(تھوڑے جیسے گھالے ولوہے نال) اُمّ المؤمنین عائشہ صدیقہ رضی اللہ عنہا توں
منسوب روایت وچ حضور ﷺ دا حرا وچ عبادت کرنا، اوتھے فرشتے دا اونا

حضور ﷺ نوں کہنا، اقرا (پڑھو)۔ آپ ﷺ دا رتن واری ایس
”حکم“ دے جواب وچ فرماؤنا کہ میں پڑھیا ہویا نہیں۔ فیر جبریلؑ دا کچھ پانچ کے گھٹنا
تے اخیر حضور ﷺ دا پڑھ لگ پینا بیان ہويا اے۔ اوتھوں کنبدیاں
کنبدیاں آپ ﷺ دا گھراؤنا، بیوی حضرت خدیجہ رضی اللہ عنہا نوں کہنا،
میرے تے کسبل پادپو۔ اوہناں دا کچھ تسلی دینا۔ فیر ورقہ بن نوفل دا حضور پاک
ﷺ نوں دسنا کہ اوہ تے لوہو ای فرشتہ سی پیر ۹ حضرت موسیٰ علیہ السلام
کول اوندا رہیا۔ نالے ایہ اطلاع دینی کہ قوم تمناؤں گھروں کڈھ دے گی.....

ایس حدیث توں مُنکر کوئی وی نہیں، پر کوئی سیرت نگار ایہوں پوری
طرح مَن دا وی نہیں۔ کتاب **نزول وحی** وچ ثابت کیتا گیا اے کہ ابن
سعد، ابن اسحاق، ابن ہشام، ابن جریر طبری، ابن حزم ظاہری،
عبد الرحمن جامی، قسطلانی، عبد الرحمن ابن جوزی، عبد الحق
محدث دہلوی، معین واعظ کاشفی، سلمان منصور پوری،
شبلی نعمانی، کوئی وی اُتے بیان کیتی گئی روایت نوں پوری طرح نہیں
مَن دا۔ (طبقات ابن سعد۔ جلد اول۔ ص ۲۶۳، ۲۶۵ / سیرت ابن اعثم۔ ص
۱۹۸، ۲۰۱ / نقوش۔ رسول ﷺ نمبر۔ جلد ۱۔ ص ۱۲۱، ۱۲۳ / سیرۃ ابن
ہشام۔ ص ۱۳۱، ۱۳۲ / تاریخ طبری۔ جلد اول۔ ص ۷۲، ۷۳ / جوامع السیرۃ۔
ص ۷۷ / شواہد النبوت۔ ص ۸۵، ۸۶ / المواہب اللدنیہ۔ ص ۳۰۳، ۳۰۴ /
الوقایا بحوالہ المصطفیٰ ﷺ۔ ص ۱۹۱، ۲۰۲ / مدارج النبوت۔ جلد دوم۔
ص ۳۹، ۵۰ / معارج النبوت۔ جلد دوم۔ ص ۲۰۸، ۲۰۹ / رحمت للعالمین
ﷺ۔ جلد اول۔ ص ۳۷ / شبلی نعمانی۔ سیرت النبی ﷺ۔ جلد

اول۔ ”آفتاب رسالت کا طلوع“

سگوں، کمال ایہ ہے کہ اُمتی حدیث دی روایت رائج اے کہ حضرت عائشہؓ کو لوں، اوہناں دے مہینویں عروہ بن زبیر بن عوام نے سنی تے اُگے بیان کیتی۔ پر ہن تے عروہ دی کتاب **مغازی رسول اللہ ﷺ** ۱۲۰ھ وچ **ڈاکٹر محمد مصطفیٰ اعظمی** (الریاض یونیورسٹی، سعودی عرب دے استاد) نے مرتب کر کے چھاپ دی اے۔ اوہدے وچ عروہ بن زبیر نے آپوں وی روایت اوس طرح پوری دی پوری نہیں بیان کیتی جس طرح بخاری مسلم وغیرہ وچ لکھی اے۔

زیادہ تر لوکی تے سورۃ علق دیاں متن یا پنج آیتاں نوں ای پہلی وحی مکن دے نیں۔ سورۃ فاتحہ، قلم، اللہ تر یا تسمیہ بارے وی روایتاں ہے نیں، پر سورۃ علق تے اجماع لگدائے۔ ہاں، **امین احسن اصلاحی** پوری سورۃ علق نوں راکو پونٹ کہندے نیں، اتے تیز خطاب والے ایس کلام نوں پہلی وحی نہیں مکن دے (تدبیر قرآن۔ جلد ۹۔ ص ۴۵۹، ۴۶۰)

حدیث دے الفاظ ایہ نہیں کہ حضور ﷺ غار وچ گناہواں توں بچن خاطر جاندے سن۔ گل سمجھ وچ نہیں اوندی۔ ایسے لئی کئی سیرت نگاراں ایہدا مفہوم عبارت کرن دا بنا لیا اے، حالاں جے عبارت کرن دی گل حدیث وچ نال الگ بیان کیتی ہوئی اے۔

سیرت نگار لکھی جارہے نیں کہ جد کھان پین دا سامان مک جاندا سی، حضور ﷺ حضرت خدیجہؓ دے گھر آکے ہووے سامان لے جاندا سن۔ ایس پهلون ثابت کر چکے آں کہ حضور ﷺ اپنی بیوی دامل اپنے واسطے

استعمال کر ای نہیں سن سکدے کیونکہ اوہ صدقہ اے، تے صدقہ نبی ﷺ تے اوہناں دے گھر والیاں لئی جائز ای نہیں، حرام اے۔ ”حضرت خدیجہؓ دے گھر“ آون والی گل کہنا وی ساڈے حساب نال، قرآن پاک دے حکم دی خلاف ورزی اے۔ رب کریم فرموندگے ایمان والو! نبی ﷺ کے گھراں وچ بغیر اجازتوں نہ وڑنا (الاحزاب۔ ۳۳: ۵۳) مطلب ایہ پئی حضور ﷺ دیاں بیویاں حضور ﷺ دے گھراں وچ رہندیاں نیں۔ اللہ نے انہاں گھراں نوں ”بیوت النبی ﷺ“ فرمایا اے۔ فیر، ایہ سیرت نگاراں دی کمال جرأت اے کہ اوہ حضور ﷺ دے گھراں نوں حضرت خدیجہؓ دا گھر کہندے نیں۔

گھروں اوہ جہدے وچ آپ سرکار ﷺ دیاں دھیاں زینبؓ، ام کلثومؓ تے رقیہؓ (رضی اللہ عنہن) موجود نیں۔ اک روایت مطابق حضرت فاطمہؓ وی پیدا ہو چکیاں سن۔ بھرے گھر تے ایڈے پروار نوں حضرت خدیجہؓ دا گھر ایس لئی کہیا جانا شروع ہویا اے تاں جے پتا لگے کہ حضور ﷺ بیوی دے مال تے گزارا کردے سن۔ نعوذ باللہ۔

کہیا جارہیا اے کہ فرشتہ آیا (اوپنے اپنی سخاں، پچھان نہیں کرائی) اوندیاں حضور پاک ﷺ نوں کہیا ”اقرا“ (پڑھو)۔ متن واری ایہو کہیا۔ تے واری حضور ﷺ نے ایہ ”لفظ“ جبریل دا کہنا سمجھیا تے جواب دتا ”میں پڑھیا ہویا نہیں ما انا بقاری۔۔۔۔۔ کوئی بندہ ایہ نہیں سوچدا کہ اللہ پاک جبریلؑ لفظ، فقرے یا پوری عبارت حضرت جبریلؑ تھیں نبیاں دل گھلدا اے، اوہدا کم ای ایہ اے کہ اوسے طرح اُڑا دے۔ ایس توں پہلوں، اُتے

بعدوں کدی وی ایہ نہیں ہوا کہ اوسنے اللہ دی فرمائی ہوئی عبارت وچوں کوئی لفظ اپنے طور تے اپنے وٹوں استعمال کر لیا ہووے۔ ”اقرأ“ اوہنا تن یا پنج آیتاں دا پہلا لفظ اے جیہڑیاں رب تعالیٰ نے حضور پاک ﷺ ول گھلیاں۔ اوہدے وچوں کوئی لفظ اگر جبرئیل اپنے وٹوں حضور ﷺ نوں کمندا اے تے مطلب ایہ بن دا اے کہ اوسنے امانت وچ خیانت کیتی اے۔ جہدا تصور وی جبرئیل بارے کرنا گناہ اے۔ کیوں جے اوہ تے ہے ای ”امین“۔

فیر حدیث عائشہ دی عبارت وچ ایہ کوئی لکھی ہوئی عبارت نہیں سی جنھوں پڑھنا حضور ﷺ لئی مشکل ہوندا کہ آپ ﷺ ”امی“ سن۔ زبانی تے مینوں تیس فرانسیسی زبان دے دو چار فقرے پڑھوا دیو میں پڑھ لوں گا، حالان جے میٹوں پتا ای نہیں کہ فرانسیسی کیہ ہندی اے۔

اگے ایہ گل چل دی اے کہ فیر جبرئیل نے حضور پاک ﷺ نوں گھنیا، پیریا۔ فیر آپ سرکار ﷺ پڑھن لگ پئے۔ **شاہ عبدالعزیز دہلوی** ایہنوں اک کال دی تاثیر تے توجہ کمندا نہیں (تفسیر عزیزی - پارہ سی ام - ص ۳۳۸) عبدالرحمن ابن جوزی دے خیال وچ جبرئیل نے ایس طرح اپنی لطیف روح بدن دیاں مسلمان راہیں حضور ﷺ وچ واڑ دتی (الوفا باحوال المصطفیٰ ﷺ - ص ۲۰۳) ہور کسے نبی ﷺ دے سینے وچوں آلا نکال کڈھ کے دل نوں پاک صاف کرن دی لوڑ نہیں سی پئی نہ وحی جملن لئی گھٹ گھٹ ہنچیاں پائیاں پٹیاں سن۔ ایہ سب کچھ نبیاں دے سردار ﷺ دے حصے ای آیا۔

فیر حضور ﷺ دا دل دھک دھک کرن لگ پیا، کنبی چھڑ گئیو

نے۔ اُنج تے ساڈے محترم سیرت نگار حضور ﷺ دی دوجیاں نبیاں رسولان اُتے فضیلت دے قائل نیں۔ **الخصائص الکبریٰ** دے باب نمبر ۲۸۸ توں باب نمبر ۳۵۰ تیکر امام جلال الدین سیوطی نے ایس مقصد لئی حدیث اکٹھیاں کر دتیاں نیں۔

قرآن موجب حضرت عیسیٰ علیہ السلام نوں محمدیاں ای پتا سی کہ میں اللہ دا بندہ واں، نبی آں تے کتاب لے کے آیاں (مریم - ۱۹: ۳۰) ساڈے سرکار ﷺ نوں چالی سال بعد وی پتا نہیں سی۔ حضرت موسیٰ علیہ السلام مصر جا ندیاں سینا دی وادی وچ اک ویکھ کے ہتھ سیکن گئے تے اللہ کریم نے آپ ای اوہناں نال گل بات کیتی۔ وہ رب دے خطاب توں وی نہ ڈرے۔ اسیں اوہناں دے سردار حضور پاک ﷺ نوں جبرئیل کولوں ڈرائی جا رہے آں۔ حضور پاک ﷺ تے اوس ویلے نہ ڈرے، جس ویلے اُحد وچ ساتھی نس گئے سن۔ آپ ﷺ لکے میدان وچ ڈٹے رہے، زخمی ہو گئے، دند مبارک شہید کروالیا، پر اکھاڑے وچ کٹے وانگوں ٹھکے رہے۔ ایہو ای حال جنین ویلے بھی نظریں اوندا اے۔ فیر کس طرح ہو سکدا اے کہ حرا وچ جبرئیل نوں ویکھ کے آپ ﷺ کو کنبیاں چھڑ گیاں ہون، کبل ولینے پئے ہون، بیوی دی گل بات نال وی تسلی نہ ہووے۔ عیسائی عالم ورقہ بن نوفل دے کمن تے حضور ﷺ نوں یقین آیا ہووے کہ اوہ جیہڑا آیا سی، فرشتہ سی، تے میں نبی آں۔

ورقہ بن نوفل نے اک تے حضور ﷺ نوں ایہ سمجھایا کہ جو شے تمناؤں (نعوذ باللہ) ریکارڈ کئی اے، وہ اوہو ای ”ناموس“ سی جو حضرت موسیٰ

کول اوندا سی۔ دوجا کیا کہ قوم تمانوں گھروں کڈھ دے گی۔ ورقہ عیسائی سن،
اوہ ناں لیندے حضرت عیسیٰ دا، یا حضرت عیسیٰ تے موسیٰ دونہاں دا ناں لے
لیندے۔ چھڑا موسیٰ دا ناں لینا وی عجیب لگدا اے۔ نالے، ساتوں ایہ من لگیاں
تے کوئی پریشانی نہیں ہندی کہ اک عیسائی نوں لون والے ویلے دی خبر اے کہ قوم
حضور ﷺ نوں گھروں کڈھ دے گی، پر ایہ اسان نہیں مٹا کہ حضور
ﷺ نوں اپنی نبوت بارے وی کچھ علم ہے سی۔ حالاں کہ ایس موضوع
تے سیکڑے حدیثاں موجود نیں۔ جتھوں تیکر ہجرت دا معنی گھروں کڈھنا یا پناہ
گزینی کیتا جاندا اے، **شہناز کوثر** نے **ہجرت حبشہ** تے **ہجرت**
مصطفیٰ، اپنیاں دو آل کتاباں وچ ایہدی تردید کیتی اے۔

نور نبی ﷺ دیاں رکناں پہلاں کنھیاں تے پیاں

سارے سیرت نگار من دے نیں کہ ایمان لیاؤن وچ پہل ام المؤمنین
حضرت خدیجہ الکبریٰ رضی اللہ عنہا نے کیتی۔ پر اوس توں بعد کسے گل تے اتفاق
نہیں ہوندا۔ **ابن کثیر** (البدایہ والنہایہ) **ابن عساکر**، **محمد جعفر شاہ**
پہلواروی، **شاہ مصباح الدین شکیل**، **عبد اللہ بن محمد**
سلمان منصور پوری (کتاب اصحاب بئر) **پیر محمد کرم شاہ**
تے **ڈاکٹر محمد طاہر القادری** کندے نیں کہ دوجا نمبر حضرت ابو بکر
صدیقؓ دا اے۔ **ابن ہشام**، **معین واعظ کاشفی**، **محمد حسین ہیکل**،
ابراہیم میر سیالکوٹی، **اولاد حیدر فوق بلگرامی** تے **ڈاکٹر**
نصیر احمد ناصر حضرت خدیجہؓ توں بعد حضرت علیؓ دے ایمان دے قائل

نہیں۔ **طبری** نے ایہناں دوہاں وی دُوج والیاں روایتاں وی بیان کیتیاں نیں،
پر **سلیمان بن یسار**، **عمران بن ابی انیس** تے **عروہ** دے حوالے ناں لکھیا اے کہ
دوجا نمبر **زید بن حارثہ** دا اے۔

زید بن حارثہ نوں الرحیق المختوم وچ دوجا، **ابن ہشام**،
کاشفی، **فوق بلگرامی**، **سیالکوٹی**، **ہیکل**، **نصیر**
احمد ناصر تجا تے **عبد اللہ بن محمد بن عبد الوہاب** تے **ڈاکٹر محمد طاہر**
القادری چوتھا مسلمان کندے نیں۔

حضرت ابو بکرؓ دا نمبر **ابوالجلال ندوی**، **تجا**، **ابن ہشام**، **کاشفی**،
ہیکل، **صفی الرحمن مبارکپوری** تے **نصیر احمد ناصر** چوتھا تے
سیالکوٹی پنجواں دسدے نیں۔ **تاریخ طبری** وچ **محمد بن سعد** دے
اُبے دا قول ایہ اے کہ حضرت ابو بکرؓ توں پہلوں پنجاب ہندے اسلام لیا چکے سن۔
رحمت للعالمین ﷺ وچ سلمان منصور پوری لکھدے نیں کہ
خدیجہ، علی، زید تے ابو بکر چارے پہلے ای دن مسلمان ہو گئے سن۔ **ابراہیم میر**
سیالکوٹی چوتھا نمبر حضرت امّ ایمن (بیسریاں اوس ویلے ”برکہ“ سن)
نوں دیندے نیں۔

سیرت دیاں کتاباں وچ کچھ صحابہ کرام رضی اللہ عنہم نوں ”السابقون
الاولون“ یا قدیم مسلمان یا پہلے مسلمان یا قدیم الاسلام کہیا جاندا اے۔ کسے نے
کچھ صحابہ دے ناں لکھے نیں، کسے دوجے نے کچھ ہور ناں دے ناں لکھ دتے
نیں۔ ایہناں لئی کوئی مدت وی نہیں مٹھی گئی۔

ایسے طرح، پہلیاں تن سالاں دے مسلماناں دا ذکر کردیاں ہویاں ڈاکٹر

یاسین مظهر صدیقی نے ایہ تعداد سو لکھی ہے۔ سید ابوالاعلیٰ مودودی نے ۱۳۳۳ ہجریاں دی فہرست مرتب کی ہے۔

شہناز کوثر نے اپنی کتاب **حضور ﷺ کی مکی زندگی کے مسلمان** وچ ساریاں روایاں نوں سامنے رکھدیاں ہویاں دلائل نال دیوا کیتا اے کہ سب توں پہلوں حضرت خدیجہ رضی اللہ عنہا اسلام لیاں۔ دو جا نمبر حضرت علیؑ دا، تجا زید بن حارثہ دا تے چوتھا حضرت ابوبکر صدیقؓ دا اے۔ اوہناں امام اعظم ابوحنیفہ رحمۃ اللہ علیہ نال منسوب ایہ گل مٹی اے کہ مڑواں وچوں ابوبکرؓ زبائیاں وچوں خدیجہؓ جاتکاں وچوں علیؑ تے غلام وچوں زیدؓ پہلوں ایمان لیاے۔ ایہدے نال ای لوہناں نور بخش توکلی والیہ ولوحاوی میا اے کہ آزلا کیتے ہوئے غلام وچوں زیدؓ تے غلام وچوں حضرت بلالؓ پہلے نیں۔ نالے ابراہیم میرسیالکوٹی دی ایہ گل وی سُن جوگ نیں کہ کنیزاں وچوں اُمّ ایمنؓ پہلوں اسلام لیاں۔

پہلیاں مسلماناں دی تحقیق توں مگروں، شہناز کوثر نے ”السابقون الاولون“ دی فہرست وچ لون والے سارے صحابیاں تے صحابیات بارے روایاں جمع کرن دانو یکلا تے پہلا کم کیتا اے۔ نالے، پہلے تن سالاں وچ ایمان لیاؤن والیاں دی تعداد ڈیڑھ سو تیکر اُڑائی اے۔ (مکی زندگی کے مسلمان۔ ص ۸-۲۱)

نور نبی ﷺ دی کرناں عربوں باہر

سیرت دیاں کتاباں وچ لکھیا جا رہا اے کہ کتے دیاں کافراں حضور ﷺ نوں من والیاں اُتے ظلم دے پہاڑ توڑنے شروع کردتے تے حضور

ﷺ نے مومنناں نوں حبشہ ولے ہجرت دی اجازت دے دتی۔ ایس گل تے زور پان لئی سیرت نگاراں نے اپنیاں کتاباں وچ لفظاں دے کئی واہے کیتے۔ (طبقات ابن سعد۔ جلد اول۔ ص ۲۷۲ / تاریخ طبری۔ جلد اول۔ ص ۹۵ / سیرت ابن اسحق ص ۲۸۳ / مدارج النبوت۔ جلد دوم۔ ص ۶۳ / ضیاء النبوی ﷺ۔ جلد دوم۔ ص ۳۳۳ / محسن انسانیت۔ ص ۱۷۸)

پر حقیقت ایہ اے کہ غلاماں اُتے سب تو ودھ ظلم کیتے جا رہے سن۔ اوہناں وچوں تے کوئی اک بندہ وی حبشہ ول ہجرت کر کے نہیں سی گیا۔ حضرت بلال، ابو کلیبہ، عامر بن مُیمرہ، عمار، اُمّ ایمن، زبیر، حمامہ، یسب، اُمّ عیسیٰ (رضی اللہ عنہم ورضی اللہ عنہن) وچوں کوئی اک وی نہیں۔ پہلی ہجرت دے مہاجرین وچ بنو امیہ، بن مج، بنو عامر بن لوی، بنو اسد بن عبد العزیٰ، بنو عبدالدار، بنو زہرہ، بنو خزوم، بنو حارث بن فہرتے بنو عدی دے وڈے خاندانی لوک ای گئے سن۔ (ہجرت حبشہ۔ شہناز کوثر۔ ص ۲۱) پر شبلی نے ایہ لکھ دتا اے کہ ایہ ایس لئی نہیں سن گئے کہ ایہناں کول مال ای کوئی نہیں سی۔ ایس چُھپنے آں، کیہ عثمان ذوالنورین، زبیر بن عوام، ابو حذیفہ، مصعب بن عمیر، عبدالرحمان بن عوف، ابو سلمہ، عثمان بن مظعون، ابو سہرہ (رضی اللہ عنہم) جیسے پیسے والے ایٹاں وی نہیں سن کر سکدے کہ اپنے نال گنتی دے غریب مسلماناں نوں وی لے جانڈے، اُتے اوہناں دی جند کافراں دے ظلم تو چھڑاؤندے۔ اصل گل ایہ ہے ای نہیں۔ ہجرت حبشہ (پہلی تے دوجی، دونوں) نور نبی ﷺ دیاں کرناں نوں دوجیاں مُمکان وچ اُڑاون دی کوشش وی سی، اُتے تیاری کر کے کتے تے اسلام دا جھنڈا

لہرون دی خواہش وی۔ دنیا جانڈی اے کہ ایس ہجرت توں اک مقصد ایہ وی حاصل ہو یا کہ حبشہ دا بادشاہ احمد نجاشی ایمان لے آیا۔

چھٹی (۳۶) یا کجھ دودھ بندے پہلی واری حبشہ ول ہجرت کر گئے۔ اوہناں توں مگروں حضور ﷺ نے کافراں آگے سورۃ بنم پڑھی۔ سجدے والی آیت آئی۔ حضور پاک ﷺ نے سجدہ کیتا، کافروں وی سجدے وچ جا پئے۔ ایہ گل حبشہ اپڑی، تے مہاجر واپس آگئے۔ کافراں نوں اللہ دے کلام نے رنج اپنے آپ کو بگائے کر دتا سی کہ اوہناں کو لوں سجدہ ہو گیا۔ دوجیاں کافراں اوہناں نوں پھچیاں دیتیاں تے اوہناں ایہ مشہور کر دتا کہ حضور ﷺ نے ”غزائیک“ تیاں دی تعریف کیتی سی کہ ایہ شفاعت کرن گے۔ محمد (ﷺ) نے ساڈیاں تیاں نوں من لیا تے اسل وی اوہناں نال سجدہ کر دتا۔

کافراں تے جو کیتا سو کیتا۔ ساڈیاں کئی سیرت نگاراں نے وی ایہ گل چلا دتی۔ **طبری** نے کہیا، شیطان نے حضور ﷺ دے مونہوں ایہ کدھوا دتی سی۔ (**تاریخ طبری** جلد اول۔ ص ۱۰۴)۔ **ابن سعد** نے لکھیا: ہو سکدا اے شیطان نے حضور ﷺ دی آواز وچ آواز ملا کے ایہ فقرے کہہ دتے ہون (**طبقات ابن سعد**۔ حصہ اول۔ ص ۲۷۴) **عبد اللہ بن محمد بن عبد الوہاب** نے وی ایہو ای گل دہرائی (**مختصر سیرت الرسول ﷺ**۔ ص ۱۶۳) **معین واعظ کاشفی** تے **ابن جوزی** نے لکھیا کہ شیطان نے حضور ﷺ دی آواز جی آواز بنا کے ایہ گل چلائی (**معارج النبوت**۔ جلد دوم۔ ص ۲۶۳ / **الوفاء**۔ ص ۲۴۱)

ابن کثیر، بیہقی، قاضی عیاض، ابن حجر، قاضی ابوبکر ابن العربی، فخر الدین

رازی، قرطبی، بدر الدین عینی، شوکانی، آلوسی، اسماعیل قنوی، ابن حزم، امام نووی ساریاں نے ایس کہانی نوں جھوٹ لکھیا اے۔ (**ہجرت حبشہ**۔ ص ۴۰)۔ (۴۵) پر پریشانی ایہ ہے کہ جنہاں من لیا اے، اوہناں کیہ کیتا اے۔

دوجی واری چھیا سی ستاسی بندیاں تے وسمہ بائی زنانیاں نے حبشہ ول ہجرت کیتی۔ (**ہجرت حبشہ**۔ ص ۵۴ تا ۶۳) سیرت نگار ایہ لکھدے نیں کہ مہاجرین لک لکا کے حبشہ گئے سن (**تاریخ ابن خلدون**۔ حصہ اول۔ ص ۲۹۹ / غلام ربانی عزیز۔ **سیرت طیبہ**۔ حصہ اول۔ ص ۱۲۰، ۱۲۱) اوہ ایہ کیوں نہیں سوچدے کہ جس ویلے کوئی اوہناں دی گل دا دیوا کرے گا، اوہناں پتا لگ جائے گا کہ ایہ سچ نہیں۔ بھلا ایہ بندے لک چھپ کے کیوں باہر کس طرح جا سکدے سن۔

کرناں دی قید

سیرت پاک دیاں کتاباں وچ حضور پاک ﷺ دی حیاتی پاک دے رتن سال قید کر کے قصہ نبیڑ دتا گیا اے۔ تساں پڑھیا ای ہونا اے کہ حضور پاک ﷺ تے آپ دے خاندان (بنو ہاشم) نوں کیوں باہر اک گھائی وچ تن سال قید رکھیا گیا۔ اوتھے نہ کھان پین دی کوئی شے اپڑن دتی جانڈی سی، نہ اوہناں نوں مکے اون دتا جاندا سی۔ مٹھکیاں پچیاں دا چیک جھاڑا سن کے کافر خوش ہندے سن۔ بنو ہاشم نوں (نعوذ باللہ، حضور ﷺ سمیت) پتڑاں تے گھاہ بلوٹ تے گزارا کرنا پیا۔ سعد بن ابی وقاص دے حوالے نال، گل نوں دودھا چڑھا کے بیان کیتا جا رہیا اے کہ قیدی چڑے بھن بھن کے کھاندے رہے۔

شعب ابی طالب دے رتن سالاں بارے ایہو جیسیاں گلاں اک اودھ
 جیرے یا دو تن صفیاں وچ کر کے سیرت نگار اگے رُپندے نیں۔ میرے لہاجی
راجا رشید محمود نے ایس موضوع تے چنگی طرح تحقیق کر کے ۲۱۶
 صفیاں دی اک کتاب لکھی، جمدے وچ ثابت کیتا اے کہ نہ تے شعب ابی
 طالب کیوں باہر کوئی جگہ سی، نہ بنو ہاشم قید کیتے گئے سن۔ قید، محسوری، نظر
 بندی، پناہ گیری دیاں گلاں بے اصل نیں۔ اصل حقیقت ایہی ای اے کہ حضرت
 ابوطالبؑ نے بنو ہاشم نوں اکٹھیاں کر کے حضور ﷺ دی مدد واسطے تیار کر
 لیا۔ تے دوجیاں قبیلیاں نے بنو ہاشم دا حقہ پانی بند کر دتا۔ لین دین، شادی ویاہ
 وچوں بنو ہاشم نوں لڑ کر دتا گیا، تے ایہ فیصلہ لکھ کے کعبے اندر ٹنگ دتا گیا۔

جھک بھاگڑے دی جیہڑی تصویر کتاباں وچ کھچی جا رہی اے، اوہ وی
 ٹھیک نیں۔ اصل وچ امام **سہیلی** نے **الروض الانف** وچ سعد بن ابی
 وقاصؓ دی بھکھ دا اک واقعہ بیان کر دیاں ہوياں عنوان ”شعب ابی طالب“ جڑ
 دتا۔ اوہدے توں گل ساڈیاں سیرت نگاراں دے ہتھے چڑھی، تے فیر کوٹھے چڑھ
 رکیہ گئی، ساریاں حدواں پار کر دی گئی۔ ایہ گل ہو رکے اہم تے مڈھلے سیرت نگار
 نے نیں لکھی۔ لکھی وی نیں سی جا سکدی، کیوں جے سعد بن ابی وقاصؓ بنو
 ہاشم وچوں ہے ای نہیں سن۔ اوہ تے بنو زہرہ وچوں سن، اُتے بائیکاٹ دا شکار ای
 نہیں سن۔

راجا رشید محمود ہوراں نے اپنی کتاب ”شعب ابی

طالب“ وچ دسیا اے کہ اوس ویلے تیکر کئے تے کیڑے کیڑے قبیلے دے
 کون کون لوکی مسلمان ہو چکے سن۔ ایہ کس طرح ہو سکدا سی کہ حضور

ﷺ تے آپ دے نیچے، آپ دے خانوادے دے بندے، رہنویاں، بچے
 بھگے مَر رہے ہندے تے سارے مسلمان دیکھدے رہندے۔ ایہناں رتلاں
 سالاں وچ کئی سورتاں، آیتاں نازل ہوياں، ایسے مدت وچ جن دو کھن ہويا....
 ایہناں واقعیاں توں وی پتا چلدا اے کہ شعب ابی طالب کیوں باہر کوئی جگہ
 نہیں سی۔ بنو ہاشم اپنیاں گھراں وچ ای رہندے سن، کسے نے اوہناں نوں نہ
 گھروں کدھیا سی، نہ اوہ ڈردیاں ماریاں گھائی وچ لک چھپ گئے سن۔

جے ایس من لیے، پئی حضور ﷺ جان بچاؤن خاطر کدھرے
 جا سکے سن، تے ایہ حضور ﷺ دی توہین اے، آپ سرکار ﷺ دی
 ساری زندگی دسدی اے کہ آپ ﷺ نے کدی ڈرنوں بیڑے نہیں لگن
 دتا۔ آپ ﷺ نے تے اپنے من والیاں نوں وی صرف اللہ توں ڈرن،
 تے باقی کسے توں نہ ڈرن دا راہ دسیا اے۔ ایہ کس طرح ہو سکدا سی کہ آپ ڈر
 دا شکار ہو جائندے۔ تے، جے آپ ﷺ ڈر کے تن سال لکے رہندے، یا
 تن سال قید کھدے، تے ایمان لیاؤن والیاں اُتے چنگا اثر نہیں سی ہونا۔ اوہ
 غریب جیہڑے حضور ﷺ تے ایمان لیا کے کافراں دے ظلم دا شکار بنے
 ہوئے سن، اوہناں سوچنا سی، سانوں پھسا کے حضور ﷺ تے اپنی جان
 بچاندے پھروے نیں۔ کافراں نے وی ایہ پروپیگنڈا کرنا سی۔ تے ضروری سی کہ
 کجھ بندے مُرتد ہو جائندے،۔۔۔ لیکن کوئی مثال ایہو جیسی نہیں ملدی۔

جنگ دیاں ہنیریاں وچ کرناں دی لو

امام **راغب اصفہانی** کھندے نیں کہ ”الغزو“ دے معنی دشمن
 نال جنگ کرن دے ارادے نال لکنا اے (مفردات القرآن۔ ص ۷۵۳)۔

ساڑیاں ساریاں کتابیں وچ لکھیا ہویا اے کہ حضور ﷺ نے مئی زندگی وچ اسی (۸۰) تو وہ غزویاں تے سریاں دا پر بندھ کیتا (سریہ اوس جنگی مہم نوں کہیا جاند اے جمدے وچ سرکار ﷺ آپ شامل نہ ہون) اسلام دے دشمنان نوں گل لہجہ گئی۔ اوہناں پر وپیگنڈا شروع کر دتا کہ اسلام تلوار دے زور تے پھلیا، پھلیاتے ودھیا۔

۱۹۹۷ وچ میری کتاب ”سرکار ﷺ دی جنگی زندگی“ چھپی، جمدے وچ میں سیرٹ النبی ﷺ دی تاریخ وچ پہلی واری گل پوری طرح کھولی کہ بدر، احد نے اُتراب (خندق) اپنے بچائی لڑیاں گئیں جنگل سن۔ صفوان، سونق، حمراء الاسد، تے غابہ وچ حملہ آوراں دا پچھا کیتا گیا سی۔ قاتلان دا پچھا کرن نوں غزوہ بنو لیحان کہیا گیا۔ بنو تینقاع، بنی نضیر، بنو قریظہ تے فتح مکہ دے غزوے معاملہ توڑن والیاں نال لڑائی دیاں شکلاں نیں۔ چیلنج دے جواب وچ حضور ﷺ صحابہ کرام نوں لے کے بدر دے مقام تے اُپرے لڑائی نہ ہوئی، پر ایہداناں ساڑیاں سیرت دیاں کتاباں وچ ”غزوہ بدر موعد“ لکھیا گیا۔ کافراں جتھے وی اکٹھیاں ہو کے مدینے شریف اُتے چڑھائی دی تیاری شروع کیتی، مسلمان اوتھے جا پڑے تے دشمن نوں پرکا آئے۔ ایہناں ”غزویاں“ دے وچ قرۃ العدر، ذی امر، بحران، نجد، بنو مصلح، خیبر، حنین، طائف، تبوک تے ذات الرقاع نیں۔ حدیبیہ عمرے دی نیت والا ”غزوہ“ سی۔ اُتے، ابوا، بواط، ذوالعشیرہ تے بنو غفار حضور پاک ﷺ دے سفارتی سفر سن جنھاں وچ ایہ وی گویز کیتی گئی کہ مدینے پاک اُتے کس پاسیوں حملہ ہو سکدا اے، تے کس کس قبیلے نال معاملہ کرن نال اپنا دفاع مضبوط بن سکدا اے۔

اپنی اوس کتاب وچ میں ایسے طرح سریاں دا ویروا وی کیتا اے۔ تے دسیا اے کہ صرف دو سریہ ایسے نیں جنھاں وچ دشمنان دے تجارتی قافلیاں تے حملہ کیتا گیا۔ ایہ وی پہل نہیں سی۔ تجارتی قافلے تے حملے دی پہل وی کافراں ای کیتی سی۔

ایس پاسے ساڈے سیرت نگار توجہ ای نہیں کروے، بغیر دلیلوں ثبوتوں آپ ای کسی جاندے نیں کہ مسلمان تجارتی قافلہ لٹن گئے سن، پر قافلہ نہ ملیا۔ حضور ﷺ دے پہلے سفارتی سفر نوں بخاری نے ”لول الغزوات“ لکھیا اے۔ اسماں آپ بغیر سوچیوں سمجھیوں، بغیر کسے ثبوت دے حضور ﷺ دے ہر سفر نوں ”غزوہ“ تے ہر مہم نوں، بھلوں لوہ تبلیغ واسطے ہووے، مرتد ڈاکو اں دا پچھا کرن لئی ہووے، صلح واسطیاں لے کے جاری ہووے، خبر رسائی لئی ہووے، تجارتی سفر ہووے، صرف گشت ہو رہی ہووے، اوہناں ”سریہ“ داناں ٹھوک دتا اے۔ اللہ دے فضل نال پوری تحقیق کر کے، میں ایس سلسلے وچ ٹھکواں کم کیتا اے۔ رب قبول فرمائے۔

نور نبی ﷺ دیاں کرناں توں منہ چھپاؤنا

دیہوں بھلوں سرتے آیا ہووے، چٹا چانن وی اوس بندے نوں تے نظر نہیں اوندا، جنھیں اکھاں ای میٹ لیاں ہوں۔ اسیں حضور پاک ﷺ دی پاک حیاتی دا ذکر کر دے آں۔ اوہدے وچ وی، اُنج تے، دُندھی ماری جا رہے آں۔ جمدے کچھ نمونے پھیلیاں صفحیاں وچ میں دکھاوی چکیاں۔ جہڑی گل اسیں ٹھیک وی لکھ دیتے، اک تے اپنی عملی زندگی تے اوہدا سایہ نہیں پین

دیتے۔ نالے، سیرت پاک لکھدیاں ہوئیاں اوہ کاڈھال دی عموماً" نہیں کڈھدے جنھال دے نتیجے وچ ساڈیاں اپنیاں زندگیاں راہے پئے جان۔

اساں "حلف الفضول" توں نہ سکھیا کہ دنیا وچ اپنے اپنے ملک وچ تے اپنیاں شہراں گراٹواں، پنڈاں وچ امن دی خاطر اسیں وی معاہدے کئے۔ جتھے وی سکھ، امن، چین دی کوئی صورت بن سکدی ہووے، بنائے۔ اس طرح اپنے آل دوالے، پورے ملک، اُتے ساری دنیا وچ محبتاں رکھنڈائیے، دشمنیاں مٹائیے تے اسلام (سلامتی) نوں عام کرن دے راہے چکے۔

حضور پاک ﷺ نے صفا پہاڑ تے کھڑے ہو کے فرمایا سی، جے میں تمناں کہوں کہ اسیں پہاڑی پچھوں دشمن تہاڑے تے حملہ کرن لئی آرہیا اے، تے تیس من لوگے؟ ساریاں نے اُکو اواز کڈھی، کیوں نہیں۔ تہاں تے کدی جوٹھ بولیا ای نہیں۔۔۔۔۔ اس واقعے نے کدی ساڈے تے کچھ اثر کیتا ہوندا، تے اسیں حضور ﷺ دی زندگی دے نمونے پرچھے رُردیاں ہوئیاں ج بولن وچ مشہور نہ ہو جانے۔

فیر کی ایہ واقعہ سانوں ایہ راہ نہیں دسد کہ جیہڑا بندہ اسلام دی تبلیغ کرے، اوہ پہلوں اپنی زندگی دے چالی سال لوکاں دے سامنے رکھے تے اوہناں تے انگلی اٹھان دی دعوت دے۔ اپنی حیاتی اُتے اسلام نافذ کیتیوں بغیر ای جس ویلے اسیں لوکاں نوں حق سچ دی تبلیغ کر دے آں تے ساڈیاں گلاں وچ تاثیر کس طرح پیدا ہو سکدی اے۔

ایہدا اک معنی ایہ وی اے کہ اسلام دنی بات کرن والا، خطیب، مبلغ، مولوی، امام صرف اوس جگہ تبلیغ کرے جتھے اوہدے بچپن، لڑکپن، جوانی دے

دیہاڑے لنگھے ہوں، تہاں جے لوکی اوہدے کردار دی گواہی دیں، تے فیر جلد یا بدیر، اوہدی گل منن تے مجبور ہو جان۔ ساڈیاں میسٹاں دے امام تے خطیب کدے اپنے علاقے دے نہیں ہوندے۔ اسیں شہر دا اوس شہر، تے اوس صوبے دا اس صوبے وچ آکے تبلیغ کرن دا "فرض" ادا کروا نظر اوندا اے۔ ایہ حضور ﷺ دی سنت دی خلاف ورزی اے، تہاں ای ایہدا کوئی چنگا نتیجہ سامنے نہیں اوندا۔

اساں ہجرت نوں پناہ گیری سمجھ لیا اے، حالاں جے ہجرت مدینہ نے سانوں ایہ سبق سکھایا اے کہ جتھے رہندے او، اوتھے اسلام دی عملداری دی کوشش کرو۔ ایہ کوشش کر دے رہو۔ جے سمجھو کہ اتھے کامیابی مشکل اے، فیر، اوتھوں کسے ہوو جگہ چلے جاؤ۔ اوتھے اپنے آپ نوں مضبوط کر کے، اوس طرح، جس طرح حضور ﷺ نے مکہ فتح کر کے اسلام دا جھنڈا گڈیا، اللہ دا نظام نافذ کرو۔

اساں غار ثور وچ حضور ﷺ تے حضرت ابو بکرؓ دا دن دن رات راتیں رہنا، دشمنان توں ڈر کے چھپنا بنا لیا اے۔ حالاں کہ جد سارے دشمن قیسیاں دیاں موڑھواں نے حضور ﷺ دے گھرتے ساری رات سپرہ رتہ۔ تے ایسے سپرے وچوں حضور ﷺ اپنے گھروں رُے، ابو بکرؓ ول گئے، اوہناں نوں نال لے کے ثور پہاڑ تے جا چڑھے۔ جس رب نے حضور ﷺ نوں تلواراں دے سپرے وچوں آپ ﷺ نوں کڈھ لیا سی، اوہ راہ وچ نہ بچا لیندا۔

نالے، راہ وچ اوہنے بچا ای لیا سی۔ سراقہ بن مالک جُغشی نے پچھا

کیتا۔ مدینے پاک دے راہ وچ کول جا اپنیا، تے اللہ پاک نے اوہدے گھوڑے
نوں زمین دی زنجیرا کے بٹھ لیا۔ معافی منگ کے جان چھڑا یوسو۔ جد بچان والا ایڈا
طاقتور سی، فیر تن دن غار وچ چھپے رہن دی کیہ لوڑ سی۔

اصل گل تے اپنی اے کہ اُمت نوں سبق دین لئی ایہ سارے کم کیتے
گئے۔ کہ جے دشمن جان والا گوبو جائے تے کجھ دن لک چھپ کے وی لنگھالین
وچ حرج کوئی نہیں۔ ایسے طرح شعب ابی طالب والے باپکاٹ واسمانا کرن وچ
وی ایہ دسیا گیا کہ ایہو جیہی صورت پیش آجائے تاں وی متھے وٹ نہیں پانا، حق
داراہ نہیں چھڈنا۔ تے جے اسلام دی خاطر قبائلی عصیت توں وی کم لینا پوے،
تے کوئی حرج نہیں۔ مقصد ذات نہیں ہونا چاہی دا، ہر کم اللہ پاک دی حکمرانی لئی
ہونا چاہی دا اے۔

روشنی دیاں منبعیاں نال ساڈی محبت

میں شروع وچ عرض کیتی سی کہ اللہ تعالیٰ نے اپنے سونے ﷺ
نوں دنیاوی رہنمائی لئی گھلیا سی۔ آپ ﷺ دی حیاتی پاک نوں مومنن لئی
نمونہ فرمایا سی، سانوں آپ ﷺ دے پچھے پچھے ٹرن دا حکم دتا سی۔ آپ
ﷺ نوں اک ضابطہ حیات کتابی صورت وچ دے کے بھیجا سی، جمدے
حکماں تے عمل کر کے اسیں دنیا تے آخرت وچ کامیاب ہو سکدے ساں۔
اساں حضور ﷺ دی لیاندی ہوئی کتاب نوں اپنا رہنما نہ بنایا، تے آپ
سرکار ﷺ دی زندگی پاک توں ہدایت لین دی اہمیت وی نہ سمجھی۔
قرآن پاک وچ ساڈے کرن تے نہ کرن والے مکمل دا بتاوا ملدا اے۔

اگلی اُمتاں دے حالات دتے گئے نیں کہ کیہڑیاں امتاں کس گلوں برباد ہوئیاں،
تے فلاح اُتے کامیابی لئی کیہڑے کم ضروری نیں۔ اساں اپنیاں زندگیاں قرآن
تے سنت دے مطابق گزاریاں سن، پر اساں قرآن نوں جبرک اُتے مقدس شے
بنا کے طاقاں تے رکھ دتا۔ آج کل قرآن پاک تعویزاں دی شکل وچ وی کم لوندنا
اے۔ گھراں وچ برکت لئی، اگے تے بوہے اُتے بنائے گئے طاق وچ قرآن رکھیا
جاندا سی، ستھرے جزدان وچ ولیٹ کے۔ ہن تعمیراں نے جدید رنگ بنائے نیں۔
ایس لئی جیہڑے بندے قرآن نال محبت کردے نیں، اوہ اک وڈے جیسے صفحے
تے چھپے ہوئے پورے قرآن نوں فریم کرا کے کسے اک کمرے وچ تنگ دیندے
نیں، تے ایس طرح گھر قرآن دیاں برکتاں نال مالا مال ہوندا رہندا اے۔

اللہ پاک نے اپنی کتاب دی حفاظت کا ذمہ آپوں لیا ہویا اے۔
(الحجر - ۹۵) ایس لئی ایہدے وچ تے زیر ذرا فرق قیامت تیکر نہیں ہو
سکا۔ حضرت فاروق اعظم رضی اللہ عنہ نے تراویح دے نظام نوں ایس طرح
ٹھکویں شکل دے دتی اے کہ اوسطاً ہر میت دے نال گھٹو گھٹ دو حافظ قرآن
تے ہمیشہ لئی پکے ہو گئے نیں۔ ایدھروں کوئی رخصہ نہیں لھیا، تے اساں ایس
کتاب دے ترچے تے تشریحاں وچ اپنا کم دکھالیا اے۔

قرآن کریم دے ترجمیاں تے تفسیراں نے ملت نوں ٹوٹے ٹوٹے کرن
واسطے بڑے پڑچتے نیں۔ ایس مقصد لئی سانوں حدیثاں دیاں کتاباں وچوں بڑا کجھ
لجھ جاندا اے۔ جنھال وڈیاں بندیاں نے حضور پاک ﷺ دیاں گلاں باتاں
جمع کرن دا کم کیتا، اوہناں دی محنت تے نیت نوں سلام اے۔ پر روایتاں دی
کسوٹی تے پوریان اون والیاں حدیثاں دی وی قرآن پاک دی تعلیم نال جانچ

پرتال کر لینی چاہی دی سی۔ فیر، جیہڑیاں روایتاں روایت اُتے درایت دیاں
اصولان تے پوریاں نہیں سن اُتر دیاں، یا قرآن کریم دی تعلیم نال لگا نہیں سن
کھاندیاں، اوہناں نوں چھڈ کے، چوٹیاں حدیثاں ملت اگے رکھ دینیاں چاہی دیاں
سن، پئی ایہناں تے عمل کرو۔ پر ایہ نہیں ہویا۔

ہر بندہ اپنی مرضی دیاں، اپنے گروہ یا مسلک نوں مدد دین والیاں روایتاں
کڈھ کے اپنا کم چلائی جا رہیا اے۔ قرآن پاک دیاں تفسیراں وچ دی ایہو کم
دکھایا جا رہیا اے۔ سگوں، قرآن شریف دے حوالے نال تے حدیثاں نوں اک
پاسے رکھ کے، اپنی مرضی دے ترجمے تے تشریحاں کیتیاں جا رہیاں نیں۔ اللہ
رحم کرے!

حضور پاک ﷺ دیاں حدیثاں وی، قرآن شریف دی طرح،
ساڈی رہنمائی لئی سن۔ کہ اسیں اپنی زندگی نوں حضور ﷺ دے فرمان
موجب تے آپ ﷺ کے کیتے ہوئے تے عمل کر دیاں گزارے۔ پر
اسان نور نبی ﷺ دیاں ایہناں کرنیاں توں روشنی حاصل کرن دی بجائے،
ایہناں نوں دی اپنے مقصد لئی استعمال کرنا شروع کر دتا۔ جو کجھ کرن نوں ساڈا
دل چاہو ہندا اے، اسیں اوہدی تائید لئی کسے حدیث نوں ورت لیندے آں۔

نور دی اک کرن نال محبت، باقیاں نال دشمنی

اللہ کریم نے حضور ﷺ دی پاک حیاتی نوں، 'ومنہا لئی نمونہ
قرار دتا سی۔ سانوں چاہی داسی، کہ ساڈے وچوں ہر بندہ اپنے طور تے وی، تے
اجتماعی لحاظ نال ملت دے طور تے وی، اسیں حضور ﷺ دیاں سنتاں تے

عمل کسے۔ پر ساڈے مولویاں نے "سنت" دے وڈے معنیان نوں داڑھی
دے چند والاں نال محدود کر دتا اے۔ تیس "حضور پاک ﷺ دی سنت"
کو، تے معنی داڑھی ہی ہووے گا۔

ایہ ٹھیک اے کہ حضور پاک ﷺ دی داڑھی مبارک سی۔ تے
بیہڑا بندہ داڑھی مناؤندا اے، اوہ حضور ﷺ دی اک سنت تے عمل
نہیں کر رہیا ہوندا۔ پر، پہلی گل تے ایہ ہے کہ داڑھی حضور پاک ﷺ دی
سنت تے ہے، خصوصیت نہیں۔ اوس معاشرے دے ہر بندے دی داڑھی
ہندی سی، مناؤندا کوئی وی نہیں سی۔ ابو جہل، ابولہب، کافر، مومن، منافق ساریاں
دی داڑھی ہے سی۔ دوجی گل ایہ اے کہ حضور ﷺ دی ایہ اکل سنت
نہیں، ہووے بڑیاں سنتاں نیں۔ اُتے، بیہڑا بندہ دوجیاں سنتاں تے عمل نہیں
کروا، اوہ وی اونہاں ای مجرم اے جتناں داڑھی نہ رکھن والا اے۔ سبھی گل ایہ
اے کہ حضور پاک ﷺ دیاں کئی سنتاں ایہیاں نیں جنہاں دا اثر پورے
معاشرے تے، سارے آلے دوالے تے ہندا اے۔ اوہناں دا چھڈنا ہر دور وچ
زیادہ وڈا جرم ہونا چاہی والا اے۔

کیہ حضور ﷺ نے زندگی وچ کدی دن وچ دو تن واری رج
کے روٹی کھاہدی اے؟ کیہ حضور ﷺ دو کھجوراں کھا کے رات نہیں سن
کڈھ لیندے؟ کیہ اوہناں داڑھ مبارک ایسا نہیں سی کہ اوہدے تے دو پتھر
جکھے ہوئے ہون تے دکھالی نہ دین؟ کیہ حضور ﷺ قومی یا دینی کماں وچ
آپ شریک نہیں سن ہوندے؟ کیہ مسجد قبا تے مسجد نبوی ﷺ بناؤن
واسطے مٹی گارا سرکار ﷺ آپ نہیں ڈھوندے رہے؟ کیہ حضور

ﷺ کے بڑھے بندے، کئے مُنڈے یا زبانی دا بھار چک کے آپ منزل
تیکر نہیں سن اُڑا دیندے؟ کیہ حضور ﷺ تجارت راہیں کما کے، اپنی
ساری کمالی غریباں مسکیناں وچ نہیں سن ونڈ دیندے؟ کیہ حضور ﷺ کافر
نوں مسجد نبوی ﷺ وچ ٹھہرا کے اوہدی خدمت خاطر نہیں سن کردے،
تے فیر جدا وہ میت وچ نئی کر کے چلا جاندا سی، تے اپنے مبارک ہتھ نال
(اوہناں ہتھ نال جنھاں نوں رب کریم نے اپنا ہتھ فرمایا۔ الفتح۔ ۲۸-۱۰)
اوہدی کھلاری ہوئی غلاظت نوں صاف نہیں سن فرما دیندے؟ کیہ حضور
ﷺ نے کدی اپنی حفاظت لئی گارڈ یا کلاشکوفیاں رکھیاں سن؟
تے فیر، جیہڑا بندہ دیساڑی وچ تن واری نہیں کے رُخڈ بھردا اے۔
سگوں، پارٹیاں وچ، قتل تے، محفلاں توں بعدوں، روٹی ٹکراؤ کھا رہیا ہوندا
اے جیویں ایہ اوہدی حیاتی دی آخری روٹی اے، اوہنے بھانویں داڑھی رکھی
ہوئی وی ہووے، اوہدا حضور پاک ﷺ دی سُنّت نال کوئی تعلق ہے؟
داڑھی دی سُنّت تے چوڑیاں ہون والے کسے بندے نے کدی دو کھجوریں کھا
کے، یا کچھ نہ کھا کے وی رات کدھی اے؟ داڑھی چھڈن دے نال نال جنھاں
نے رُخڈ وی چھڈے ہوئے ہندے نیں، اوہ حضور پاک ﷺ دی کیٹری
سُنّت تے عمل کر رہے ہندے نیں؟

کدے، کسے مولوی نے میت بناؤن لئی سینٹ، اٹال، بجری آپ ڈھونڈی
اے؟ کدے، کوئی داڑھی بردار بندے ”بُھل صفائی“ دی مہم وچ رُجھے نظریں
اوندے نیں؟ کنیاں مولویاں پیراں دا رُخڈ لیس حد وچ ہندا اے کہ اوہدے تے
دو پتھر بچھ سکے؟ کئے مولوی حضور پاک ﷺ دی ایس سُنّت تے عمل

کردے نیں کہ اوہ دین دی دعوت دین توں پہلوں، اپنی حیاتی دے چالی سال
لوکل سامنے اعتراض اٹھاؤن دی دعوت دے کے رکھن؟ کئے مولوی اوہ میت
سنبھال دے نیں، جتھے اوہناں دا بچپن، لڑکپن تے جوانی گزاری ہندی اے؟
داڑھی دی اک سُنّت تے عمل کرن والے کئے بندے نیں جیہڑے کسے معذور،
بُڑھے، غلام، عورت یا بچے دا سامان چک کے اوہدی منزل تیکر اُڑا اوندے نیں؟
ساڈے سرکار ﷺ تے کافراں نال وی محبت دا سلوک کردے
نیں، اوہناں تے اپنی جان دیاں دشمنان نوں، دین دیاں مخالفان نوں، اپنے رشتے
داراں عزیزاں تے ساتھیاں اُتے ظلم کرن والیاں نوں وی معاف کردتا۔ اسیں
کلمہ پڑھن والیاں مگر کلاشکوفیاں چکی پھرنے آں، تے چونکہ ساڈے منہ تے
داڑھی اے، ایس لئی سانوں ہور کسے سُنّت تے عمل کرن دی لوڑ ای کوئی نیں۔
سگوں، دوجیاں سُنّتاں دی خلاف ورزی کرن دی سانوں کھلی چھٹی ملی ہوئی اے۔
حضور ﷺ نے کدی اپنی حفاظت کا بندوبست ایس طرح نہیں سی کیتا،
جس طرح آج اک سُنّت دے راکھے کری پھردے نیں۔ حضور ﷺ
کافراں نوں مسجد نبوی ﷺ وچ ٹھہرا کے اوہناں دی گندگی اپنے ہتھ
مبارک نال صاف فرماندے سن، اسیں اپنی میت وچ کسے وہابی، بریلوی، شیعہ،
ہستی وغیرہ نوں وژن نہیں دیندے۔ اسیں کیٹری سُنّت دی گل کردے آں؟

فیر، جے اسیں اپنے چہرے مرے، چال ڈھال، تے پناوے دے
حوالے نال ای گل کریں۔ تے داڑھی والے کئے نیں، جنھاں دے سر دے
وال سُنّت دے مطابق نیں؟ کئے نیں جنھاں دے سر تے پگڑی سُنّت دے
مطابق ہندی اے؟ حضور ﷺ نے زیادہ تر چٹنی یا کالی پگڑی بُدھی اے۔

ساڑے وچ شیعے کالی گپڑی بنھ دے نیں، چٹّی دے نیڑے نہیں جاندے۔ پر یارو، سنت تے ایہ ہوئی ناں کہ کدی چٹّی پگ بدھی جائے، کدی کالی۔ ساڑیاں چٹّیاں پگال دے مختلف نمونے اپنے اپنے آگواں دے ناں اپنی عقیدت ارادت لئی نیں، حضور ﷺ دی سنت دے حوالے ناں نیں۔ ایس طرح دی پگ، ٹوپی یا رومال ہووے تے ایہ گروپ، اوس طرح دیاں سر ڈھکن دیاں شکلاں ہون، تے اوہ مسلک۔ ساوی پگ دی روایت ای کوئی نہیں بھدی، نالے ایہ پگ و بھندیاں سار ای حضور پاک ﷺ دی سنت دا نہیں، فلانے پیر دی تقلید دا ای خیال آوند اے۔ آخر اسیں کیہڑے پاسے ٹر پئے آں۔

تساں کجھ مولویوں دیاں سٹھناں ایڈیاں اُچیاں ویکھیاں ہونیاں نیں کہ اوہناں دیاں لوہیاں پنیاں تنگیاں ہونیاں نیں۔ پچھو، تے کہندے نیں، حضور ﷺ گتے تنگے رکھ دے سن۔ یارو، تنگے گرٹیاں دی سنت تے تساں من لئی، سمن پان دی کوئی روایت وی تے وکھاؤ۔ حضور پر نور ﷺ نے پوری حیاتی پاک وچ سلوار استعمال نہیں فرمائی، تہہ بنھ دے سن، تے فیر ایدھروی تے آؤ!۔ اج توں کجھ سال پہلوں تیکر مولوی کم از کم جمعے دے خطبے لئی سوئی تھہ وچ لے کے آوند اسی کہ ایہ حضور ﷺ دی سنت اے۔ پر، ہن اوہ سنت مک گئی اے؟؟

اصل گل ایہی اے کہ آساں سنت توں اپنے مطلب دے معنے پوائے نیں۔ جیہڑی گل میری یا میرے گروپ دی شناخت بن سکدی اے، یا چنگی لگدی اے، اوہناں اسیں سنت دا ناں دے کے اپنا لیندے آں۔ جیہڑی دل نہیں لگدی، یا ساڑی مرضی نہیں ہوندی، یا اوہ کسے دوجے گروپ نے اختیار کیتی

ہوندی اے، اسیں اوس سنت دے سخت مخالف ہوندے آں۔ مثلاً، تساں کے کُئی مولوی نوں کالی پگ بدھیاں ویکھیا اے؟

کئیں پچھے لکھیا اے کہ داڑھی حضور پاک ﷺ دی ایسی سنت اے جدے وچ آپ ﷺ لکے نہیں سن۔ اوس معاشرے وچ ہر بندہ داڑھی رکھدا سی۔ فیر، ایہدے توں علاوہ وی حضور ﷺ دیاں وکھالی دین والیاں کئی سنتاں نیں، جیہڑیاں ساڑیاں مولویاں نوں یا تے نظر نہیں آوندیاں، یا اوہ اوہناں سنتاں دے مخالف نیں کہ نہ اوہناں تے عمل کردے نیں تے ناں ای اوہناں دا ذکر کرن ول لوندے نیں۔ پر، میں تجی گل ایہ کہیتی سی کہ حضور پاک ﷺ دیاں بہت ساریاں ایسیاں سنتاں نیں، جنھاں دا پورے معاشرے تے اثر پیدا اے، اتے اوہ اک محبت بھریا معاشرہ بناؤن لئی مددگار ہندیاں نیں..... کہ اک محبت بھریا معاشرہ تشکیل دینا ای اسلام دا اصلی مقصد اے۔

نور نبی ﷺ دے ناں تے جھگڑے

نور نبی ﷺ وی ایس دنیا وچ آمد دا مقصد ایہ سی کہ کفر اتے جہالت دے ہیرے نس جان، اخلاق دی رشتائی تے ہدایت دا چانن دنیا نوں جگمگ کر دے۔ انسان جنھاں نوں رب کریم نے ”اشرف المخلوقات“ بنایا سی، اوہ ایسے ای کمال وچ رُجھے نظریں آون، جنھاں توں اوہ ساری مخلوق تو افضل، اشرف تے چنگے لگن۔ زمانے وچوں دشمنیاں، لڑائیاں، جھگڑے مک جان تے لوکی بھلمنسیائی ناں زندگیاں گزارن۔ ایہو ای سنیہا اللہ پاک دی کتاب داسی، ایہو راہ ساڑے سرکار ﷺ نے وکھائی۔ ایہ کم اک دوجے دے دکھ سکھ وچ شریک

ہو کے، دو جیاں دے کم آ کے، کسے نوں تنگ نہ کر کے، کسے دامان نہ کھا کے، کسے دی چغلی نہ کر کے، کسے دے غیب نہ پھول کے ای کیتا جا سکدا اے۔

اسماں اللہ پاک دے حکماں تے عمل کر کے، یا سرکار ﷺ دے دکھائے ہوئے راہ تے چل کے مجتہد کھارنیاں سن، شفقناں وکھنیاں سن۔ پر، ہو یا ایہ کہ اسماں قرآن نوں معنیاں تے تشریحاں راہیں متنازعہ بنایا، حدیثاں وچوں اپنے مطلب مقصد لئی گلاں کڈھیاں، یا کھچ تان کے اپنے مطابق ڈھالیاں۔ اسماں حضور پاک ﷺ دی ”سنت“ نوں وی اپنی مرضی دے تابع کیتا۔

اللہ کریم نے فرمایا سی، جے ایہ رب تعالیٰ نال محبت کرنا چاؤ ہندے نیں، تے اے نبی پاک ﷺ ایہناں نوں فرما دیو کہ میرے بچھے چلو، میری بیروی، اطاعت، اتباع کرو۔ فیہ رب تعالیٰ آپ تہاڑے نال محبت کرن لگ پئے گا۔ (آل عمران- ۳۱:۳۲) متفق علیہ حدیث اے کہ اوہ بندہ مومن ای نہیں ہو سکدا، جیہڑا میرے نال اپنے مایاں توں، اپنے دھی پتر توں، تے دنیاوی ہر شے توں ودھ محبت نہ کرے (بخاری- کتاب الایمان- حدیث ۱۳، ۱۴) اسماں حضور ﷺ نال محبت کرنی سی تاں جے پکے مومن بن جائیے۔ اسماں اللہ پاک نال محبت کرن خاطر حضور پاک ﷺ دی اتباع کرنی سی، تاں جے اللہ پاک سانوں اپنا محبوب بنا لئے۔۔۔۔۔ پر، پتا نہیں، کس طاقت نے، کس طرح ایسی سازش کیتی کہ حضور پاک ﷺ دی حیاتی نوں وی متنازعہ بنا دیا، حضور پاک ﷺ دی محبت نوں وی جھگڑیاں دی زینہ بنا لیا۔

اللہ فرماتا اے، اللہ تے اللہ دے رسول ﷺ دی اطاعت کرو۔

(آل عمران- ۳۲:۳ / الانفال- ۱:۸، ۲۰:۲۶ / المجادلہ- ۵۸:۱۳)

نالے اللہ کریم نے فرمایا، رنجھے رسول ﷺ دی اطاعت کیتی، اوہوای میرا مطیع اے (التہاس- ۸۰:۳۷) مطلب ایہ سی کہ اللہ تے اللہ دے رسول ﷺ دے حکم سن لو۔ حضور ﷺ نے حیاتی پاک وچ جس طرح جو جو عمل فرمایا، اوہوں نمونہ سمجھ کے، اوہدی تقلید کرو۔ پر، اسماں پہلوں تے اللہ تے اوہدے رسول ﷺ نوں ای لڑائی دا ڈھ بنالیا۔ اللہ والیاں دی جماعت، تے رسول اللہ ﷺ دی جماعت الگ الگ وکھال دے رہی اے، تے دونویں اک دوجے نال لڑائی جھگڑا کر رہے نیں۔۔۔۔۔ اللہ تے اللہ دے رسول ﷺ دے نال تے، قرآن تے حدیث دیاں خواہیاں نال۔ توبہ توبہ!

فیہ اسماں حضور ﷺ دی ذات وی متنازعہ بنا لئی، آپ ﷺ نوں غیب دا علم ہے سی کہ نہیں سی، آپ ﷺ نور سن کہ بشر۔ سوچو تے سہی کہ ایہناں جھگڑیاں بارے وی قیامت والے دن کچھ پریتیت ہونی اے یا نہیں۔ اوتھے تے ایہ سوال ہونا اے کہ تیس اللہ تے اللہ دے رسول ﷺ دے حکماں مطابق چلے سو، یا نہیں۔ اسیں اوتھوں دی جواب دہی بارے سوچدے ای نہیں۔ ایتھوں دیاں لڑائیاں بارے سوچدے تے سازشماں کردے رہندے آں۔

سانوں حکم کجھ ہو رہا ہوا اے، کروے اسیں کجھ ہو رہوے آں۔ ہجرت مصطفیٰ ﷺ دا مقصد ایہ سی کہ مسلمان جتھے اللہ دا نظام نافذ کرن دی پوزیشن وچ نیں، اوتھوں کسے ہو رہا ہے چلے جان۔ اوتھے اپنے آپ نوں مضبوط کرن، تے فیرواپس آ کے مکہ فتح کرن، اوتھے رب تعالیٰ کی حاکمیت دا نظام

چالو کرنا۔ اسیں ہندوستان وچوں ہجرت کر کے پاکستان آئے تے پناہ گیر بنے۔ فیر اک بندہ اٹھیا اوہنے مہاجرین دے نال تے مال اکٹھا کیتا، تنظیم بنائی، اوہناں جتھ کلاشکوفاں پکڑائیاں، تے اوہناں نوں بھجھتے لیکن تے لا دتا۔ اوہ ہتھیار جنھیں دا منہ دلی ول ہونا چاہی واسی، اوہ مسلماناں دیاں اندراں کڈھن لگ پئے۔

حضور پاک ﷺ نوں معراج ہوئی۔ مقصد ایہ سی کہ مسلمان کائنات دی تسخیر دیاں حکمتاں سمجھن، تے ایس راہے ٹرن۔ رب کریم نے قرآن پاک وچ سورج تے چن نوں مسخر کرن دی گل فرمائی (الرعد۔ ۱۳: ۲ / ابراہیم۔ ۱۲: ۳۳ / النحل۔ ۱۲: ۱۲ / العنکبوت۔ ۲۹: ۲۹ / لقمان۔ ۲۹: ۲۱ / فاطر۔ ۱۳: ۳۵ / الزمر۔ ۵: ۳۹) اللہ کریم نے چن دے نال نال سورج نوں وی انسان لئی مسخر کر دین دی بشارت سنائی، پر اسل ایس پلے منہ دی نہ کیتا۔ جد چن توں ہو آؤن والیاں دیاں خبراں اخباراں وچ پھسیاں تے ساڈیاں کیناں مولویاں نے اپنیاں تقریراں تے جمعے دیاں خطیلاں وچ کہیا کہ پتا نہیں کتھوں، ایہ لوک پتھر چک لیائے نیں۔ چن تے، تے کوئی جا ای نہیں سکدا۔ اصل وچ ساڈا مجموعی رویہ سائنسی ہے ای نہیں۔ سائنسی کیہ، غور، فکر تے تدبیر توں ای اسیں نسنے آں۔ رب کریم نے ایسے لئی فرمایا۔ ایہ لوکی قرآن وچ غور کیوں نہیں کردے! (النساء۔ ۸۲: ۲ / محمد ﷺ۔ ۲۲: ۳۷)

سرکار ﷺ نے نماز نوں مومن دی معراج فرمایا اے۔ مقصد ایہ سی کہ جس طرح حضور پاک ﷺ نے معراج وچ اللہ پاک نال آمنے سامنے گلاں بکتیاں سن، تے گزارشاں دا من مانا ہو یا سی، ایسے طرح نماز وچ حضوری دی کیفیت پیدا کیتی جاوے۔ حق تے ایہ اے کہ بندہ نماز پڑھیاں رنج ہو

جائے کہ اوہنوں رب پاک دیدار کرا رہیا اے۔ جے ایہ مقام نہ لبھا ہووے تے گھٹو گھٹ اینٹاں تے ہووے کہ نمازی دا رب اوہنوں وکھ رہیا اے۔ پر ایہ تال ای ہو سکدا اے کہ اسیں دلوں بجائوں نماز پڑھ رہے ہوئے۔ تے جے عبادت دا دی بجائے عبادت نماز پڑھی جائے، نہ لفظاں ول خیال ہووے کہ کیہ کہہ رہے آں، نہ رب کریم دی حضوری دا احساس ہووے، تے فیر اٹھک بیٹھک نوں تے نماز نہیں کھندے۔

اللہ تعالیٰ نے فرمایا اے، بے شک نماز فحاشی اتے منکرات (جنھیں مکمل توں منع کیتا گیا اے) توں بچاندی اے (العنکبوت۔ ۲۹: ۴۵)۔ اصل وچ ایہ کسوٹی اے۔ اپنیاں نمازاں چیک کر لو۔ جے تیس نمازاں دی پڑھی جارہے او، تے فحش مکمل وچ وی مشغول او، آتے جیڑے ہو ر مکمل توں رب کریم تے اوہدے محبوب پاک ﷺ نے منع فرمایا اے، اوہناں ول دی دلچسپی رکھدے او، تے فیر تیس نماز نہیں پڑھ رہے۔ جے تیس نماز پڑھ رہے ہوندے، تے ایہناں بھیڑیاں مکمل توں رک نہ جاندے۔

اسیں تے معراج شریف دیاں گلاں کردیاں، اوہدے بارے لکھدیاں، یا تقریراں کردیاں ہو رنیاں پاسیاں ول تے منہ کرنے آں، جدھر ضروری اے، اوہدھر نہیں ٹوڑے۔ کوئی کہے گا، حضور پاک ﷺ نوں اللہ پاک نے دیدار کرایا، منہ در منہ گلاں ہوئیاں، آپ ﷺ دی اکھ نہ ٹیڑھی ہوئی نہ جھمکی..... وغیرہ وغیرہ۔ تے کجھ مڈھوں مکاندے نیں۔ نہیں نہیں، اللہ پاک نے دیدار شیدار کوئی نہیں کرایا۔ اوہ تے جبریل امین نے حضور ﷺ نوں دیدار کرایا سی۔ اتے ”قَابَ قَوْسَيْنِ“ والیاں منزلاں آپ ﷺ نے جبریل دی

زیارت لئی ماریاں سن۔ کوئی کہندا اے، حضور پاک ﷺ آتے جا کے،
اُپر اُون لگے تے حضرت ابو بکرؓ دی آواز آئی، کوئی کہندا اے، حضرت بلالؓ اگے
اگے سن۔ **مَلّا باقر مجلسی** نے مُدھوں مُکائی اے کہ حضور پاک
ﷺ تے حضرت علیؓ دونوں معراج تے گئے سن، تے اکٹھے ای واپس
مڑے (جلد دوم۔ ص ۲۸۵....)

بھائی! ہر معاملے نوں لڑائی دا مُدھ نہ بناؤ۔ سوچو کہ ایس واقعے وچ
ساڑے لئی کیہ سبق اے۔ پر ایس ظاہریت دا ایساں کو شکار ہو گئے آں کہ کسے
گل دی، کسے کم دی گہرائی وچ جا کے ویکھن، سمجھن، تے عمل کرن ول نرے
ای نہیں۔

۱۹۹۶ وچ میں اپنے اباؓ (راجا رشید محمود) تے باجی (شہناز کوثر) نال
عمرے لئی گیا۔ اوتھے وی ظاہریت دا بڑا عمل دخل نظر آیا۔ کئی بندے گھروں کوئی
تیاری کر کے ای نہیں نرے۔ تیاری دا مطلب ایہ اے کہ عمرے دے ارکان
پتا ہوں، کیہ کرناں، کیہڑے کتوں پچائیں۔ میں ویکھیا اے کہ خوشبو توں گھٹ
ای کوئی پچدا اے۔ لوکی رُٹو پیر تے ہتھ شہ دھون والے صابن ہتھوں خوشبو لوا
ای لیندے نیں۔ احرام دی حالت وچ وال مُٹن توں بچن لئی خاص تردد نہیں
کردے۔ لڑن جھگڑن توں، لوکاں دی بد خوئی کرن توں گھٹ ای کوئی مُڑدا اے۔
معاف کر دین تے صبر کرن دا راہ اختیار کرن والے وی تھوڑے ہندے نیں۔

اسیں ایہ تے ارام نال کہہ سُن لیندے آں کہ کسے پاک دے حرم وچ
اک نماز دا ثواب اک لکھ نماز جتّاں، تے مدینے پاک وچ پچھا ہزار نماز جتّاں
اے۔ پر ایہ حساب گھٹ ای کوئی لاند اے کہ اک گناہ دا، اک غلطی دا اوتھے

عذاب کرناں کو ہوئے گا۔ اک تے اسان سوچ ای نہیں رکھی، فیر، جھوٹھ نے
ساڑے اندر جھنڈے گڈے ہوئے نیں، منافقت ساڈیاں ہڈیاں وچ رچ ورس گئی
اے۔ چغل خوری تے غیبت باجھ ساڈی روٹی ہضم نہیں ہندی۔ بحث کرن دی
عادت ساڈی قومی عادت بن گئی اے۔ آتے، اسیں جج یا عمرے لئی ٹرن لگیں
دی اینہاں عادات نوں اپنے توں دکھ کرناں چنگا نہیں سمجھدے۔

اپنے گھران وچ یا ایدھر اودھر اسیں اپنی اوقات موجب چنگے، صاف
ستھرے، قیمتی ریرے پانے آں۔ اللہ پاک چاہندا اے، میرے کول آو تے کفن
پاکے آو۔ کفن دی وی سلائی ہوندی اے، احرام نوں سینا دی جائز نہیں۔ اتھے
اسیں بودے واسے آں، والاں وچ کنڈل پانے یا پوانے آں، چیر کڈھنے آں،
بڑیاں بڑیاں شو قینیاں کرنے آں۔ اللہ پاک پسند کردا اے کہ اوتھے رُخداں کرا
دیو۔ یا، گھٹو گھٹ جتے وال ہوں، اوہ کوٹھے ضرور کرا لو۔

اصل گل اے، ”میں“ مارن دی۔ جے اسیں رب دے گھر جا کے وی
”میں“ توں جان نہ چھڑائی تے فیر، اپنے آپ تے ظلم ای کیتاناں! کسے مسلمان
دی جان مال، عزت آمدو جتنی اتھے ساڑے تے فرض اے، اوہدے توں لکھ گنا
اوتھے فرض ہوندی اے۔ اتھے غیبت کرنا، حد کرنا، کسے دامال کھانا، چوری کرنا،
کسے نوں تکلیف دینا جرم اے، تے اوتھے ایہناں اک لکھ یا پچھا ہزار نال ضرب
دینی پئے گی۔ پر، ایہ گوڑ، ایہ سوچ آوندی، کنہوں اے۔

حرمین شریفین دی زیارت وچ سانوں جو جو کچھ کرنا پیندا اے، اسیں
اوہدی اصل بارے سوچدے ای نہیں۔ احرام وچ موہنڈا رنگا کرن دا وی کوئی
مطلب اے، پر رکنیاں نوں ایہدا پتا اے۔ میں تے ویکھیا اے کہ لاہور وں ای

بندے موہنڈا نکا کر کے ٹرپیندے نیں۔ حالاں کہ ایہ کم حضور پاک ﷺ نے عمرہ القضاء ویلے کیتا سی۔ گل ایہ سی کہ صلح حدیبیہ دیاں شرطیں بارے کافراں ایہ پروپیگنڈا کیتا کہ مسلماناں وِگ کے صلح کیتی اے۔ کجھ شرطیں بظاہر ایسے طرح دیاں وسدیاں سن۔ پر اللہ تعالیٰ نے ایہنوں فتح دی خوشخبری کہیا۔ اگلے سال حضور پاک ﷺ اپنے صحابہ کرامؓ نال عمرہ کرن کے آئے تے آپ ﷺ نے خانے کعبے دے پیلے رتن چکراں وِچ سجا موہنڈا نکا کر کے پتیاں بھار آکڑ کے چلن دا حکم دتا۔ مطلب ایہ سی کہ کجھے پاسے تے کعبہ ہندا اے، جے پاسے کافر دیکھ رہے سن۔ حضور پاک ﷺ اوہناں نوں دُستا چاؤ ہندے سن کہ اسیں بیٹے نیں۔ پتیاں بھار آکڑ کے ٹریے، موہنڈا وی نکا ہووے تے ”ڈولے“ دُڑے وسدے نیں۔ ایہ کم سرکار ﷺ نے کیتا تے ہن قیامت تیکر کرنا ای چنایاں۔ جیہڑا نہیں کرے گا، اوہدا کیہ عمرہ تے کیہ حج۔ پر ایہدا مفہوم وی تے سمجھنا چلی دا اے۔ معنی ایہ بن دا اے کہ اللہ دے دشمنان نوں یرکان دا پر بندھ کریا کرو۔۔۔۔۔۔ پر، اسیں تے اللہ دے دشمنان کولوں یرکن دے راہے ٹرے رہنے آں۔

میں حجرِ اسود نوں چُٹن لئی لوکاں دیاں کوششاں تکیاں نیں۔ حجرِ اسود نوں چُٹنا فرض نہیں۔ اوہنوں دوروں سلام وی کیتا جا سکدا اے۔ پر کسے بندے نوں، خاص طور تے کسے مومن نوں، فیر رب دے گھر دے سامنے تکلیف دینی، دھکا مارنا، پریشان کرنا کرناں وڈا جرم اے۔ ایہدا کوئی احساس ای نہیں کردا۔

حج وِچ لوکی شیطاناں نوں وُٹے مار اوندے نیں۔ کئی تے، گیٹیاں توں وی اگے لنگھ جاندے نیں، جتیاں چُک چُک مار دے نیں۔ کوئی ایہ وی سمجھ دا

اے کہ ایہدا مطلب کیہ اے۔ شیطان تے اوتھے ہندا ای کوئی نہیں۔ بندیاں دے بنائے ہوئے رتن تھم نیں جنھیاں نوں ریگھے روڑے مارنے ہندے نیں۔ مطلب ایس رکن دا ایہ سی کہ اللہ کول اپڑ کے، لوکی اپنی ”میں“ مار لیکن تے فیر شیطان نوں روڑے مار کے ایہ اعلان کرن، دلوں بجانوں، کہ ساڈا حج تو شیطان نال لٹ کھڑکا اے۔ اسیں اوہدے چکر وِچ ہن کدی نہیں آواں گے۔۔۔۔۔۔ پر، جے اوتھوں آکے وی اسماں ملاوٹ ای کرنی ایں، لوکاں کو تکلیف ای دینی اے، اوہناں دا مال ای کھانا اے، جھوٹ، رغیبت، غور، فخر، دکھاوا، لالچ، حرص، حسد، خیانت، بہتان، دشمنی، بغض، سخت دلی توں نہیں بچنا، اُتے بندیاں دے حق پورے نہیں کرنے، تے فیر اسماں کجیاج کیتا اے۔ فٹے منہ حج کرن توں مگروں دی ایہو جیہاں حرکتیں کرن والیاں دا!

اصل وِچ اللہ پاک نے جیہڑیاں عبادتاں ساڈے لئی لازمی قرار دیتاں نیں، اوہ وی ایسے لئی نیں کہ ایس طرح اک تے عبادت کرن والے دی جان بن دی اے، اوہدی صحت چنگی رہندی اے۔ دوجا، اوہنوں بندیاں وِچ بہن کھلون دی جالچ اوندی اے، اک دوجے دے دکھ سکھ دا پتا لگدا اے، اک دوجے دے کم اون دی اہمیت پتا لگدی اے۔ اُتے، بندیاں دے حق پورے کرنا وی دراصل اللہ کا حق ادا کرنا ای ہندا اے۔ کیونکہ بندیاں دے حق اللہ پاک نے ای مقرر کیتے نیں۔ حقوق اللہ تے حقوق العباد دے سلسلے دی سب تو اہم گل ایہ اے، ہندا کوئی ذکروی نہیں کردا۔۔۔ کہ اللہ پاک رحیم، کریم اے، اوہنے آپ ﷺ نوں رحمت بنا کے گھلیا اے۔۔۔۔۔۔ پر، رب کریم دیاں ساریاں مہربانیاں، تے حضور پاک ﷺ دی کریمی تے شفاعت حقوق اللہ لئی اے۔

جسے بندیاں واقع ماریا یا پورانہ کیتا، اونہوں نے اللہ تعالیٰ نے بخشا ایں، نہ حضور پاک ﷺ نے اوہدی شفاعت فرماؤنی اے۔

ایس لئی، سانوں چاہی وا اے کہ اللہ دے حق وی پورے کرے، پر جے اوہناں وچ کوئی خاں رہ وی جائے، تے بندیاں دے حق دا زیادہ دھیان کرے۔
انتہوں بچن دی گنجائش کوئی نہیں۔

نور نبی ﷺ دیاں کرناں

جے بد بختی ساڈا ساتھ نہ دے، یا اسیں جان مجھ کے اوہوں گل نہ لائے، تے ساڈے لئی ضروری اے کہ اسیں نور نبی ﷺ دیاں کرناں توں فائدہ چکے۔ ایہو ای اوہ روشنی اے جسے ساڈی دنیا وی سنوارنی ایں، تے ساڈی اخیر وی چٹکی کرنی ایں۔

چنگے اخلاق

اللہ تعالیٰ نے ساڈے سرکار ﷺ دے خلق نوں عظیم فرمایا (ن)۔
حضرت تواس بن سمانؓ فرماؤندے نیں، میں حضور پاک ﷺ کو لوں چھپیا، بھلائی کیہ اے، تے بُرائی کیہ؟ آپ ﷺ نے فرمایا۔ بھلائی چنگے اخلاق نیں۔ اُتے گناہ اوہ اے جدے اُتے تیرا دل تینوں چونڈ مارے، نالے توں چاہویں پئی ایہ کسے نوں پتا نہ لگے (مسلم)۔ کتاب البر و الصلۃ و الادب۔
باب تفسیر البر و الاثم۔ پہلی تے دوجی حدیث / جامع ترمذی۔ ابواب الزہد۔
باب ماجاء فی البر و الاثم۔ حدیث ۲۷۳)

حضرت اسامہ بن شریکؓ کہندے نیں، کچھ پیٹڈواں نے حضور پاک

ﷺ دی خدمت وچ عرض کیتی، یا رسول اللہ ﷺ ساریاں توں چنگل شے کیہڑی اے؟ آپ ﷺ نے فرمایا، چنگے اخلاق (مسند امام اعظم)۔ کتاب الادب۔ باب الرِّفْق و الخُلُق۔ حدیث نمبر ۴۵۴) حضرت معاذ بن جبلؓ فرماؤندے نیں، آپ سرکار ﷺ نے اخیری وصیت ایہ فرمائی سی کہ اپنے اخلاق چنگے رکھنا (موطّا امام مالک)۔ جلد دوم۔ کتاب حُسن الخُلُق۔ حدیث نمبر ۱۲۲۵) امام مالکؒ لکھدے نیں، مرفوع حدیثاں توں ایہ گل ثابت اے کہ نیکی نماز روزے وچ ای نہیں، سگوں خدا دی مخلوق نال چنگا سلوک کرنا وی نیکی اے (موطّا امام مالک)۔ حدیث ۱۶۳۱) وچ ایہ حدیث وی ہے، حضور ﷺ نے فرمایا، مینوں گھلیا ای ایس لئی گیا اے کہ میں چنگے اخلاق مکمل کردیاں (حدیث ۱۶۳۲)

حضرت براء بن عازبؓ دی روایت اے کہ حضور پاک ﷺ نے سانوں ست مکمل دا حکم دتا، بیمار نوں چھپنا، جنازے نال جانا، کوئی بچھ مارے تے اوہوں جواب دینا (یٰ مَحْمُودُ اللہ کہنا) رہینے تے مظلوم دی مدد کرنا، سلام پھیلانا، تے قسم پوری کرنا (بخاری)۔ کتاب الاستئذان۔ باب افشاء السلام۔ حدیث ۱۱۶۵) براء بن عازبؓ دا ای کہنا اے کہ حضور پاک ﷺ دا چہرہ مبارک ساریاں توں سوہناں سی، اُتے آپ ﷺ دے اخلاق ساریاں توں چنگے سن۔ (مسلم)۔ کتاب الفضائل۔ باب صفۃ شعروہ صلی اللہ علیہ وسلم۔ چوتھی حدیث) اصل وچ اسلام دائرہ ہلا مقصد ایہ ہے کہ اک صالح، نیک تے محبت بھرا معاشرہ قائم کیتا جاوے۔ لڑائی جھگڑا فساد نہ ہووے۔ لوکی اک دوجے دے کم اون، اک دوجے دے دکھ سکھ وچ شریک ہون۔ مسلماناں وچ پیار دی سانجھ

ہوے۔ جے کوئی زیادتی کر لئے تے دو جا بندہ بدلہ نہ لئے، معاف کر دئے۔ غصہ
رہین تے لوکل نوں معاف کر دین والیاں نوں رب کریم ”محسن“ فرماؤندا اے،
اتے اوہناں نال اپنی محبت دا ذکر کرا اے (آل عمران- ۱۳۴)

احسان تے ایثار کرن تے بھائی چارے، بھائی بندی نال زندگی گزارن
نوں اسلام وڈی نیکی دسد اے۔ مسلماناں لئی ضروری اے کہ اوہ اک دوجے
کو لوں دور دور نہ ہوں، دشمنیاں نہ پالن، نفرتاں نہ سیرن، بدگمانیاں تو بچن، گالھ
مُندا نہ کرن، حسد نہ کرن، جھوٹ نہ بولن، چغلیں تے بد خوئیاں نہ کرن،
وعدے نبھان، بہتان نہ بنھن، غرور تکبر توں دور دور رہن۔۔۔۔۔ ہمدردی
ودھان، چنگیاں گلاں تے چنگے کم کرن، توکل کرن، سچ دا پلہ نہ چھڈن، تے ایس
طرح آلے دوالے پیار ودھان۔

جے چنگے اخلاق نال ساڈی سانجھ پکی ہو جائے تے ایس مایاں نال چنگا
سلوک کریے۔ رشتے داراں، گواہنڈیاں نال لڑکھو ہو کے رہیے، محتاجاں دی مدد
کریے۔ کسے مسلمان نوں خوشی لیتے تے ایس اوہدے نال خوش ہوئیے۔ جے
کوئی پریشان ہووے، دکھ مصیبت وچ پھسے تے ایس اوہدے نال موہنڈا جوڑ کے
کھڑے ہوئیے۔ ایس طرح ساڈا معاشرہ اک مثالی معاشرہ نہ بن جائے۔

حضرت ابو ہریرہؓ توں روایت اے، حضور پاک ﷺ نے فرمایا،
کسے دے بارے بدگمانی توں بچو، ایہ سب توں وڈا جھوٹھ ہے۔ کسے دیاں بُریاں
نہ ڈھونڈو، کسے دی جاسوسی نہ کرو۔ کسے نال دشمنی نہ رکھو، کسے نال کُئی نہ کرو۔
اللہ دیو بندو! بھرا بھرا بن جاؤ (بخاری- کتاب الفرائض- باب تعلیم الفرائض-
حدیث ۱۶۳۰) نالے فرمایا، جیہڑا بندہ رب تعالیٰ اُتے قیامت تے ایمان رکھدا اے،

اوہ یا تے چنگی گل کرے، یا چُپ رہوے۔ اپنے گواہنڈی نوں تنگ نہ کرے،
اتے اپنے مہمان دی عزت کرے (بخاری- کتاب الرقاق- باب حفظ
اللسان- حدیث ۱۳۹۵)

اُمُّ الْمُؤْمِنِین حضرت عائشہ صدیقہ رضی اللہ عنہا توں روایت اے،
حضور پاک ﷺ نے فرمایا، ”مومن اپنے چنگے اخلاق دی وجہ توں اوہ رتبہ
حاصل کر لیندا اے، جو سارا سارا دن روزے رکھن تے ساری ساری رات
عبادت کرن والے نوں لہدا اے۔ (سُنی ابو داؤد- کتاب الادب- باب فی
حُسن الخلق- حدیث ۱۳۷۱) حضرت ابوالدرداءؓ کہندے نیں، رسول اللہ
ﷺ نے فرمایا، قیامت والے دن، نکڑی اُتے چنگے اخلاق توں بھاری شے
کوئی ہونی ای نہیں (سُنی ابو داؤد- کتاب الادب- باب فی حُسن الخلق-
حدیث ۱۳۷۲) عبدالرحمان ابن جوزی حضرت عائشہ صدیقہؓ دا قول نقل
فرماؤندے نیں کہ دنیا دا کوئی بندہ چنگے اخلاق وچ حضور پاک ﷺ جیہا
نہیں ہو سکر۔ آپ ﷺ سب توں ودھ چنگے خلق دے مالک سن (الوفا
بأحوال المصطفیٰ ﷺ- ص ۴۶)

شمائل ترمذی وچ اے، حضرت امام حسینؑ اپنے اباؑ حضرت علیؑ
کو لوں روایت کردے نیں کہ حضور ﷺ کھلے چہرے والے سن، عاداتاں
چنگیاں، مزاج نرم، نہ کسے دا عیب دُسن، نہ کسے نوں تنگ کرنا، کسے شے دی تمنا
نہیں۔ کسے نوں مایوس تے بدل نہیں کرنا۔ کسے نوں بُریائی نہیں دیتی، کسے تے
عیب نہیں لاؤنا۔۔۔۔۔ (شمائل ترمذی- باب ما جاء فی خلق رسول اللہ
ﷺ- نانویں حدیث)

ساڑے سرکار ﷺ نے سانوں ایہ ہدایت فرمائی اے کہ اسیں چنگے کم کریے، لوکاں دے کم آئیے، اک مثالی معاشرہ بناؤن وچ اپنا حصہ پائیے۔ حضور پاک ﷺ نے سانوں جیہڑیاں گلاں بچائیاں تے کم دتے نیں، اوہ آپ سرکار ﷺ نے پہلوں، آپ کیتے نیں۔ حدیث توں پتا لگدا اے کہ حضور ﷺ نوں دنیا تے گلن دا مطلب ای ایہ سی کہ چنگے اخلاق دنیا وچ عام ہون۔ کوئی کسے دے خلاف نہ کھلم کھلا، نہ چُھپ کے کوئی سازش کرے، نہ کوئی کسے دا حق کھائے۔ اسلام نے حکومت، سیاست، رہن سہن، تعلیم، تربیت، کھان کمان، وٹن ورتن، --- غرض، زندگی دے ہر پہلو وچ رہنمائی کیتی اے۔ تے اسیں کسے شے وچ وی کم کر رہے ہوویے، سانوں اخلاق دا بندی وان رکھیا گیا اے۔ اسل ہر ویلے، ہر تھاں ایہو ای سوچنا اس کہ معاشرہ کس طرح چنگا ہو سکدا اے، لوکاں دی بھلیائی کیکن ممکن اے، دو جیاں دے کم کس طرح آیا جا سکدا اے۔

اگر بندے دیاں علوتاں رنج دیاں ہون کہ لوکی اوہدے نال محبت کرن لگ پئیں، اوہ لوکاں لئی رحمت بن جائے، بندے اوہنوں مل کے خوش ہون، تے اوہ معاشرے دی اکھاں دا تارا بن جاندا اے، لوکاں دے دلاں اُتے اوہدی حکومت قائم ہو جاندی اے۔ تے ہر مومن اگر ایہو ای راہ پھزلے تے دنیا ای جنت دا نمونہ بن جاندی اے۔ اگے جا کے تے جنت لہنئی ای ہوندی اے۔

مابیاں نال سلوک

حضور پاک ﷺ چنگے اخلاق پھیلاؤن خاطر دنیا تے بھیجے گئے۔

چنگے اخلاق دی ”بسم اللہ“ مابیاں توں ہندی اے۔ سرکار ﷺ کو لوں پچھیا گیا، یا رسول اللہ ﷺ ساریاں توں پہلاں چنگا سلوک کدے نال کرنا چاہی دا اے۔ فرمایا، ماں نال، پچھیا گیا سرکار ﷺ اوہدے توں بعد۔ فرمایا، ماں نال۔ فیر سوال ہويا، اوہدے توں مگروں۔ فرمایا، ماں نال۔ اخیر، چوتھی وار حضور ﷺ نے پو ماں نال چنگا سلوک کرن لئی فرمایا (بخاری۔ کتاب الادب۔ باب مَنْ اَتَى النَّاسَ بِحَسَنٍ مُحِبٍّ۔ حدیث ۹۱۱ / مسلم۔ کتاب البر والصلۃ و الادب۔ پہلی تے دوجی حدیث / سنن ابن ماجہ۔ ابواب الادب۔ حدیث ۵۴۷)

اللہ کریم نے فرمایا، اسل بندے نوں اوہدے ماں پو بارے وصیت فرمائی اے، تاکید کیتی اے۔ اوہدی ماں نے اوہنوں اپنے دُھ وچ رکھیا، اتے کمزوری تے کمزوری جھل۔ دُھ چھڑاؤنا دی دو سال وچ ہے گا۔ رانی اشکر لئی وَلِیُّوْا الدِّیْکَ۔ میرا تے اپنے مابیاں دا شکر ادا کر۔ رَاسِیَ الْمَصِیْر۔ اونا تے اخیر میرے تیکر ای اے (لقمان۔ ۱۴:۳۱) اللہ تعالیٰ نے اپنے نال بندے دے ماں پو واکر کیتا اے۔ دُہاں دا حق دسیا اے، اتے دُہاں دا شکر ادا کرن لئی کہیا اے۔ اک ہوو جگہ وی ماں دیاں تکلیفیں واکر کیتا گیا اے (احقاف۔ ۱۵:۴۶)

قرآن مجید وچ چار واری اللہ نے مابیاں نال احسان کرن دا حکم دتا اے۔

(البقرہ۔ ۸۳:۲ / النساء۔ ۳۶:۳ / انعام۔ ۱۵۱:۶ / بنی اسرائیل۔ ۱۷:۲۷)

(۲۳) بنی اسرائیل وچ تے ایہ وی فرمایا کہ جے تیرے سامنے مابیاں وچوں کوئی اک، یا دونوں بڑھاپے تیکر اُپر جان، تے اوہناں نوں ”ہوں“ تک نہ

کہویں، نہ جھڑکیں۔ اوہناں نال مٹھیاں مٹھیاں گلاں کریں۔ اک جگہ اوہناں نال چنگا سلوک کرن دا حکم دے کے فرمایا کہ جے اوہ تینوں شرک کرن واسطے کہن تے نہ کھنیں۔ مطلب ایہ کہ ایس اک گلی توں ہٹ کے، جو حکم دین، اوہ منا پوے گا (العنکبوت-۸۲۹)

اج کل بد قسمتی نال، ساڈے آلے دوالے کچھ ایسے بد بخت وی نظر اوندے نیں جو اپنے ماں پپو نوں ناراض کرن والے کم کر جندے نیں۔ اوہناں نال چنگا سلوک نہیں کروے، اوہناں دی خدمت نہیں کردے، اوہناں دے آرام دا خیال نہیں رکھدے۔ ابو امامہؓ کہندے نیں، اک بندے نے حضور پاک ﷺ نوں پچھیا کہ مایاں دا اولاد اُتے کنال حق اے۔ حضور ﷺ نے فرمایا، ماپے اسی تیری جنت یا جہنم نیں۔ (مسند ابن ماجہ۔ ابواب الاداب۔ حدیث ۵۵۲) مطلب اے کہ جے اوہناں نوں خوش کیتو، اوہناں دی خدمت وچ رنجیوں، تے تیرے لئی جنت اسی جنت اے۔ نہیں تے دوزخی بنیں گے۔

حضرت عبداللہ ابن عمر (رضی اللہ عنہما) کہندے نیں، حضور رسول اللہ ﷺ نے فرمایا، وڈے گناہ (گناہ کبیرہ) ایہ نیں: کسے نوں اللہ دا شریک بناؤنا۔ مایاں دا حکم نہ فنا، کسے نوں قتل کرنا، تے جھوٹی سوئمہ چکنا۔ (مشکوٰۃ المصابیح۔ کتاب الایمان۔ باب الکبائر وعلامات النفاق۔ حدیث ۴۵)

اسیں حضور پاک ﷺ نال محبت، سگوں عشق دے دعوے وی کرنے آں۔ اللہ پاک نوں من دیاں گلاں وی ساڈیاں جیہاں اُتے ہوندیاں نیں، اسیں اسلام تے ایمان اُتے فخر وی کردے آں۔ لیہوں تیکر کہ صرف اسل ای جنت وچ جانا ایں، باقی سب دوزخی نیں۔ پر کم ساڈے حضور پاک ﷺ

دیاں اُتیاں وانگر نہیں۔ جے ساڈے وچوں کوئی بد قسمت اپنے مایاں نال چنگا سلوک نہیں کردا، اوہناں دی عزت تعظیم نہیں کردا، جھڑکدا اے، یا اوہناں نوں ”اُف“ کہندا اے، اوہناں نوں خوش نہیں رکھدا، تے پکی گل اے کہ اوہ اللہ تعالیٰ اُتے حضور پاک ﷺ دے حکم نوں نہیں من واپس دینا وچ وی اُتے اگلے جہان وی اوہدی ذلت کیوں نہیں ہووے گی۔

ایہ سب حکم احکام ساڈی بہتری واسطے نیں۔ نور نبی ﷺ دیاں اینہاں کرنال توں روشنی لے کے اسیں زندگیاں نوں اُجال سکے آں۔ اللہ کریم سانوں بہنیاں توں بچائے۔

سلام پھیلاؤنا

ابو امامہؓ توں روایت اے، ساڈے سرکار ﷺ نے سلام نوں عام کرن دا حکم فرمایا اے (مسند ابن ماجہ۔ ابواب الاداب۔ حدیث ۵۸۳) ایہدے توں پہلی حدیث حضرت ابو ہریرہؓ نے بیان کیتی اے۔ حضور پاک ﷺ نے فرمایا، میں تمناؤں ایہو جیسی گل نہ دساں جندے نال تہاڈی آپو وچ محبت ودھے۔ اک دوجے نال سلام نوں عام کرو۔ ایہ حدیث مسند ابو داؤد وچ وی ہے (ابواب السلام۔ باب انشاء السلام۔ حدیث ۱۷۵۳ / مشکوٰۃ المصابیح۔ کتاب الاداب۔ حدیث ۴۴۲۳)

عبداللہ بن عمرؓ فرمادے نیں۔ کسے نے آقا حضور ﷺ نوں پچھیا، اسلام کہدا چنگا اے؟ فرمایا: کھانا کھاؤ۔ نالے کسے نوں جان دے او یا نہیں، اوہنوں سلام کرو (بخاری۔ کتاب الایمان۔ باب اطعام الطعام من الاسلام۔ حدیث ۲۷۱۱) بخاری نے باب نمبر ۲۰ دا عنوان ای ایہ بدھا اے ”سلام

نوں عام کرنا اسلام وچ داخل اے۔ عمار نے کیا اے، جنھے تن کم کر لئے، اوہ اسلام دے ساریاں حصیاں تے چھا گیا۔ اپنی ذات دے مقابلے تے انصاف کرنا، ہر جانوں، انجانوں نوں سلام کرنا تے غریبی ہندیاں رب دے راہ وچ خرچ کرنا۔

ترمذی تے **دارمی** وچ حضرت علیؓ توں روایت اے۔ حضور پاک ﷺ نے فرمایا، مسلمان دے مسلمان اُتے جھے حق ضروری نیں۔ اوہ ملے تے سلام کرے، دعوت ملے تے قبول کرے۔ مسلمان بچھ مارے تے سُنن والا اوہدا جواب دے۔ کوئی بیمار ہووے تے اوہنوں پچھے۔ تے اپنے ایمانی بھرائی اوہو ای شے پسند کرے، جیہڑی اوہنوں آپ نوں چنگی لگدی اے (**مُسْنَدِ عَلٰی**۔ حضرت علیؓ توں مروی حدیثاں دا مجموعہ۔ مؤلفہ جمیل نقوی۔ مطبوعہ کراچی۔ جولائی ۱۹۸۵ء۔ ص ۱۰۷)

حضرت ابو امامہؓ کہندے نیں، حضور ﷺ نے فرمایا، پہلوں سلام کرن والا اللہ تعالیٰ دے زیادہ نیڑے ہندا اے (**جامع ترمذی**۔ ابواب الاشیان والادب۔ حدیث ۵۹۲) حضرت ابو ایوب انصاریؓ دی روایت اے۔ حضور ﷺ نے فرمایا، کسے مومن واسطے جائز نہیں کہ اوہ اپنے مسلمان بھرا توں تن دیساڑیاں توں ودھ ناراض رہوے۔ جس ویلے ایہ ملن تے اوہ وی منہ پھیر لئے، ایہ وی منہ پھیر لئے۔ ایہناں دونوں وچوں چنگا اوہو ای اے جیہڑا پہلوں سلام کرے (**مَوْطَأُ اِمَامِ مَالِك**۔ کتاب حُسْنِ الْخُلُقِ۔ باب ماجاء فی المحاجرہ۔ حدیث ۱۲۳)

شیخ اکبر محی الدین ابن عربیؒ نے امام ابن عیینہؒ دا قول نقل کیتا اے، کسے نے اوہناں کولوں پچھیا، اسلام کیہ اے۔ فرمایا اسلام ایہ اے کہ تیس

میرے وٹوں سلامتی وچ ہووے۔ (**معارف القرآن**۔ دوجی جلد۔ مفتی محمد شفیع۔ کراچی۔ ص ۵۰۲)

سلام پھیلاؤن دا جیہڑا حکم حضور پاک ﷺ دیاں بڑیاں حدیثاں وچ مددا اے۔ حدیثاں دیاں کیاں کتاباں وچ باقاعدہ لئے لئے باب ایس موضوع تے بدھے ہوئے لکھدے نیں۔ ایہدا مطلب صرف ایہ نہیں کہ جس ویلے کسے نوں ملو، تے سلام کہہ دو۔ سلام کہنا تے کوئی معنی ای نہیں رکھدا۔ جس ویلے تیس کسے نوں ”السلام علیکم“ کہندے او، تے دراصل اوہنوں سلامتی دا سُنہا دے رہے ہندے او۔ کہہ رہے ہندے او، کہ میرے وٹوں تینوں سلامتی دا پیغام اے، میں تینوں سلامتی دی خوشخبری دے رہیا واں، میں تیری سلامتی چاؤ ہنا واں۔ جد اوہ وی جواب وچ کہندا اے، تہاڈے تے وی سلام ہووے۔ تے مطلب ایہ اے کہ میں وی تہاڈا بُرا کدی نہیں منگاں گا۔

دل وچ کدورتاں رکھ کے، بغض تے حسد دے بُت کچھال وچ مار کے، منافقت دی زبان وچ صرف مومنوں سلام کہنا اسل رواج بنایا ہویا اے۔ اسلام تے ایہ نہیں چاؤ ہندا۔ حضور پاک ﷺ نے تے اپنے اخلاق دے نور نال ساڈیاں روحاں نوں رُشنائی دین تے ساڈیاں دلاں نوں اُجالن دا مقصد سامنے رکھیا اے۔

حضور پاک ﷺ دے فرمان سانوں چنگا مسلمان بناؤنا چاؤ ہندے نیں، جیہڑا دوجے مسلمان دا بھائی اے، اوہدے دکھ سکھ دا ساتھی اے، اوہدی جلیانی لئی اپنا نقصان کر کے وی دل میلا نہیں کردا۔

جے اسیں حضور پاک ﷺ دے ایس فرمان اُتے عمل کر لیں،

اتے سلام نول پورے اسلامی معاشرے اُتے پھیلا لیے تے ساڈا بھائی چارہ مکمل ہو جائے۔ کسے مسلمان نول ساڈے کولوں تکلیف نہ پہنچے۔ ہر مومن دو بے مومن بھائی دی سلامتی لئی کم کرے، تے کیا امن قائم ہووے، کیہو جیہا مثالی معاشرہ بنے، تے کس طرح ہر پاسے پیار محبت کے بلغم بچھے رکھرے چھلے نظر آؤن۔

ساڈے سرکار ﷺ نے فرمایا، مسلمان اوہ ہے جمدی زبان تے ہتھ توں کسے مسلمان نول تکلیف نہ پہنچے (بخاری۔ کتاب الایمان۔ باب المسلم من سلم المسلمین من لسانہ ویدہ۔ حدیث ۹) حضرت انس بن مالک توں روایت اے۔ سرکار ﷺ نے فرمایا، اک دوجے نال بغض تے حسد نہ رکھو، دشمنی نہ کرو۔ اللہ دے بندو! بھراواں طرح رہو، نالے اک مسلمان واسطے جائز نہیں کہ اوہ اپنے مسلمان بھائی نال تن دن توں ودھ ناراض رہوے (مسلم۔ کتاب البر و الصلۃ و اللادب۔ باب تحريم التماسد و التبغض و التداير۔ پہلی تے پھیویں حدیث) ایس تو اگلے باب ”الشقاء“ وچ اے کہ جو کوئی اپنے بھرا نال بغض رکھدا اے، اوہدی بخشش نہیں ہوندی (پہلی حدیث)

حضرت ابو ہریرہؓ توں روایت اے، حضور رسول اللہ ﷺ نے فرمایا، حسد توں بچو، کیوں جے حسد نیکیاں نول ایس طرح کھا لیندا اے، جس طرح اک لکڑی یا گھاہ نول کھا لیندی اے (سنن ابو داؤد۔ کتاب اللادب۔ باب فی الحسد۔ حدیث ۱۳۷۲)

مطلب ایہ ہے کہ اک دوجے کولوں دور نہ ہونا۔ اک دوجے لئی محبت نول ودھاؤ، سلام نول پھیلاؤ، دلوں بجانوں سب مسلمان آپو دوج سلامتی تے بھائی

چارے دا تعلق بناؤ۔ اک دوجے نال بغض، حسد نہ کرو۔ محبتاں ودھاؤ۔ اسلام ایہو ای اے۔

مسلمان دی جان، مال تے عزت آبرو

حضرت ابو ہریرہؓ فرماتے نیں۔ ساڈے سرکار ﷺ نے فرمایا ”حسد نہ کرو، بغض تو بچو، اک دوجے نال دشمنی نہ کرو۔ اک دوجے دے بھرا بن جاؤ۔ ہر مسلمان دوجے مسلمان دا بھائی اے۔ نہ اوہ اوہدے اُتے ظلم کرے، نہ اونہوں ذلیل کرے، نہ اونہوں حقیر تے ہینا سمجھے۔“ حضور ﷺ نے اپنے سینے ول اشارہ فرما کے کیا، تقویٰ تے پرہیزگاری اتھے ہے۔ مطلب ایہ کہ جے دل صاف نہ ہووے، تے کچھ وی نہیں۔ فیر حضور پاک ﷺ نے فرمایا ”مسلمان دیاں ساریاں شیواں دوجے مسلمان اُتے حرام نیں۔ اوہدا خون، اوہدا مال، اُتے اوہدی عزت آبرو۔“ (مسلم۔ کتاب البر و الصلۃ و اللادب۔ باب تحريم ظلم المسلم و خذله۔ پہلی حدیث / سنن ابو داؤد۔ کتاب اللادب۔ باب فی الغیث۔ حدیث ۱۳۵۳)

عمر بن اخطبؓ کہندے نیں، میں حجتہ الوداع دے موقع تے حضور ﷺ نول لوکاں نول ایہ فرماتندیاں سنیا کہ حج اکبر دا دن اے۔ بے شک تہاڈے خون، تہاڈے مال تے تہاڈیاں عزتاں ایسے طرح حرام نیں جس طرح حج دا دن حرام اے۔ سن لو، انسان دے جرم دا وبال اوہ تے ای اے۔ نہ پوتے ہے، نہ اولاد تے (جامع ترمذی۔ ابواب الفتن۔ باب ما جاء فی تحريم الدماء و الاموال۔ حدیث ۳۱)

حضور پاک ﷺ دے ایس ارشاد اندر، 'بیرہ آپ سرکار ﷺ نے کئی موقعیں تے ارشاد فرمایا، 'اسلامی بھائی چارے دی پوری تفصیل آگئی اے۔ آپ ﷺ نے مسلمان دے مسلمان اُتے حق دی وضاحت فرمادی اے۔ وہاں دے اک دوجے اُتے کجھ حق نہیں، اتے کجھ ذمے داریاں نہیں۔ ایس ارشاد اندر ایہ گل کھل گئی کہ اسلامی بھائی چارے دی پینہ کیہ اے۔ اسان کنھیاں گلاں ول پوری توجہ دینی اے۔ جے کوئی مسلمان دوجے مسلمان بھائی اُتے ظلم کروا اے، اوہوں قتل کروا اے، اوہدا مال و لھیت لے جاندا اے، اوہدی عزت آبرو نوں جتھ پاند اے، تے فیر اوہ کیہو جیہا مسلمان اے۔

مسلمان مسلمان نوں ذلیل کرے تے اوہ اللہ رسول ﷺ دے حکم دی خلاف ورزی کروا اے۔ جے اوہ مسلمان بھائی دی پردہ پوشی نہیں کروا، اوہدے عیب نہیں لکاوندا، تے اوہدا اسلام دا دعویٰ بے دلیل اے۔ جے کوئی مسلمان دوجے مسلمان بھائی دی جان دا لاگو ہویا اے، تے اوہ اللہ رسول ﷺ نال لڑن لگا اے۔ جے اوہوں اپنے دینی بھائی دی عزت آبرو دا خیال نہیں، تے اوہ اصل وچ اپنی عزت آبرو گنوا لئی بیٹھا اے۔

اسیں اسلامی بھائی چارے دیاں گلاں کردے رہندے آں، 'ایہدیاں چٹکیائیاں وی رگنؤندے نظر آونے آں، پر اصل سوال ایہ اے کہ ایس سلسلے وچ جو حکم قرآن تے حدیث وچ دتے گئے نیں، اوہناں تے عمل دی کرنے آں یا نہیں۔ ساڈے وچوں ہر بندہ جے دوجے نوں ذلیل کرن تے تلیا بیٹھا اے، اسیں اک دوجے دی عزت دے سانجھے نہیں، اک دوجے نوں وڈھن مارن دیاں نیٹیاں

لئی پھرنے آں، اک دوجے دا مال دھر کرن دیاں تدبیراں سوچدے رہنے آں، تے فیر ساڈا اسلام چھڑائیاں دا ای اسلام اے۔ وچوں گل کوئی نہیں۔

گواہنڈیاں نال سلوک

نور نبی ﷺ دیاں کرنیاں نے اپنے آل دوالے نوں زیادہ منور، زیادہ روشن کرن دا راہ دکھایا اے۔ ماں پچ سب توں نزدیکی رشتہ اے، ایس رشتے دا خیال ساریاں رشتیاں توں پہلوں، تے ساریاں توں ودھ کرنا ضروری اے۔ 'نہج تے' اسلام وچ ہر مومن دوجے مومن دا بھائی اے، اتے بھرا بھرا دا رشتہ بڑا ڈوبنگا تے قریبی اے۔ پر بھرا گواہنڈی دی ہووے، تے تعلق زیادہ پکا ہو گیا۔ گواہنڈی مسلمان نہ وی ہووے تے اوہدا خیال رکھنا، اوہدے کم اوہنا، اوہدے نال لڑائی نہ کرنا، اوہدیاں حاجتاں ضرورتاں دا دھیان رکھنا اسلام دی تعلیم پاروں، بہت ضروری اے۔

ابو شریحؓ کہندے نیں، 'سرکار ﷺ نے فرمایا، 'رب دی سونہ! اوہ ایمان والا نہیں۔ ایہ گل حضور پاک ﷺ نے تن واری فرمائی۔ پچھیا گیا یا رسول اللہ ﷺ کون؟ فرمایا، 'جدا گواہنڈی اوہدی شرارت، اوہدی زیادتی توں بچیا نہ رہوے (بخاری)۔ کتاب الادب۔ باب نمبر ۵۸۵۔ حدیث نمبر ۹۵۴ / سنن ابن ماجہ - ابواب الادب - باب حق الجوار - حدیث ۵۶۲ / ریاض الصالحین - باب فی حق الجار والوصیۃ بہ - حدیث ۳۰۶) بخاری شریف وچ ایس توں بعد، کئی حدیثاں ایسے موضوع اُتے جمع نیں۔ فرمایا، 'بیرہ اللہ اُتے قیامت اُتے یقین رکھدا اے، اوہ اپنے گواہنڈی نوں نہ ستائے، اوہدی عزت کرے۔ فرمایا، کوئی مسلمان زنانی کسے گواہنڈی دی عزت وچ

کی نہ کرے، بھانویں اوہدی گواہنڈن بکری دے کھورگی ہووے (حدیث ۹۵۵۔
۹۵۷ / کتاب الرقاق۔ حدیث ۱۳۹۵)

حضرت ابوذر غفاریؓ نوں سرکار ﷺ نے فرمایا، توں گوشت
پکاویں تے اوہدے وچ شورا ودھ کر تے اپنے گواہنڈیاں دا خیال رکھ۔ (مسلم
- کتاب البر والصدق والادب۔ باب الوصیۃ بالجار۔ دوجی تے تہی حدیث) مطلب
ایہ پئی چنگی شے پکاؤ تے اپنی کوودھیک پکاؤ کہ اپنے گواہنڈیاں نوں وی اوہدے
وچ شامل کر سکو۔ اُمّ المؤمنین عائشہ صدیقہؓ دا بیان اے، حضور پاک ﷺ
نے فرمایا، مینوں ہمیشہ حضرت جبرئیل ہمسائے نال چنگا سلوک کرن دی اہمیت
دسدے رہے۔ ایس زور نال، پئی شک پین لگ پیا کہ رب گواہنڈی نوں وراثت
وچ دی شریک کر دے گا (مسلم۔ اخلا حوالہ۔ پہلی حدیث / سنن ابن
ماجمہ۔ ابواب الادب۔ باب حق الجوار۔ حدیث ۵۶۳ / سنن ابو داؤد۔
کتاب الادب۔ باب فی حق الجوار۔ حدیث ۱۷۱۰، ۱۷۱۱ / مؤطا امام محمد۔
ابواب السیر۔ باب حق الجار۔ حدیث ۹۳۲ / ریاض الصالحین۔ باب فی
حق الجار والوصیۃ بہ۔ حدیث ۳۰۴)

حضرت عمر فاروقؓ نے حضرت جابر بن عبد اللہؓ نوں دیکھیا کہ اوہناں
دے نال اک بندہ گوشت چکی لئی جا رہیا اے۔ پچھن تے اوہناں دسیا، جے
گوشت کھان نوں دل کروا سی، میں خرید کے گھر لے چلیاں۔ حضرت عمرؓ نے
فرمایا، تماڈے چوں کوئی بندہ ایہ نہیں چاؤ ہندا کہ اوہ اپنے گواہنڈی، یا اپنے کسے
چاچے دے پتر خاطر ہکھ برداشت کر لے (مؤطا امام مالک۔ کتاب
صفة النبی ﷺ۔ باب ماجاء فی اکل اللحم۔ حدیث

۱۶۹۷) منظور احمد سیالکوٹی ایس حدیث دی تشریح وچ لکھدے نیں کہ حضرت عمرؓ
شاید ایہ دُنا چاؤ ہندے نیں کہ نفس دی ہر خواہش نوں پورا کرنا، اُتے چنگیاں
چنگیاں شیواں کھان دی کوشش کرنا چنگا نہیں۔ دوجیاں دا خیال رکھنا، اُتے اپنا
مَن مار کے، کسے دوجے نوں (جمدے وچ گواہنڈی تے رشتہ دار دی پہل اے)
چنگی شے کھاؤنا پکے مومن داکم اے۔ (بغیۃ المتالک۔ جلد دوم۔
لاہور۔ سن۔ ص ۵۹۱، ۵۹۲)

حضور پاک ﷺ دے کافر گواہنڈی، کتے وچ آپ ﷺ
نوں تکلیف پہنچاندے سن۔ بیہقی وچ اے کہ حکم بن ابی العاص آپ
ﷺ دی مجلس وچ ہمہ کے ناماں پُھلاند، اُتے منہ پھرکا کے، اکھاں نال
منافقان نوں اشارے کردا سی۔ انساب الاشراف وچ اے کہ ایہ حضور پاک
ﷺ دے پچھے رُ کے نکلاں لاہندا سی۔ کتاب المجر
استیعاب، اصابہ فی تسمیۃ الصحابہ اُتے اُسدا الغابہ فی معرفۃ الصحابہ وچ
ہے کہ حضور ﷺ نوں تکلیف پہنچاند سی، مذاق نہیں سی اؤندا۔
(جوامع السیرۃ۔ ابن حزم ظاہری۔ ص ۶۵، ۶۶)

ابن الاصل ہذلی ایہو جیہا گواہنڈی سی جو حضور پاک ﷺ دے گھر
گند مند گٹ دیندا سی۔ حضور ﷺ گندگی سوئی نال اک پاسے کر کے،
بُوہے تے کھلوندے تے بس ایہو ای فرماؤندے سن۔ عبد مناف دیو پتر دا ایہ کیہو
جیہا گواہنڈ اے؟ (مختصر سیرۃ الرسول ﷺ۔ ص ۲۲۰)
ایہناں توں اُو، عدی بن حمر ثقفی، ابولہب، عقبہ بن ابی معیط وی حضور
ﷺ دے ایہو جیہے بھڑے ہمسائے سن (معارج النبوت۔ جلد دوم۔

ص ۱۱۰ / نور بخش توکلی۔ سیرت رسول عربی ﷺ۔ ص ۴۳ / مدارج النبوت۔ جلد دوم۔ ص ۹۲ / أسد الغابہ۔ جلد ۱۰۔ ص ۱۰۳ / ابن سعد نے ایسویہ (۲۰) ہندیاں داناں لکھیا اے (طبقات ابن سعد۔ حصہ اول۔ ص ۲۹۹)

اپنے گندے کردار دے باوجود حضور پاک ﷺ نے اینٹاں پتھریاں ہندیاں دے نال وی ہمیشہ چنگا ای سلوک کیتا۔ اتے بس ویسے اوہناں دیاں زیادتیاں بہت ودھ گئیاں، فیروی صرف اینٹاں ای فرمایا کہ دیکھو، ایہ کوئی چنگا گواہندتے نہ ہویا نا!

اپنے توں اُچے توں دیکھو، تے نیویں ول نگاہ دوڑاؤ

حضرت ابو ہریرہؓ توں مروی اے، حضور رسول اللہ ﷺ نے فرمایا، تمناؤ وچوں جیہڑا اپنے توں چنگے ول دیکھے، اوہ اوہے ویلے اوہناں ول نظر لے، پیرے اوہدے توں بچنے، ماڑے تے نیویں نہیں (بنغازی۔ کتاب الرقاق۔ باب ۸۳۶۔ حدیث ۱۲۱۰)

حضور پاک ﷺ دے کسے اک ارشاد توں وی لے لیتے تے اوہدے اندر حقیقتاں تے معیناں دے سمندر لکے ہوئے ہوندے نہیں، برکتاں اتے خوبیاں دا اک سلسلہ نظر اوہدا اے۔ اج ساڑے آلے دوالے دا ہر بندہ راتوں رات امیر بن دے چکر وچ اے۔ انسانیت والیاں گال پڑانیاں ہو گئیاں نہیں، ڈیوائی اتے عزت دا معیار صرف دولت بن کے رہ گئی اے۔ جمدے کول پیہ اے، اوہ پڑھیا لکھیا ہووے نہ ہووے، اخلاق اوہدے چنگے ہون نہ ہون،

شرافتاں نال اوہدا کوئی واسطہ ہووے نہ ہووے، خاندانی طور تے، ذہنی لحاظ نال اوہ جتان وی گیا گزریا ہووے، اوہ عزت لائق اے۔ سوچ دی ایس منج نے دولت لٹن اتے راتوں رات امیر بن دیاں خواہشاں نوں اہمیت دے دتی اے۔ جمدے کول اک کار ہے، اوہ دو کاراں والیاں کولوں مڑدا اے۔ جو دو کوٹھیاں دا مالک اے، اوہ چار کار خانیاں والے ول نکدا اے۔ جمدے کول کچھ وی نہیں، یا گھٹ اے، اوہ اینٹاں ساریاں دا دشمن اے۔ ہر بندے دیاں نظراں اپنے توں ”وڈے“ ول ای اٹھدیاں نیں۔ نالے، رشک نال نہیں، حد نال اٹھدیاں ہیں۔ فلاناں جو کچھ اے، میں کیوں نہ بناں۔ اوہدے کول جتان کچھ اے، میں کس طرح حاصل کراں۔

ایسے خاطر بے ایمانیاں ہوندیاں نیں، ملاوٹ کیتی جاندی اے، رشوت دے بازار سجدے نیں، دیانت اُڈی جاندی اے، چوری ڈاکے دودھ دے نیں پئے۔ نالے اینٹاں چوریاں ڈاکیاں دا رخ ملک دی کمائی ول وی ہویا ہویا اے۔ حضور پاک ﷺ نے اینٹاں ساریاں جُریاں اگے اک ارشاد نال دکلا دتا اے۔ اسیں آپ سرکار ﷺ دی ایس اک ہدایت اتے عمل کر لے، تے سارے پواڑے مک جان، ساڈیاں سوچیاں دی منزل مقرر ہو جائے، اتے معاشرے وچ گواچیاں ہویاں ساریاں قدراں نویں ہر توں زندہ ہو جان۔

اپنے توں اُچے توں دیکھ کے، اوہے ویلے اپنے توں نیویں توں دیکھن نال ایہ احساس پیدا ہو جائے گا کہ اوہدے توں گھٹ پیسے والے، گھٹ وسیلے والے، گھٹ شکل صورت والے، گھٹ حیثیت والے وی تے دنیا تے لگے پھردے نیں۔ ایس طرح صبر، قناعت دی صفت پیدا ہووے گی، تے بڑیاں

ساریاں خرابیاں ختم ہو جان گئیں۔

اپنے توں کمزور نظر کرن دا اک مطلب اسلام وچ ایہ وی اے کہ تئیں اوہدی مدد کرو۔ ہر بندہ جس ویلے اپنے توں رہینے کمزور تے کم حیثیت ول نگاہ دوڑائے گا طبعی آتے طبیقات دی جنگ داناں نشان نہیں لگا۔ رقابتاں دشمنیاں ختم ہون گئیں اتے محبتاں ودھ جان گئیں۔

دولت مندی کیہ اے؟

حضرت ابو ہریرہؓ توں روایت اے، حضور پاک ﷺ نے فرمایا، مال اسباب زیادہ ہونا دولت مندی نہیں۔ اصل دولت مندی دل دا غنی ہونا اے۔ (بخاری - کتاب الرقاق - باب الغنی غنی النفس ۸۲۱ - حدیث ۱۳۶۶ / جامع ترمذی - ابواب زہد - باب ۱۹۹ - حدیث ۲۵۶)

میں شروع وچ عرض کر چکیاں کہ حضور پر نور ﷺ نے ساری حیاتی تجارت کیتی، ایس راہیں کمایا تے غریباں، مسکیناں، یتیمیاں تے خرچ کر دتا۔ آپوں دو کھجوریں کھا کے رات کڈھ لئی، اپنے گھر کئی کئی دن چلھا نہیں سی بلدا، آپ غریبی نوں اختیار کیتی رکھدے سن۔ حضور پاک ﷺ نے ساناں وی ایہ سبق دتا کہ دولت مندی تے غریبی دا فرق سمجھ لو۔ دنیا ایہ کمندی اے کہ جمدے کول مال اسباب ہے، دولت اے، ہر طرح دے عیش داسلمان اے، اوہ امیر اے، دولت مند اے۔ اتے جمدے کول دولت نہیں، یا گھٹ اے، اوہ غریب اے۔ پرچ ایہ اے کہ جے دل امیر اے، تے بندہ امیر اے۔ دل امیر نہیں، تے بندہ ہندیایں ہندیایں وی غریب ای اے۔

تئیں اپنے آلے دوالے دیکھ لو۔ جمدے کول مال اے، اوہ دولت دا ٹھکھا دکھائی دیندا اے۔ اپنے توں ودھ دولت والے اوہدی نگاہ وچ رزکدے نہیں۔ اوہ سوچدا اے، اتجے تے میرے کول صرف نو فیکٹریاں نیں، ۲۹ ہونیاں چاہی دیاں نیں۔ اصل وچ اوہ بندہ دنیا دا فقیر بن جاندا اے، اوہدی حرص دا ٹھوٹھا ”هَلْ مِنْ مَّزِيدٍ“ دا نعرہ لاؤندا اے۔

جیہڑا بندہ دل دا غنی اے، اوہنوں مال اکٹھا کرن دی لوڑ نہیں پیندی۔ اوہنوں تجارت لئی مال ذخیرہ کر کے منگوا پچن دی کیہ لوڑ اے۔ اوہ ناپ تول وچ کمی کیوں کرے گا۔ ناجائز کمائی ول اوہدا دھیان ای کیوں جانا ایں۔ اوہنے ملاوٹ کر کے لوکاں دیاں جاناں نال کیوں کھینڈنا ایں۔ فیر، اوہ زکوٰۃ دے گا، صدقہ خیرات کرے گا۔ مایاں دا، عزیزاں رشتے داراں دا، گواہنڈیاں دا خیال رکھے گا، غریباں مسکیناں دی مدد کرے گا۔ تے، ایس طرح اوہ مثالی اسلامی معاشرہ قائم کرن وچ اپنا حصہ پائے گا، جیہڑا اللہ تے اوہدے رسول پاک ﷺ دی خواہش اے۔

اوہدے مقابلے وچ جیہڑا بندہ دنیا کمان لگا ہووے، اوہدے دن رات تے ایسے سوچ وچ لنگھدے نیں کہ کس کس ذریعے نال رکناں ودھ توں ودھ کما سکناواں۔ ایس کمائی دے جائز ناجائز ہون دا خیال وی اوہنوں نہیں اوندا۔

دل دا غنی دنیا دے اسباب نوں کجھ نہیں سمجھدا۔ اوہدے کول دولت آ گئی اے، اوہنے ونڈ دتی۔ اوہدے کول دولت نہیں تے کوئی گل نہیں۔ اوہ اپنے توں کمزور ول دیکھ کے توکل تے قناعت نال کم لے لئے گا۔ دل دا غنی ہونا انسان نوں ہر کمزوری توں بچا لیندا اے۔ حد اوہدے نیڑے نہیں آ سکدا۔ بخیلی تے

حرص اوہدے کولوں دی نہیں لنگھدے۔ اوہو بندہ اصل وچ رب کریم تے اوہدے محبوب پاک ﷺ دی خواہش دے مطابق اک چنگا محبت بھریا معاشرہ قائم کرن وچ اپنا حصہ پا سکدا اے۔ اللہ تعالیٰ سناوے دل دی دولت مندی نصیب فرمائے۔

سخاوت

حضور پاک ﷺ دی سخاوت وی آپ ﷺ دیاں دوجیاں صفات موجب ایسی سی کہ کوئی دوجا قیامت تیکر او تھوں تیک نہیں اپڑ سکتا۔ آپ ﷺ سب توں ودھ نخی سن۔ حضرت جابرؓ فرمادے نیں، حضور پاک ﷺ کولوں جدوی کسے نے کوئی سوال کیتا، آپ ﷺ نے جواب وچ کدے ”نہیں“ فرمایا۔ (بخاری۔ کتاب الادب۔ باب ۵۹۵۔ حُسن الخلق والتقاء۔ حدیث ۹۷۱ / مسلم۔ کتاب الفضائل۔ باب فی سخاۃ۔ پہلی حدیث / ریاض الصالحین۔ باب فی الکرم والجود والافتاق فی وجوہ الخیر لثقتہ باللہ تعالیٰ۔ حدیث ۵۳۶)

حضرت عبداللہ بن عباسؓ (رضی اللہ عنہما) توں روایت اے کہ سرکار ﷺ ساریاں لوکاں توں ودھ نخی سن۔ اُتے ساریاں وقتاں توں ودھ سخاوت آپ ﷺ دی، رمضان دے مہینے وچ ہندی سی (مسلم۔ کتاب الفضائل۔ باب جوہرہ ﷺ۔ پہلی حدیث) حضرت انسؓ بن مالکؓ فرمادے نیں، حضور ﷺ کولوں کسے بندے نے اوہ ساریاں بکریاں منگیاں جو دو پہاڑاں وچکار سن۔ آپ ﷺ نے اوہنوں عطا فرمادیاں۔ اوہ اپنی قوم کول

گیا۔ کہن لگا، رب دی سوندا! محمد ﷺ ایناں کجھ دیندے نیں کہ اوہناں توں اپنی غریبی، محتاجی دا ڈر وی نہیں ہندا۔ اوہدے قبیلے دے سارے بندے مسلمان ہو گئے۔ (مسلم۔ کتاب الفضائل۔ باب فی سخاۃ۔ تہجی تے چوتھی حدیث / مرآت المناجیح (مکلوۃ المصاحح) دا اردو ترجمہ تے تشریح از مفتی احمد یار خاں نعیمی)۔ گجرات۔ س ن۔ ص ۶۹ / التہانی، یوسف بن اسماعیل۔ شقائق الرسول ﷺ۔ اردو ترجمہ ”وسائل الوصول“ از محمد میاں صدیقی۔ المعارف لاہور۔ ۱۹۷۲ء۔ ص ۱۳۳)

حضرت ابوذر غفاریؓ بیان کردے نیں کہ میں حضور پاک ﷺ دے تل سلاں۔ آپ ﷺ نے اُحد پہاڑ ول ویکھ کے فرمایا کہ جے ایہ پہاڑ سوئے دا بن جائے، تے میں بتاں دتاں وچ سارا سونا وڈندیاں۔ اُتے اک دینار وی اپنے کول نہ رہن دیاں۔ ایہو ای گل عبید اللہ بن عبد اللہ بن عتبہؓ نے دی روایت کیتی اے (بخاری۔ کتاب الاستقراض۔ باب ۱۳۸۶۔ حدیث ۲۲۲۲) (۲۲۲۳)

آپ سرکار ﷺ دی سخاوت وا ایہ حال سی کہ آپ ﷺ نے فرمایا، میں مسلماناں دا، اوہناں دی جان توں ودھ مالک تں۔ تے راہ بندہ مر جائے، اوہدے اُتے قرض ہووے، تے اوہنے اوس قرض توں ادا کرنا لئی کجھ نہ چھڈیا ہووے، اوہ اسیں ادا کراں گے۔ تے اوہ جو مال چھڈے، اوہ اوہدیاں، ارثاں دا اے (بخاری۔ کتاب الفرائض۔ باب ۹۲۱۔ حدیث ۱۶۳۶ / باب ۹۳۲۔ حدیث نمبر ۱۶۵۰ / کتاب الاستقراض۔ باب ۱۳۹۳۔ حدیث ۲۲۲۳)

ساڈے سرکار ﷺ دی سخاوت ایسی سی کہ کسے نہ ویکھی نہ سنی۔

اپنے کول کچھ نہ رہن دینا، تے سب کچھ وُٹھ دینا۔ اوتھوں تیک تے کوئی وی نہیں اپڑ سکدا۔ پر سانوں اوس راہے چلنا تے ضرور چاہی دا اے۔ **شعائیں ترمذی** وچ اے، حضرت عمر بن خطابؓ فرماوندے نیں، اک آدمی نے بارگاہے حاضر ہو کے کچھ منگیا۔ سرکار ﷺ نے فرمایا، ایس ویلے میرے کول کچھ نہیں۔ توں میرے نال تے قرض لے لے، میں لاہ دیاں گا۔ (**شعائیں ترمذی** - باب ۳۸ - اخلاقِ حسنہ - تیرھویں حدیث) دنیا دا وڈے توں وڈا سخی، وڈھ توں وڈھ ایہ کر سکدا اے کہ جو کچھ اوہدے کول اے، سارا ای رب دے راہ وچ دے دے۔ پر آپ سرکار ﷺ اپنے نال تے قرض لین واسطے فرما رہے نیں۔

دنیا وچ جتنے سخی نیں، اوہناں دیاں چار پنج قسمیاں ہندیاں نیں۔ کچھ لوکی دوجیاں عییاں نوں دیکھ کے متاثر ہوندے نیں تے ایس راہے ٹرچندے نیں۔ کچھ بندے اوہ پُندے نیں جیہڑے غیر قانونی تے غیر اخلاقی (یا غیر اسلامی) ذریعیاں نال کماندے نیں، تے کدی کدی ایہدے نال، کچھ اخلاقی بُریائیاں وچ پھنسے ہوئے ہندے نیں۔ اوہناں دا ضمیر اوہناں نوں اندروں چوہنڑاں لاندرا رہندا اے، تے اوہ اپنی ناجائز کمائی دا کچھ حصہ غریباں مسکیناں نوں دے کے اپنے کردار نوں ”بیلنس“ کرن دے دھوکے وچ مبتلا ہوندے نیں۔

اج کل چور بازاری، سہلنگ، سٹہ، جوئے بازی، اجارہ داری، سود تے ہو ر کئی ناجائز تے حرام ذریعیاں نال کماؤن والے بندے، نیکی وچ اگے اگے نظر اوندے نیں۔ میسٹاں اُتے زیادہ تر پیسہ ایسے حرام کمائی دا لگ رہیا اے، کوئی مولوی کدے کسے بندے کولوں ایہ پچھن دی جُرات نہیں کردا کہ اوہ جیہڑا پیسہ

میسٹ نوں یا چُپ کر کے مولوی دے بوجھے وچ پارہیا اے، اوہ کھلیا کس طرح گیا اے۔ ایہو جیسی کمائی یا سخاوت دا ذکر حضور پاک ﷺ دی سخاوت دے تذکرے وچ کرنا تے نہیں چاہی دا۔ صرف ایس لئی کیتا جا رہیا اے کہ اسیں اپنے کردار تے جھات نال نال پاندے رہیے۔

بعض لوکی ایس لئی سخاوت کردے نیں کہ اوہناں نوں ایس گل دا بڑا احساس ہندا اے کہ اوہ امیر نیں، تے چھوٹے لوگ، غریب بندے اوہناں دی سخاوت توں فائدہ چک کے اوہناں دی وڈیائی مُن گے، نالے اوہناں لئی دعوواں کرن گے۔ ایہ وی تکبر دی اک قسم اے جیہڑی اللہ تے رسول ﷺ نوں چنگی نہیں لگدی۔ کئی بندے نیکی کر کے، کسے چنگے کم تے خرچ کر کے اوہدی رنج کے ”پہلشی“ کردے نیں۔ سگوں جتنے پہلشی نہ ہو سکدی ہووے، اوتھے خرچ ای نہیں کردے۔ اوہناں نوں قیامت والے دن کچھ وی نہیں بھندا۔

اج کل سخاوت دی اک کمزوری ایہ وی اے کہ اوہناں لوکاں نوں فائدہ اٹھاؤن ویٹے جنھیں نال کدے کم پئے سکدا اے۔ مثلاً اوس حلقے وچ نیکی دے کم کرنے، سخاوت کرنی، جتنوں بعدوں ووٹ منگئے ہون۔

فیر، اج دے عییاں دی ایہ عادت مستقل نہیں ہندی۔ کدے کوئی پوڑی پے گئی، کوئی غم دکھ آگیا، کوئی بیمار پے گیا، پیدا ای ہستی ہو گئی تے وقتی تے عارضی طور تے سخاوت دا بھس پورا کر لیا۔

ایہ ساریاں صورتیاں پسندیدہ نہیں۔ نالے، حضور پاک ﷺ دی سُنّت ایہ اے کہ جو کچھ ہووے، وُٹھ دیو، آپ دو کھجوراں کھا کے رات کڈھ لو۔ کماؤ رنج کے، پر سارا وُٹھ دیو، آپ فقر اختیار کر لو۔ کوئی ہے جیہڑا سرکار

صَلَّى عَلَيْهِ وَسَلَّمَ دِی اِیْس سُنَّت نال محبت داد دعوے دار ہووے۔

نہ بخیلی، نہ اِسراف

اللہ تعالیٰ نے خرچ بارے ایمان والیاں نوں بے جا خرچ کرن توں وی منع فرمایا اے، اتے بخیلی دی وی بڑی بُندیا کیتی اے۔ فرمایا۔ ”بے جا خرچ نہ کرو۔ ایس طرح خرچ کرن والے اللہ نوں چنگے نہیں لگدے“ (الانعام- ۱۳۱:۱۳۶ / اعراف- ۳۱:۷۷) ”نالے جیہڑے بخل کردے نیں، اوس شے وچ جیہڑی رب تعالیٰ نے اوہناں نوں اپنے فضل نال دتی۔ بخیلی نوں قطعاً“ اپنے لئی چنگانہ سمجھن۔ ایہ اوہناں لئی برا اے۔ جس شے وچ اوہناں بخیلی کیتی، قیامت والے دن اوہ شے اوہناں دے گلے دا طوق بن جائے گی۔ (آل عمران- ۱۸:۳)

مطلب ایہ اے کہ اُپر جنھال دو کمال دا ذکر خرچ بارے کیتا گیا اے، دونوں اللہ تعالیٰ نوں پسند نہیں۔ ایسے لئی حضور پاک صَلَّى عَلَيْهِ وَسَلَّمَ نے فرمایا (مشکوٰۃ المصابیح بحوالہ بیہقی) کہ خرچ وچ میانہ روی اُوھی معیشت اے۔

اج کل معیشت تے اقتصادیات پوری دنیا لئی مسئلہ بنی ہوئی اے۔ ایسوں تیک کہ دنیا دے مسلمان ملک وی ہن کسے یہودی یا عیسائی دانشور دی سوچ اُتے چلن دے چکر وچ پئے ہوئے نیں۔ ایہ مصیبت ایس لئی آئی ہوئی اے کہ ایسین خدا تے رسول صَلَّى عَلَيْهِ وَسَلَّمَ دیاں حکماں توں دور آں۔ جس دین وچ کمائی دے وی طریقہ دتے گئے ہون، خرچ کرن دیاں وی حدواں مقرر ہون، اوتھے تے کوئی مسئلہ پیدا ای نہیں ہو سکدا۔ پر ایسین مغرب دیاں طاقتاں تھلے لگے ہوئے آں۔ اوہناں سانوں اپنے سرمایہ داری نظام وچ جکڑ کے بے بس کر دتا

ہویا اے۔

جیہڑا معاشرہ خرچ وچ میانہ روی اختیار کرے۔ نہ کھلا خرچ کرے، نہ بخل کرے، اوہدی اقتصادیات نوں بکدی کوئی مسئلہ پیدا ای نہیں ہندا۔ حضور پاک صَلَّى عَلَيْهِ وَسَلَّمَ نے فرمایا، جس بندے ضروری حقوق پورے کرن گیاں بخیلی توں کم لیا، اوہ جس ویلے ہلاک ہووے گا، اوہدا مال اوہدے کسے کم نہیں اونا (ریاض الصالحین۔ الباب فی التَّصَبُّعِ عَنِ الْبُخْلِ۔ پہلی حدیث)

سَدھ ہی گل ایہ ہے کہ جس ویلے ساڈی آمدن دے ذریعے وی ٹھیک ہون، ایسین اللہ تے رسول صَلَّى عَلَيْهِ وَسَلَّمَ کے حکم موجب کمائی وی حلال طریقے نال کریے، تے اُوھی معیشت تے سَدھ ہی ہو گئی۔ جد خرچ وچ ایسین میانہ روی اختیار کر لئی تے باقی اُوھی معیشت ایس طرح سَدھ رہ گئی۔ فیر، کسے اسلامی معاشرے نوں کسے طرح دیاں مالی مشکلاں پیدا ای نہیں ہو سکدیاں۔ ایہو ای طریقہ ہر بندے کا الگ الگ وی ہے۔ اللہ نہ فضول خرچی نوں پسند فرماؤندا اے، نہ بخیلی نوں۔

اسلام وچ نہ تے خرچ وچ کنجوسی توں کم لین دی، اتے دولت اکٹھی کرن دی اجازت اے، نہ غرور اتے شان شوکت ظاہر کرن لئی، نالے عیاشی دی خاطر تے دوجیاں ناجائز طریقہاں وچ خرچ کرن دی گنجائش اے۔ اپنی ذات اُتے، اپنے بال بچے لئی، اپنے رشتے داروں واسطے، گواہنڈیاں، یتیمناں، مسکیناں، مسافراں تے قرض داراں لئی خرچ کرنا اسلام دی مَرُونال جائز بلکہ ضروری اے۔ فردی، اتے معاشرے دی، ہر جائز ضرورت لئی خرچ کرنا جائز اے۔

جے ایسین اپنے خرچ اخراجات نوں اعتدال وچ لے آویے۔ جتھے

ضروری اے، اوتھے خرچ کرن توں نہ بھکیے، تے جتھے مناسب نہیں، اوتھے بالکل خرچ نہ کریے، نہ ساڈا گھر دا بجٹ، نہ ساڈے ملک دا بجٹ گھانے وچ جا سکدا اے۔

حضرت عبدالرحمان بن عوفؓ توں روایت اے، آپ سرکار ﷺ نے قناعت بارے فرمایا کہ جیہڑا بندہ لوکاں توں بے نیاز رہندا اے، اللہ اوہنوں بے نیاز ای کر دیندا اے۔ جیہڑا قناعت اختیار کردا اے، جو خدا دے دتے تے صبر شکر کردا اے، اللہ تعالیٰ اوہنوں قناعت نصیب فرما دیندا اے (الترغیب و الترہیب۔ زکی الدین عبدالعظیم المنذری۔ کتاب الصّدقات۔ اردو ترجمہ از محمد عبداللہ دہلوی۔ جلد دوم۔ لاہور۔ ۹۸۷ء۔ ص ۲۰۶، ۲۰۷) حضور ﷺ نے اوس بندے نوں کامیاب فرمایا اے جنھے اسلام قبول کیتا، اوہنوں ضرورت مطابق روزی مل گئی، تے خدا دے دتے اُتے اوہنوں صبر تے قناعت دی دولت لہج گئی (الترغیب و الترہیب۔ جلد دوم۔ ص ۲۰۹)

اللہ تعالیٰ نے مال اکٹھا کرن دی خواہش نوں ناپسند فرمایا اے، اُتے ایہدا انجام عبرت ناک دیا اے (التکلیف۔ ۱۵۰۲-۱۵۰۳)۔

اللہ کریم سانوں کمائی کرن تے خرچ کرن وچ میانہ روی دا راہ دکھائے تے صبر اُتے قناعت دی دولت عطا فرمائے۔ کہ ایسے راہیں اسیں لکے دوکے دی چنگے رہو اے گے، اُتے ملکی تے بین الاقوامی حیثیت وچ وی سانوں عزت لہجے گی۔

تجارت

نور نبی ﷺ دیاں کرنل نہیں ایمان والیاں دیاں زندگیاں دے ہر

پہلو، ہر شعبے نوں منور فرمایا۔ اسیں پسلاں لکھ چکے اں کہ حضور پاک ﷺ دے وڈیاں وی ساری حیاتی تجارت فرمائی۔ سرکار ﷺ دے دادا جان، ابا جان (رضی اللہ عنہما) وی عرب دے مشہور تاجر سن۔ چاچا ابو طالبؓ وی تجارت پیشہ سن۔ آپ ﷺ نے وی ساری زندگی عرب دے طریقے موجب تجارت ای فرمائی۔ حضور پاک ﷺ نے کمائی دے ایس طریقے دی تعریف وی فرمائی۔

عبداللہ بن عمر (رضی اللہ عنہما) توں روایت اے، حضور پاک ﷺ نے فرمایا، سچا، امانت دار اُتے سوداگر مسلمان قیامت والے دن شہیداں نال ہووے گا (مسند ابن ماجہ۔ ابواب التجارات۔ حدیث ۲۹۳)

تجارت وچ اجارہ داری اُتے ذخیرہ اندوزی اسلام دی روناں ممنوع نہیں۔ آج وی ساری تجارت ایہناں دو طریقیاں دے سر تے چل رہی اے۔ ایس لئی ایہدے غیر اسلامی تے ناجائز ہون وچ شبہ نہیں ہو سکدا۔ جیہڑے لوکی سونا چاندی تے مال اسباب جمع کردے نہیں، اُتے اپنی کمائی نوں اللہ دے راہ وچ خرچ نہیں کردے، اوہناں نوں اللہ کریم دردناک عذاب دی خبر سناؤندا اے۔ تے فرماؤندا اے کہ اوہناں دے جمع کیتے ہوئے مال نال اوہناں دے کتھے، اوہناں دے پاسے تے کنڈاں دا غیاں جان گیاں۔ تے فیر کیا جائے گا کہ لہو جوڑن پتین دا مزا چکھو (التوبہ۔ ۳۴: ۳۵)

حضرت عمرؓ توں روایت اے، حضور پاک ﷺ نے فرمایا، باہروں مال خرید کے لیاؤن والے نوں حلال روزی دتی جاوے گی، اوہنوں نفع ہوئے گا، برکت ہووے گی اُتے احتکار کرن والا (مال خرید کے ایس لئی ذخیرہ کرن والا کہ

منگا ہووے گاتے و پچاں گا) لعنتی اے (سُنن ابن ماجہ۔ ابواب التجارات۔

حدیث ۳۰۷ / مشکوٰۃ المصابیح۔ کتاب الیوم۔ باب الاحکار۔

حدیث ۲۷۶۸) بھیقی وچ حضرت معاذؓ دا بیان اے کہ میں حضور پاک ﷺ نوں ایہ فرمائیاں سنیا کہ ذخیرہ اندوز بھیرا بندہ اے کہ شے سستی ہو جائے تے پریشان اتے غمگین ہو جائدا اے، منگائی ہووے تے خوش ہوندا اے (

مشکوٰۃ المصابیح۔ کتاب الیوم۔ باب الاحکار۔ حدیث ۲۷۷۲)

حضرت انس بن مالکؓ فرماتے نیں، حضور پاک ﷺ کل واسطے کوئی شے جمع کر کے نہیں سن رکھدے (شمائل ترمذی۔ باب ماجاء فی خلق رسول اللہ ﷺ۔ بارہویں حدیث) حضور پاک ﷺ دے وارے وارے جائے۔ آپ سرکار ﷺ نے جیہڑا اصول تجارت واسطے مقرر فرمایا، تجارت دے بغیر اپنی عام زندگی پاک وچ وی اوہدے تے عمل فرمایا۔

سچ بولنا، تے جھوٹھ توں بچنا

نور نبی ﷺ دیاں کرناں نے دنیا اتے حق سچ دیاں عظمتاں روشن کیتیاں۔ حضور پاک ﷺ نے جس ماحول وچ اپنے بچپن، لڑکپن اتے جوانی دے دن گزارے سن، اوہ ماحول تے اوس دے وینک جاندا سن کہ آپ ﷺ نے زندگی وچ کدی جھوٹ نہیں بولیا۔ ایسے لئی جد آپ ﷺ نے نبوت دا اعلان فرمایا، اتے صفا پھاڑی تے اکٹھیاں کر کے حضور ﷺ نے جد لوکاں نوں فرمایا کہ چے میں ایہ کہو اں کہ ایس پہاڑ دے پرلے پاسیوں دشمن و لشکر تھڑے تے حملہ کرن لئی تیار کھلوتا اے، تے تھیں ایہ گل

مَن لو گے؟ سب نے اک زبان ہو کے کہیا کہ تھیں صادق امین او۔ کے بندے نے آج تیک تھڑے مومنوں کدے جھوٹھ نہیں سنیا، ایس لئی تھڑی گل نہ منن دا مطلب ای کوئی نہیں۔ (سیرت احمد مجتبیٰ ﷺ۔ جلد اول۔ شاہ مصباح الدین ثقلیل۔ ص ۲۱۵ / روضۃ الاحباب از جمال حسینی دار اردو ترجمہ "رسالت مآب ﷺ"۔ ص ۷۷)

سیرت پاک دیاں ساریاں کتاباں وچ لکھیا ہویا اے کہ حضور ﷺ نوں بچپن لڑکپن توں ای سارے بندے صادق تے امین کہندے سن۔ آپ ﷺ نے اپنے عمل نال وی، اتے اپنے فرماناں دے ذریعے وی ایمان والیاں نوں گھڑی گھڑی ایہو دیا پئی جھوٹھ نہ بولنا، ہمیشہ سچ توں کم لینا۔

سرکار ﷺ نے فرمایا، جھوٹھ توں بچو، کیوں جے جھوٹھ لے جائدا اے گناہ وے، تے گناہ لے جائدا اے جہنم وے۔ سمجھ لو، سچ بولنا لازمی اے۔ کیوں جے سچ لے جائدا اے نیکی وے، اتے نیکی لے جائدا اے جنت وے۔

(بخاری۔ کتاب الادب۔ حدیث ۱۰۲ / مسلم۔ کتاب البر و الصلۃ و الادب۔

باب فی الکذب و حسن الصدق و فضله۔ پہلی حدیث / سنن ابو داؤد۔

کتاب الادب۔ باب ۵۰۲۔ التشدید فی الکذب۔ حدیث ۱۵۵۳ / مؤطا امام

مالک۔ کتاب السلام۔ باب ماجاء فی الصدق و الکذب۔ حدیث ۱۸۱۳) سنن

ابو داؤد دیاں اگلیاں تن حدیثاں وچ وی ایہو مضمون بیان ہویا اے۔ اک وچ ہے

کہ لوکاں نوں ہساؤن لئی وی جھوٹھ نہ بولنا۔ اک وچ اے کہ سنی سنائی اگے چلا

دینی دی غلط اے۔ اک حدیث ایہ اے، عبد اللہ بن عامر کہندے نیں، اک دن

میری ماں نے مینوں بلایا، آمیں تینوں رتہی دیاں۔ حضور ﷺ سن رہے

سن۔ آپ ﷺ نے میری ماں نوں فرمایا، بچے نوں کیہ شے دین دی نیت
کیتی ۳؟ اوہنے کیا، میں انہوں کھجور دیاں گی۔ حضور ﷺ نے فرمایا،
جے توں انہوں کچھ نہ دیندی، تے تیرے کھاتے وچ جھوٹھ لکھیا جاتا سی۔

صفوان بن سلیم نے کیا کہ حضور ﷺ کولوں پچھیا گیا، مومن
بُزدل ہو سکدا اے۔ فرمایا، ہاں۔ فیر کیا گیا، مومن بخیل ہو سکدا اے۔ فرمایا،
ہاں۔ فیر پچھیا گیا، مومن جھوٹھا ہو سکدا اے۔ فرمایا، نہیں۔ (موطأ امام
مالک۔ کتاب السلام۔ باب ماجاء فی الصدق وا کذب۔ حدیث ۱۸۱۶)

بخاری شریف وچ کئی حدیثاں ایس مضمون دیاں ملدیاں نیں۔
روزے دے سلسلے وچ سرکار ﷺ نے فرمایا کہ جے روزہ دار جھوٹھ
بولے، تے اللہ نوں اوہدے ہکھیاں رہن دی کوئی لوڑ نہیں (کتاب الادب
- باب ۶۰۷۔ قول اللہ تعالیٰ "وَاجْتَنِبُوا قَوْلَ الزُّور"۔ حدیث ۹۹۴)
سرکار ﷺ نے منافق دیاں تن نشانیاں دسیاں نیں۔ گل کرے گاتے
جھوٹھ بولے گا، وعدہ کرے گاتے خلاف ورزی کرے گا، امانت لےھو سوتے
خیانت کرے گا۔ فیر فرمایا کہ معراج وچ دو بندیاں دے جباڑے چیرے جا رہے
سن۔ مینوں دسیا گیا کہ ایہ جھوٹھ بولدے سن (کتاب الادب۔ باب ۶۲۵۔ حدیث
۱۲۰۸/۱۲۰۹) ایہ حدیث مشکوٰۃ وچ وی نقل کیتی گئی ہے (حدیث ۴۸)۔

حضرت ابو ہریرہؓ توں روایت اے، حضور رسول اللہ ﷺ نے
فرمایا۔ بندہ اک گل کردا اے، تے اوہدے وچ کوئی حرج نہیں سمجھد۔ حالاں
جے، اوہدی وجہ توں اوہ ستر سال جہنم میں رہے گا (جامع ترمذی۔ ابواب
زہد۔ باب ۹۰۔ حدیث ۱۹۵)

امام نووی کہندے نیں، کلام مقصد تیکر اپڑن دا اک خاص ذریعہ
اے۔ ایس لئی جس مقصد نوں حاصل کرنا جھوٹھ بولیوں باجھ ممکن ہووے،
نالے اوہ مقصد وی شرعا "چنگا ہووے" تے جھوٹھ بولنا حرام اے۔ جے کوئی
شرعا "چنگا مقصد جھوٹھ بولے بغیر حاصل نہ ہو سکدا ہووے تے جھوٹھ بولنا جائز
اے۔ جے مقصد مباح اے تے جھوٹھ وی مباح ہووے گا۔ مقصد واجب ہويا
تے جھوٹھ بولنا وی واجب ہو جائے گا۔ (ریاض الصالحین۔ باب ۲۶۱)

غیبت کرنا

نور نبی ﷺ نے دنیا تے جیہڑیاں رشتائیاں کھلاریاں نیں، اوہناں
وچ چنگے اخلاق نیں۔ بُرے اخلاق توں بچنا نور دے ہالے وچ رہنا اے، اُتے
بُرے اخلاق وچ گھریاں رہنا بیہریاں وچ ٹانک لٹوئیاں مارنا اے۔ اللہ تعالیٰ نے
غیبت کرن نوں اپنے مردہ بھائی دا گوشت کھانا فرمایا اے۔ (الحجرات۔
۱۲:۳۹)

حضرت عبداللہ بن عباس (رضی اللہ عنہما) توں روایت اے۔ حضور
ﷺ قمران کولوں لنگھے تے فرمایا کہ ایہ دو مُردیاں نوں عذاب ہو رہیا
اے۔ اک پیشاب دیاں چھٹاں توں نہیں سی پچدا، تے دوجا غیبت کردا سی۔
(بخاری۔ کتاب الادب۔ باب ۶۰۲۔ حدیث ۹۸۹ / باب ۶۰۵۔ حدیث ۹۹۲ /
کتاب الجنائز۔ باب ۸۷۔ حدیث ۱۲۸۸)

حضرت ابو ہریرہؓ فرمائدے نیں، حضور پاک ﷺ نے فرمایا،
جانداں او غیبت کیہ اے؟ لوکاں کیا، اللہ تے اوہدا رسول ﷺ جانداں

نیں۔ آپ ﷺ نے فرمایا، غیبت ایہ اے کہ توں اپنے بھائی واذکر انج کریں کہ جے اوہ سامنے ہووے، سُن لئے تے اوہنوں چنگانہ لگے۔ لوکاں پچھیا یا رسول اللہ ﷺ! جے ساڈے بھائی وچ اوہ عیب موجود ہووے تے فیر۔ حضور ﷺ نے فرمایا، تاں ای تے غیبت ہووے گی۔ دوجی صورت وچ تے بہتان اُتے جھوٹ ہویا (مسلم۔ کتاب البر والصلۃ و اللادب۔ باب تحریم الغیبت۔ پہلی حدیث / مؤطا امام مالک۔ کتاب السلام۔ باب ماجاء فی الغیبت۔ حدیث ۱۸۰۷ / مؤطا امام محمد۔ باب الغیبت والبتتان۔ حدیث ۹۵۳)

امام نووی نے غیبت دیاں جائز صورتاں وی بیان کیتیاں نیں۔

(ریاض الصالحین۔ باب ۲۵۶) پر اسماں غیبت دی جائز صورت دا خیال نہیں کرنا۔ ساڈے لئی غیبت دی ہر ناجائز تے حرام توں حرام صورت گوارا اے۔ اسیں ہر ویلے غیبت ای کردے رہندے آں۔ اللہ معاف کرے، میں ۱۹۹۶ وچ حرمین شریفین دی زیارت واسطے گیا ساں، تے لوٹھے وی ایہو دیکھیا کہ لوکی اوہناں مقدس متبرک جگہاں دا وی کجھ خیال نہیں کردے، تے اپنی عادتاں موجب ہر ویلے، یا دیہاڑی وچ کئی واری غیبت دی کوئی نہ کوئی تصویر پینٹ کردے رہندے نیں۔ ایہ وی دیکھیا گیا کہ میستاں وچ وی غیبت دیاں بنیاں کردہ صورتاں دکھائی دیندیاں نیں۔ اللہ بچائے۔

غصے اُتے قابو

اللہ کریم نے غصے اُتے قابو پان والیاں، اُتے لوکاں نوں معاف کردین

والیاں نوں ”محسنین“ فرمایا اے، تاں لے اوہناں تاں اپنی محبت دا اعلان کیتا اے۔ (آل عمران۔ ۱۳۴:۳)۔ سعد بن مسیب نے حضرت ابو ہریرہؓ توں روایت کیتی اے کہ حضور پاک ﷺ نے فرمایا، پہلوان اوہ نہیں جیرا کہے توں ڈھاہ لئے، پہلوان اوہ اے جیرا غصے ویلے اپنے آپ نوں قابو وچ رکھ سکے۔ (بخاری۔ کتاب اللادب۔ باب ۶۳۲۔ حدیث ۱۰۳۶ / مسلم۔ کتاب البر والصلۃ و اللادب۔ باب فضل من مملکت نفسه عند الغضب۔ پہلی دوجی تے تہی حدیث / سنن ابو داؤد۔ کتاب اللادب۔ باب ۴۱۹۔ من کظم غیظا۔ حدیث ۱۳۵۲ / مؤطا امام مالک۔ کتاب حسن الخلق۔ باب ماجاء فی الغضب۔ حدیث ۱۲۳۶)

اک ہور حدیث وچ اوند اے، ساڈے سرکار ﷺ دی بارگاہے اک بندے نے سوال کیتا، مینوں کوئی وصیت فرماؤ۔ فرمایا، غصہ نہ کریا کر۔ اونہے گھڑی گھڑی ایہو ای گزارش کیتی، اُتے ہر واری سرکار ﷺ نے جواب وچ ایہو ای فرمایا۔ (بخاری۔ کتاب اللادب۔ باب ۶۳۲۔ حدیث ۱۰۳۸ / اربعین نووی۔ ابو ذکریا محی الدین النووی۔ الحدیث السادس عشر (۱۶))

عبدالرحمان بن عوفؓ دے پتر حمید توں روایت اے، حضور ﷺ کول اک بندہ حاضر ہویا، تے کہن لگا۔ یا رسول اللہ ﷺ مینوں کجھ ایہی گل فرماؤ جمدے توں میں پوری حیاتی وچ فائدہ چکاں۔ فرمایا، غصے وچ نہ آیا کر۔ (مؤطا امام مالک۔ کتاب حسن الخلق۔ باب ماجاء فی الغضب۔ حدیث ۱۲۳۵)

حضور پاک ﷺ نے غصے دے علاج واسطے فرمایا کہ ”اَعُوذُ

بِاللّٰهِ مِنَ الشَّيْطَانِ الرَّجِيمِ“ پڑھیا کرو۔ یا، رُڑے ہوو، تے کھلو جاؤ۔
کھلوتے ہووو تے بہر جاؤ، یا لے پے جاؤ۔ اک واری فرمایا کہ غصہ آوے تے
وضو کرو۔ (سُنن ابو داؤد۔ کتاب الادب۔ باب مَا يُقَالُ عِنْدَ الْغَضَبِ۔ حدیث
۱۳۵۴-۱۳۵۷)

مطلب ایہ کہ جے غصے نے تمناں ڈھا لیا، تے سمجھو تہاں شکست کھا
لئی۔ جے تہاں غصے تے قابو پالیا تے سمجھو، کم سدھا ہو گیا۔ حضور ﷺ
نے غصے دے جیڑے علاج تجویز کیتے، اوہدے توں وی معاملے دی سنگینی دا پتا
پلدا اے۔ سدھی گل اے کہ غصے وچ بندے دی ممت ای ماری جائدی اے،
دلغ کم کرنا ای چھڑ دیندا اے۔ دلغ، — جیڑا سارے انجان دا حاکم اے۔
غصہ آیا، دلغ کم کرن جو گانہ رہیا، تے بندے دا سارا نظام ای خراب ہو گیا۔ اللہ
تعالیٰ سانوں نور نبی ﷺ دے چانے توں اپنیاں زندگیاں نوں روشن کرن
دے راہ اُتے ٹورے۔

عہدے دی خواہش کرنا

حضرت عبدالرحمان بن سمرہؓ فرمادے نیں، مینوں حضور پاک
ﷺ نے فرمایا، حکومت نہ منگیں۔ کیوں جے تینوں منگے نال حکومت لہجی
تے رب نے تیری مدد نہیں کرنی۔ ہاں تینوں بغیر خواہشوں حکومت لہجی، تے فیر
رب تیری مدد کرے گا۔ دوجی حدیث وچ حضرت ابو موسیٰ اشعریؓ فرمادے نیں
کہ میں دو بندیاں نوں نال لے کے حضور پاک ﷺ دی خدمت وچ حاضر
ہویا۔ اسناں عرض کیتی، ساڈے کولوں حکومت دے سلسلے وچ کوئی کم نہ۔ حضور

ﷺ نے فرمایا، جیڑا حکومت منگے، اسیں اوہنوں ساریاں توں جھوٹھا
سمجھدے آں۔ یا فرمایا کہ جیڑا عہدے دی خواہش رکھے، اوہ اوس عہدے دے
لائق ای نہیں ہندا۔ (سُنن ابو داؤد۔ کتاب الخراج۔ باب مَا جَاءَ فِي طَلَبِ
الْإِمَارَةِ۔ حدیث ۱۱۵۵، ۱۱۵۶)

افسوس ہے اوہناں مولویاں تے، جیڑے دین دے حکم احکام جانڈیاں
جھڈیاں حکومت دی طلب وچ مارے مارے پھردے نیں، جمہوریت راہیں
ایکشنل وچ حصہ لیندے نیں، ووٹ منگدے نیں، تے فیر ذلیل ہوندے
رہندے نیں۔

دو بوتھیاں والا

حضرت ابو ہریرہؓ توں روایت اے، حضور پاک ﷺ نے فرمایا،
تھاڈے وچوں ساریاں توں بھینڑا اوہ اے جہدے دو منہ ہوں۔ کچھ لوکاں نال اک
منہ نال گل کرے، تے دو جیاں بندیاں دل جاوے تے اوتھے اوہدا دو جاوے تھانظر
آوے۔ (مسلم۔ کتاب البر والصلۃ والادب۔ باب ذِمُّ ذِي الْوُجْهِينَ۔ تن حدیثاں
/ مشکوٰۃ المصابیح۔ کتاب الادب۔ حدیث ۴۶۰۹، ۴۶۳۱)

نور نبی ﷺ دی روشنی نے سانوں منافقت دیاں ہنیریاں توں
بچاؤن خاطر کئی راہ دکھائے نیں۔ اسلام دا مقصد ای ایہ اے کہ اسیں منافقت
دے دشمن بنیے، اُتے دشمن ای رہیے۔ جیڑا بندہ اتھے ہو ر گل کرے، دوجی
جگہ جا کے دوجی گل کرے، اتھے کسے نوں چنگا کوے، اوتھے اوہدی بد تعریفی
کرے، اک پاسے کسے معاملے وچ اک راء دے، دوجے پاسے توے راہ دو جا پاسالا

دے، اوہ منافق ہے۔ اور منافقت دی اسلام وچ گنجائش کوئی نہیں۔

ساڈے آسے پاسے کئے ای بندے نظر اوندے میں جیہڑے کسے نوں ملدے میں، تے محبت نال، ہسٹیاں اوہدی تعریفاں کردیاں، جیہڑیاں پاندیاں ملدے میں۔۔۔ اُتے، جد اوہ سامنے نہیں ہندا، تے اوہدے خلاف زبان کھولدے میں۔ حضور پاک ﷺ دے فرمان موجب ایسے بندے ای سب توں ودھ بُرے ہندے میں۔ اللہ پاک ساریاں نوں محفوظ رکھے۔

وکھاوے لئی کیتے گئے چنگے کم

حضرت ابو ہریرہؓ توں اک لمی حدیث روایت اے جیہڑی سناؤں توں پہلوں اوہ کئی واری بے ہوش ہوئے۔ حضور ﷺ نے فرمایا، ساریاں توں پہلوں قیامت والے دن تن بندیاں دا حساب کتاب ہووے گا۔ جنھے قرآن یاد کیتا ہووے گا، اوہ کہوے گا، رہا! میں تیرے لئی تیرے کلام دی تلاوت کردا رہیا۔ فرشتے کہن گے، فیر رب فرمائے گا، توں جھوٹا ایں۔ توں تے قاری اکھوان لئی ایہ کردائیں۔ فیر، امیر بندہ آئے گا، رب پچھے گا، میں تینوں کرنال مال دتا سی۔ فیر، توں کیہ کیتا؟ اوہ کہے گا، میں تیری دینی ہوئی دولت وچوں سلمہ رحمی کردا سلاں، خیرات کردا سلاں۔ فرشتے اُتے رب آپ فرمائے گا، توں جھوٹا ایں، توں تے دڈا خنی اکھوان خاطر ایہ کردائیں۔ فیر شہید آئے گا، کہے گا، رہا! میں تیری راہ وچ لڑیا، اُتے شہید ہويا۔ فرشتے کہن گے، توں جھوٹا ایں، رب وی فرمائے گا، توں جھوٹا ایں، توں تے بہادر سداؤں لئی ایہ کم کیتا سی۔ حضور پاک ﷺ نے حضرت ابو ہریرہؓ دے پٹ تے ہتھ مار دیاں ہوياں فرمایا۔ ابو ہریرہ!

ساریاں توں پہلوں ایہو ای جنم دی اک وچ سُنے جان گے (جامع ترمذی۔ ابواب الزہد۔ باب ۲۷۔ ماجانی الریاء والسمۃ۔ حدیث ۲۶۵)

ایس توں اگلی حدیث وچ اے، حضور ﷺ نے فرمایا، جنم وچ اک ولدی اے جہدے توں جنم آپ وی دیہاڑی وچ سوواری پناہ منگدا اے۔ اوہدے وچ ریا کاری نال قرآن پڑھن والے سُنے جان گے (حدیث ۲۶۶) **ریاض الصالحین** دے باب ۲۸۸ وچ بخاری، مسلم تے ابو داؤد دے حوالے نال پنج حدیثاں ریا دے حرام ہون بارے بیان کیتیاں گیاں میں (حدیث ۱۲۱۳-۱۲۱۷)

اج کل تے قرآن پڑھن والے صرف قاری اکھوان خاطر نہیں، سگوں مال کماؤں لئی قراءت کردے میں۔ اوہناں دے ریٹ مقرر نہیں۔ ایسے طرح غریباں مسکیناں دی مدد کرن یا میسٹاں اُتے رقم لاؤں والے ”پبلٹی“ دے نال نال کالے دھن نوں چٹا کرن، تے لوکاں دیاں تے حکومت دیاں اکھیاں وچ دھوڑ پاؤں خاطر ایہ کم کردے میں۔ پتا نہیں، ساڈا کیہ بنائیں۔

ناحق قتل

نور نبی ﷺ دیاں کرنال تے سانوں آپو وچ محبت دی روشنی بخشیاں میں۔ مسلماناں وچ اک دوجے وچ چھوٹک، دل کھٹے کرن، ناراض رہن، دشمنی کرن، دشمنی رکھن دی وی گنجائش کوئی نہیں۔ کسے نوں ناحق قتل کرنا تے بہت وڈی گل اے۔ حضور پاک ﷺ نے فرمایا (براہین عازبہ دی روایت موجب) کہ اللہ نوں کسے مومن دا قتل ساری دنیا دے تباہ برباد ہو

جان تو وہ اے (سُنی ابن ماجہ۔ ابواب الدیات۔ حدیث ۷۸۲)

حضور پاک ﷺ نے صرف تن قتل جائز قرار دیتے ہیں۔ اک اوہ جیہڑ مرتد ہو جائے، اسلام نوں چھڑ دے، دو جا جیہڑ شادی شدہ بندہ زنا کرے، تے تچا۔ جیہڑ کسے نوں قتل کرے (مسلم۔ کتاب القصاص و الحارین و الدیات۔ باب ما یخرج بہ دُم المسلم۔ پہلی تے دوجی حدیث / سُنی ابو داؤد۔ کتاب الحدود۔ باب الحکم فیمن ارتد۔ حدیث ۹۳۸)

حضرت انسؓ فرمادے ہیں، حضور ﷺ نے فرمایا، وڈے کبیرہ گناہ میں: اللہ دے نال کسے نوں شریک بناؤنا۔ کسے نوں قتل کرنا۔ ماں پو دی نافرمانی کرنا، تے جھوٹھ بولنا یا جھوٹھی گواہی دینا (بخاری۔ کتاب الدیات۔ باب ۹۹۷۔ حدیث ۱۷۶۵)

حضرت عبداللہ بن عمر (رضی اللہ عنہما) کہندے ہیں، رسول پاک ﷺ نے فرمایا، مومن اوناں چر اپنے دین دے اندر رہندا اے جد تیکر اوہ ناحق کسے نوں قتل نہیں کردا (بخاری۔ کتاب الدیات۔ حدیث ۱۷۵۷)

حضرت عبداللہ بن عمرؓ توں ای روایت اے، سرکار ﷺ نے فرمایا، میرے توں مگروں کفرول نہ مڑ پینا، جے اک دوجے دی دھون لاہن لگ پوو۔ حضرت جریرؓ توں روایت اے، حضور ﷺ نے جے الدواع ویلے مینوں فرمایا، لوکاں نوں چُپ ہون واسطے کہو۔ فیر فرمایا، میرے بعد کفرول ای نہ رُ جانا کہ اک دوجے نوں قتل کرن لگ پوو (بخاری۔ کتاب الدیات۔ باب ۹۹۷۔ حدیث ۱۷۶۲، ۱۷۶۳) حضرت عبداللہ بن مسعودؓ کہندے ہیں، حضور پاک ﷺ نے فرمایا، مسلمان نوں گالہ کڈھنا فسق اے، اتے اوہنوں قتل کرنا کفر

اے (مشکوٰۃ المصابیح۔ کتاب الأدب۔ حدیث ۴۶۰۱)

حضرت ابو ہریرہؓ توں روایت اے، حضور ﷺ نے فرمایا، جیہڑ مسلمان دل ہتھیار چک لئے، اوہ ساڈے دچوں نہیں گا (سُنی ابن ماجہ۔ ابواب الحدود۔ باب من شکر السلاح۔ حدیث ۷۴۱) مسلم شریف وچ اے، جو کوئی اپنے مسلمان بھائی نوں لوہے نال ڈراوے، بھانویں مارنا مقصد نال ای ہووے، اوہدے تے فرشتے لعنت بھیجندے ہیں (مسلم۔ کتاب البر و الصلۃ و الادب۔ باب النھی عن الاشارة بالسلاح إلی المسلم۔ پہلی تے دوجی حدیث / جامع ترمذی۔ ابواب الفتن۔ باب ماجاء فی اشارة الرجل علی اخیہ بالسلاح۔ حدیث ۳۳)

ہن اسیں اپنے گلے وچ منہ پا کے دیکھ لیے کہ اسیں حضور پاک ﷺ دے حکماں تے کنال کو عمل کرنے آں، اتے کتھوں تیکر مسلمان آں!!

عاجزی اختیار کرنا

حضور پاک ﷺ نے فرمایا (عیاض بن حمادؓ دی روایت اے) کہ اللہ تعالیٰ نے مینوں وحی گھلی اے کہ عاجزی اختیار کرو۔ انتھوں تیک کہ کوئی اک دوجے تے زیادتی نہ کرے، نہ اک دوجے تے فخر کرے (سُنی ابو داؤد۔ باب ۴۶۳ فی التواضع۔ حدیث ۱۴۶۴)

شفعا شریف دے حوالے نال، سلمان منصور پوری لکھدے ہیں کہ حضور ﷺ مجلس وچ کدے تھل لیاں کر کے نہیں

بیٹھے، سلام پہلوں کر دیندے سن۔ ہتھ ملاؤں لئی پہل کر دے سن۔ صحابہؓ نوں
نال دی جگہ کنیت نال بلاؤندے سن کہ عریاں وچ عزت نال بلاؤن دا ایہو طریقہ
سی۔ کسے دی گل نہیں سن ٹوکدے۔ نفلی نماز پڑھدیاں کوئی بندہ آجاوے تے
نماز جلدی مکا کے پہلوں اوہدی ضرورت پوری کر دے سن، تے فیروز بارہ نماز وچ
لگ جاندے سن۔ مسکراؤندے رہندے سن (رحمت للعالمین
ﷺ)۔ جلد اول۔ باب ۵۔ خلق محمدی ﷺ۔ شیخ غلام علی اینڈ سنز
لاہور۔ ص ۲۶۳)

علامہ یوسف بن اسماعیل نبھانی لکھدے نیں کہ کوئی
غریب مسکین، غلام یا آزاد بندہ حضور ﷺ نوں ملدا سی تے آپ
ﷺ اوہدے کول کھلو جاندے سن۔ اوہنوں چھوڑ دے صمن، کوئی تکلیف،
کوئی ضرورت؟ اتے اوہدی ضرورت پوری کیتیوں تے تکلیف دور کیتیوں
پہلوں اوہدے توں دکھ ای نہیں سن ہوندے۔۔۔۔۔ غلاماں نوکراں نال مل بہہ
کے کھانا کھاندے سن۔ اپنے کپڑے پاٹ جان تے سیو لیندے سن۔ جتنی مٹھے تے
گڈھ لیندے سن۔ گھر دے کم کلج وچ ہتھ وٹاندے سن۔ (شعائر رسول
ﷺ)۔ ص ۱۲۵، ۱۲۹)

حضور پاک ﷺ دے فرمان موجب کوئی بندہ مومن نہیں ہو
سکدا، جد تیک اوہ اپنے مایاں، اپنے بال بچے، اتے ساری دنیا توں ودھ محبت
حضور ﷺ نال نہ کرے۔ اسیں آپ ﷺ نال محبت دے دعوے
وی کر دے آں۔ اپنے مقصد لئی آپ ﷺ دی کسے سنت تے عمل کرن دا
اعلان وی کر دیندے آں۔ پر جیہڑی سنت ساڈے دل نہ لگے، یا اوکھی دے،

اوہدی گل ای نہیں کر دے۔ اوہناں سنتاں نوں دور ای دور رہنے آں جنہاں توں
اسلامی مثالی معاشرہ قائم کیتا جا سکدا اے۔

اسیں حضور پاک ﷺ دی سیرت دے موضوع تے گل کرن تے
لکھن پڑھن لگیاں آپ ﷺ دے مقام نوں سامنے نہیں رکھدے۔ ایہ
وی نہیں سوچدے کہ جو کجھ لکھ رہے آں، لکھی جا رہے آں، ایہ غلط تے نہیں،
جھوٹھ تے نہیں، حقیقتاں دے خلاف تے نہیں۔

نور نبی ﷺ دیاں کرناں نے دنیا نوں جس طرح روشنائیاں وٹدیاں
سن، ہن تیک وٹد رہیاں نیں، اتے قیامت تک ایہ سلسلہ جاری رہنا ایں، اسیں
اوہناں توں اکھیاں کیوں میٹدے آں، اوہناں توں فائدہ کیوں نہیں چکدے۔
اوہناں دے ذریعے اپنی دنیاوی، تے اپنی اخیروی چنگی کرن دے واسے کیوں نہیں
رُودے۔

حضور ﷺ نوں اللہ پاک نے گھلایا ای اخلاق پھیلان خاطر سی۔
اسیں اپنی عادتاں حضور ﷺ دے ارشاداں تے آپ ﷺ دیاں
سنتاں موجب کیوں ٹھیک نہیں کر دے۔ ساڈے اخلاق چنگے کیوں نہیں۔ اسیں
حیا نوں ایمان دا وڈا حصہ کیوں نہیں سمجھ دے۔ اسیں اپنے مومن بھراواں لئی
محبت پیار دی جگہ دشمنی دے رشتے پیڑے کر کے کیہڑے اسلام دی گل کرنے
آں۔

اسیں مایاں نال رتناں کو چنگا سلوک کرنے آں۔ اسیں اک دوجے نوں
سلامتی دا مہینا دین دی بجائے ”سلام“ نوں صرف ایک معاشرتی روئے کیوں
سمجھن لگ پئے آں۔ اسیں دوجے مومن بھراء دی جان، مال، آبرو دی حفاظت

نوں اپنے تے فرض کیوں نہیں جاندے۔ اسیں گواہنڈیاں نال کیکن ورتدے
آں۔

کیہ اسیں دولت مندی دل دے غنائوں جاننے آں، یا مال کمان خاطر
اپنے دین، اپنی معاشرت، اپنیاں رشتے داریاں، اپنیاں دوستیاں، ہر شے نوں داء
تے لائی جا رہے آں۔ ساڈی سخاوت دا کیہ حال اے۔ ساڈی عبادتاں اُتے
وکھاوے دے بدلاں نے ہیرا کیوں کیتا ہویا اے۔ اسیں مال کمان دے جائز
طریقیاں توں رکّے کو دور ہو گئے آں۔ اسیں خرچ کرن وچ اسراف یا بخیلی توں
کم تے نہیں لے رہے۔ اسیں سودے کرن وچ جھوٹھ داکتال کو عمل دخل
رکھدے آں۔ جھوٹھیاں گواہیاں داساڈیاں کچھریاں وچ کنال ہیرا لے۔

رب نے غیبت توں منع کیتا سی، ساڈی ایہدے باہجھ گھڑی نہیں
لنگھدی۔ غصّے نے ساڈے اعصاب نوں کس طرح دایا ہویا اے۔ شررت دی،
حکومت دی، دولت دی طلب نے سانوں نور نبی ﷺ دیاں کرناں توں
رکناں پرانہ کر چھڈیا اے۔ اسیں تکبر بد خلقی تے اکھڑپن دا شکار ہو گئے آں۔
اسیں دوچہریاں والے بن گئے آں۔ منافقت ساڈیاں ہڈاں وچ رچ کس گئی اے۔
ریاکاری تے دکھاوے نے ساڈیاں عبادتاں ساڈیاں مونہاں تے مار دینیاں نہیں۔
سانوں آخرت دا کوئی خیال نہیں، دنیا ای ساڈا سب کچھ بن کے رہ گئی اے۔

اسیں تواضع تے انکساری دے راہ ای کدی نہیں لنگھے۔ ساڈیاں زبانیں
اُتے اپنے مسلمان بھراواں لئی محبت پیار دی جگہ لڑائی جھگڑے دیاں گلاں ہندیاں
نیں۔ اسیں اک دوجے نوں وڈھن ملکن لئی کلاشکونفاں مچّی پھرنے آں۔ اسیں
مسلمان نہیں، شیعہ، سنی، وہابی، بریلوی، پتا نہیں کیہ کیہ بن سکے رہ گئے آں۔

اسیں، پاکستانی نہیں، پنجابی، سندھی، بلوچی، فلاںے فلاںے ہو گئے آں۔

جے اسماں اپنا قبلہ سدھانہ کیتا، جے اسماں نور نبی ﷺ دیاں
کرناں توں روشنی نہ لئی، جے اسماں محبتاں نہ وڈھیاں، جے اسیں سدھے راہ نہ
چلے تے (خدا نہ کرے، خدا نہ کرے) ساڈا نال نشان مٹ جائے گا، ہُن وی ویلا
اے، اسیں روشنیاں ول منہ، اُتے ہیریاں ول کنڈ کرلیے۔

اللہ سانوں توفیق دے! آمین!!

ماخذ

○ قرآن مجید

- | | |
|-----------------------------------------------------------|-------------------|
| ○ بخاری | ○ مسلم |
| ○ سفین ابو داؤد | ○ سفین ابن ماجہ |
| ○ جامع ترمذی | ○ مؤطا امام مالک |
| ○ مسند امام اعظم | ○ مسند امام محمد |
| ○ مسند علی | ○ مشکوٰۃ المصابیح |
| ○ تفسیر ابن کثیر | |
| ○ تفسیر عزیزی۔ پارہ سی ام۔ عبد العزیز محدث دہلوی | |
| ○ تفسیر الحسنات۔ جلد دوم۔ ابو الحسنات قادری | |
| ○ تفسیر نور العرفان۔ مفتی احمد یار خاں نعیمی | |
| ○ تنہیم القرآن۔ جلد دوم۔ سید ابو الاعلیٰ مودودی | |
| ○ تدبر القرآن۔ جلد نہم۔ امین احسن اصلاحی | |
| ○ معارف القرآن۔ جلد دوم۔ مفتی محمد شفیع | |
| ○ مفردات القرآن۔ امام راغب اصفہانی | |
| ○ حکمت القرآن۔ مجلد دوم۔ عزیز احمد عزیز قاضی | |
| ○ البدایہ والنہایہ۔ حصہ دوم۔ المکتبۃ المعارف، بیروت۔ ۱۹۷۷ | |
| ○ بلوغ الامانی شرح الفتح الربانی۔ جلد دوم۔ مطبوعہ بیروت | |
| ○ السیرۃ النبویہ۔ ابن کثیر۔ حصہ اول۔ دار المعرفہ، بیروت | |

○ الروض الانف - الجزء الاول - سبلی - المکتبۃ الجریالیہ - مصر - ۱۳۳۲ھ / ۱۹۱۳ء

○ الموہب الدنیہ - جلد اول و دوم - القسطلانی (اردو ترجمہ از محمد عبد الجبار خان آصفی نقاشی) محمد علی کارخانہ اسلامی کتب، کراچی - سن

○ روضۃ الاحباب - سید جمال حسینی (اردو ترجمہ بعنوان "رسالت مآب ﷺ" از مفتی عزیز الرحمن) شہزاد پبلشرز لاہور ۱۹۷۶ء

○ سیرت دہلانیہ - احمد زینی دہلان - جلد اول - (اردو ترجمہ از صائم چشتی) - چشتی کتب خانہ، فیصل آباد - اکتوبر ۱۹۸۶ء

○ الوفا بأحوال المصطفیٰ ﷺ - عبد الرحمن ابن جوزی (اردو ترجمہ از محمد اشرف سیالوی) فرید بک شال، لاہور - سن

○ کتاب المعارف - ابن نجیب (اردو ترجمہ از سلام اللہ صدیقی) اظہر اورز، لاہور - سن (ایہ کتاب "تبیخ انبیاء و صحابہ و تابعین" دے نال توں وی چھپی)

○ مدارج النبوت - جلد دوم - شیخ عبدالحق محدث دہلوی (اردو ترجمہ از مفتی غلام معین الدین نعیمی) کراچی - سن

○ معارج النبوت - جلد دوم - ملا معین واعظ کاشفی (اردو ترجمہ از حکیم محمد اصغر فاروقی) لاہور - ۱۹۸۳ء

○ جوامع الشیوخ - ابن حزم ظاہری اندلسی (اردو ترجمہ از محمد سردار احمد) مجلس نشریات اسلام، کراچی - ۱۹۹۰ء

○ شواہد النبوت - عبد الرحمن جامی - مطبوعہ لاہور - بار دوم مارچ ۱۹۷۵ء

○ مغازی رسول اللہ ﷺ - عروہ بن زبیر (اردو ترجمہ از سعید الرحمن علوی) ادارہ ثقافت اسلامیہ، لاہور - ۱۹۸۷ء

○ الخصائص الکبریٰ - جلد اول و دوم - جلال الدین سیوطی (اردو ترجمہ از راجا رشید محمود و سید حامد لطیف) حامد اینڈ کمپنی، لاہور - سن

○ تاریخ طبری - ابی جعفر محمد بن جریر - تاریخ الامم و الملوک: تاریخ طبری - جلد اول - سیرت النبی ﷺ (اردو ترجمہ از سید محمد ابراہیم ندوی) نفیس اکیڈمی، کراچی - جون ۱۹۸۷ء

○ طبقات ابن سعد - جلد اول - اخبار النبی ﷺ (اردو ترجمہ از عبد اللہ النعادی) کراچی - دوسرا ایڈیشن - ۱۹۸۷ء

○ سیرت ابن اسحاق (محمد بن اسحاق مطلق کی کتاب "السیر و المغازی" کا اردو ترجمہ از رفیع اللہ شہاب) مقبول اکیڈمی، لاہور - ۱۹۹۲ء

○ سیرت النبی ﷺ - ابن ہشام - جلد اول (اردو ترجمہ از عبد الجلیل صدیقی) شیخ غلام علی اینڈ

سنز لاہور - سن

○ محمد رسول اللہ ﷺ - شیخ محمد رضا (اردو ترجمہ از محمد عادل قدوسی) تاج کمپنی لمیٹڈ - سن

○ رسول عربی ﷺ - عمر ابو النصر - مقبول اکیڈمی، لاہور - سن

○ مختصر سیرۃ الرسول - عبد اللہ بن محمد بن عبد الوہاب (اردو ترجمہ از حافظ محمد اسحاق) جامعۃ العلوم الاشرفیہ، جہلم - طبع اول - محرم ۱۴۳۱ھ / اگست ۱۹۹۰ء

○ حیات محمد ﷺ - محمد حسین بیگل (اردو ترجمہ از ابو یحییٰ امام خاں) ادارہ ثقافت اسلامیہ، لاہور - بار چہارم ۱۹۸۸ء

○ تاریخ ابن خلدون - حصہ اول - عبد اسلام (اردو ترجمہ از ڈاکٹر شیخ عنایت اللہ) محمد ثنس الدین ناشر کتب، لاہور - طبع اول ۱۹۶۰ء

○ سیرۃ النبی ﷺ - جلد اول - شبلی نعمانی - نیشنل بک فاؤنڈیشن - اسلام آباد - سن

○ سیرۃ النبی ﷺ - جلد سوم - سید سلیمان ندوی - نیشنل بک فاؤنڈیشن - اسلام آباد

○ رحمت للعالمین ﷺ - جلد اول - قاضی محمد سلیمان سلمان منصور پوری - شیخ غلام علی اینڈ سنز لاہور - سن

○ سیرت محمدی ﷺ - سر سید احمد خاں - مقبول اکیڈمی، لاہور - ۱۹۸۸ء

○ فردوس البیت - جعفر سبحانی (اردو ترجمہ از نصیر حسین) الماریہ - جیلی کیشنر، لاہور - بار اول - سن

○ حیات القلوب - ملا باقر مجلسی - جلد دوم (اردو ترجمہ) ساڈی لائبریری وچ "سیرۃ النبی" کے اوپر سے تے مترجم دایا چھاپن والے دانال تے چھپن واسطے، کج دوی نہیں۔

○ تاریخ احمدی - نواب احمد حسین خاں - حق بر اورز، لاہور - سن

○ سیرۃ المصطفیٰ ﷺ - جلد اول - محمد ادریس کاندھلوی - مکتبہ عثمانیہ لاہور - اکتوبر ۱۹۸۵ء

○ سیرۃ المصطفیٰ ﷺ - محمد ابراہیم میر سیالکوٹی - مکتبہ اہل حدیث، سیالکوٹ - جون ۱۹۷۳ء

○ الریح الحق الختم - صفی الرحمن مبارکپوری - المکتبۃ السلفیہ، لاہور - طبع ششم - اپریل ۱۹۹۰ء

○ محرم انسانیت - نعیم صدیقی - اسلامی جیلی کیشنر، لاہور - گیارھویں اشاعت - ۱۹۸۲ء

○ اسوۃ الرسول ﷺ - جلد دوم - سید اولاد حیدر فوق بلکادی - کمپلی ٹرسٹ، کراچی - سن

○ پیغمبر انسانیت ﷺ - محمد جعفر شاہ پھلواری - ادارہ ثقافت اسلامیہ، لاہور

○ سیرت سرور عالم ﷺ - جلد دوم - سید ابو الاعلیٰ مودودی - ادارہ ترجمان القرآن، لاہور - اشاعت دوم - اگست ۱۹۷۹ء

○ نشر الیقین فی ذکر النبی الحبيب ﷺ - اشرف علی تھانوی (یہی کتاب "حبیب خدا ﷺ" کے نام سے چھپی - مکتبہ عالیہ، لاہور - ۱۹۷۸ء)

○ ضیاء النبی ﷺ - جلد دوم - پیر محمد کرم شاہ - ضیاء القرآن جیلی کیشنر، لاہور - بار اول ۱۴۱۳ھ

- پیغمبر اعظم و آخر ﷺ - ڈاکٹر نصیر احمد ناصر - فیروز سنز، لاہور - بار اول ۱۹۸۸
- سیرۃ خاتم الانبیاء ﷺ - مفتی محمد شفیع - بیگم عائشہ یادانی وقف، کراچی - ۱۴۰۲ھ
- سیرت احمد مجتبیٰ ﷺ - جلد اول - شاہ مصباح الدین ظلیل - پی ایس او، کراچی ۱۹۹۶
- سیرت رسول عربی ﷺ - نور بخش توکل - تاج کینی لینڈ - طبع سوم مئی ۱۹۹۶
- نزول وحی - راجا رشید محمود - اختر کتاب گھر، لاہور - ۱۹۹۸
- شعب ابی طالب - راجا رشید محمود - اختر کتاب گھر، لاہور - ۱۹۹۹
- حضور ﷺ کی مکی زندگی کے مسلمان - شہناز کوثر - اختر کتاب گھر، لاہور - جنوری ۱۹۹۸
- ہجرت مصطفیٰ ﷺ - شہناز کوثر - اختر کتاب گھر، لاہور - ۱۹۹۵
- ہجرت حبشہ - شہناز کوثر - اختر کتاب گھر، لاہور - ۱۹۹۸
- حضور ﷺ کی معاشی زندگی - شہناز کوثر - اختر کتاب گھر، لاہور - ۱۹۹۳
- سیرت پاک: گیارہ سال سے چالیس سال تک - شہناز کوثر - اختر کتاب گھر، لاہور - ۱۹۹۳
- حیات طیبہ میں پیر کے دن کی اہمیت - شہناز کوثر - اختر کتاب گھر، لاہور - ۱۹۹۱
- سیرت الرسول ﷺ - ڈاکٹر محمد طاہر القادری - منہاج القرآن - بی کیشنز، لاہور - ۱۹۹۳
- سیرت طیبہ - حصہ اول - پروفیسر غلام ربانی عزیز - مکتبہ تعمیر انسانیت، لاہور - ۱۹۹۰
- نبی کریم ﷺ کی معاشی زندگی - ڈاکٹر نور محمد غفاری - مکتبہ ابوذر غفاری، اسلام آباد - طبع دوم ۱۹۹۰
- اسد الغابہ فی معرفت الصحابہ - ابن اثیر - الجزء الثانی - المکتبۃ الاسلامیہ - تہران - ۱۳۷۱ھ
- حیات صحابہ کے درخشاں پہلو - محمود احمد غففر - نعمانی کتب خانہ، لاہور - ایڈیشن دوم ۱۹۹۳
- حضور ﷺ کی رشتہ دار خواتین - شہناز کوثر - اختر کتاب گھر، لاہور - ۱۴۱۳ھ
- اسلامی انسائیکلو پیڈیا - سید قاسم محمود - کراچی - سن
- جوہر تقویم - ضیاء الدین لاہوری - ادارہ ثقافت اسلامیہ، لاہور - طبع اول ۱۹۹۳
- نقوش - رسول ﷺ نمبر - جلد ۲ / جلد ۱۱
- سیارہ دانش - رسول ﷺ نمبر - جلد اول